



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

Lv 19.275

MOLLWEIDE  
COMMENTATIONES MATHE-  
MATICO-PHILOLOGICAE

' 19.275

Harvard College Library



FROM THE LIBRARY OF  
FRANKLIN HAVEN  
OF BOSTON  
AND OF  
FRANKLIN HAVEN, JR.  
(Class of 1857)

---

GIFT OF  
MARY E. HAVEN  
July 2, 1914
















①  
"COMMENTATIONES  
MATHEMATICO-PHILOLOGICAE "

TRES,

SISTENTES

EXPLICATIONEM DVORVM LOCORVM DIFFICILIVM,  
ALTERIVS VIRGILII, ALTERIVS PLATONIS,

ITEMQVE

EXAMINATIONEM DVORVM MENSVRARVM PRAE-  
CEPTORVM COLVMELLAE.

ADIECTA EST EPISTOLA

AD

VIRVM CLARISSIMVM I. G. SCHNEIDER, SAXONEM  
PROFESSOR. VRATISLAVIENS.

DE

EXCERPTIS GEOMETRICIS EPAPHRODITI ET  
VITRVVII RVFI

SCRIPTA

AB AVCTORE HARVM COMMENTATIONVM  
*Karl Brandano*  
CAROLO BRANDANO MOLLWEIDE,  
ASTRON. IN ACAD. LIPS. PROFESSORE.

ACCEDIT TABVLA AENEA.

5  
LIPSIÆ

SVNTIRVS CAROLI CNOBLOCHII

MDCCCXIII.

Lv 19.275

1851 Dec 2

Haven Fund



Recd. by 691

---

## PRAEFATIO.

Commentatiuncularum, quas hic fasciculus offert, prima pro cathedra a me ad consequenda magisterii Lipsiensis iura more academico sustentata est et defensa, iamque tunc in vulgus edita. Causa editionis iteratae fuit, ut eruditi, si qui illam propius inspicere voverint, (foris enim requiri ex bibliopola intellexi) expeditioris comparationis opportunitatem haberent. In quo proposito non parum confirmabar eo, quod dissertationem istam duumviris summi inter eruditos nominis, Hermanno et Wolfio, haud displicuisse cognoui, quorum ille in disputatione publica, qua opponentis partes suscipere haud dedignatus est, quantum faueret opellae meae, aperte significavit, hic istam ipsam commentationem primis tantum lineis adumbratam, qualis in *Illustriß. de Zach* diario extat \*), non minus fauenti

---

\*) *Monatl. Corresp. B. V. S. 426. u. folg.*

suffragio exceptit, quod coram, postquam Halae in ipsius notitiam et familiaritatem venire mihi contigit, declaravit. Idem hic vir eruditissimus auctor extitit mihi, ut Platonis locum altera commentatione tractatum enodare adgrederer. Cuius auctoritati quum paruissem, quam composueram exercitationem, obtuli Societati Regiae Goettingensi, quae eam non sine testificatione adensus accepit, de eaque relationem diario sub ipsius ductu prodeunti inferendam \*) curavit. Verum quum pro harum ephemeridum instituto relatio ista nonnisi brevis esse posset, et insuper figuris ad explicationem a me propositam plene intelligendam necessariis destitueretur, consilium cepi, integram edendi commentationem, idque eo magis, quod etiamnum circa istum Platonis locum haereri ac laborari vidi. Commentatio tertia et ipsa Societati Regiae Goettingensi in gratiam tributi mihi honoris commercii epistolarum exhibita ideo prodit hic, partim ut postulationi viri docti, qui in diario praedicto de illa retulit \*\*), in formularum Columellianarum originem paullo

---

\*) *Götting. gel. Anz.* 1805. St. 124. p. 1233.

\*\*) *Gött. gel. Anz.* 1807. St. 74. p. 729.

— v —

diligentius inquirendi, quod iam praestitum arbitror, concederem, partim quod eam a viris doctis, quos inter eruditissimum Schneiderum honoris causa nomino, postulari comperi. Omni autem studio id egi, ut ad sensum, quem commentatiunculae hic exhibitae apud eruditos iampridem tulerunt, adhuc digniores redderem. Ea mente nonnulla penitus refigi, alia correxi plura addidi. Sic v. c. in prima commentatione totus locus de ortu et occasu siderum plane aliter constitutus, et generalius atque exactius explicatus est, casusque, in quibus fuga sideri alicui respectu alterius potest ac solet affingi, omnes sunt evoluti atque exemplis illustrati, nec non Manilii locus, in quo vocabulum Piscis sine ullo additamento de Pisce notio dictum est, productus, id quod ad explicationem loci Virgiliani magni momenti est. Singulis vero commentationibus accessit brevis recens conaminum virorum doctorum, qui in eodem, quod quaeque commentatio propositum habet, argumento laborarunt. Ceterum si quis ea iudicii acerbitate fuerit, ut lucubratiunculas istas a ratione muneris professoris astronomiae et spectatoris coeli siderumque aliena putet, neque cum eo consociandas pronunciet, sciat, speculae astrono-

micæ nostræ refectionem summe necessariam, eamque inchoatam quidem, at nondum absolutam iamdudum mihi ingratum otium ab instituendis siderum observationibus fecisse, tum cogitet velim, dissertationis primæ materiem haud ita longe a re astronomica seiunctam, posteriores duas autem ante exaratas esse, quam munus, quo in praefens fungor, mihi demandaretur, denique meminerit quaeso, ante hoc nostrum aeuum, vt bene monuit Clarissimus Schneider in fine praefat. in Vitruuium, philologiae artisque criticae cognitionem et vsum vel adeo Mathematicis communem et familiarem fuisse, quod pluribus exemplis, si opus esset, confirmari liceret. Nihil igitur iam restat, quam vt otium a me sic collocatum optem, vt neque eruditos, qui has commentationes expetiuerunt, suae expectationis, nec me, qui morem illis gessi, suscepti earum edendarum consilii poeniteat.

Dabam Lipsiae III. Cal. Oct. MDCCCXIII.

I.

DE PISCE, QVEM OCCIDENS  
PLEIAS FVGIT:

AD EXPLICANDVM

LOCVM IN VIRGILII GEORG. IV. 231—235.

A.







*Me vero primum dulces ante omnia Musae,  
Quarum sacra fero ingenti percussus amore,  
Accipiant; coelique vias et sidera monstrent; reliq.*

GEORG. LIB. II. — 475 et seqq.

Ceterum iste poëtis vsitatus temporum significandorum mos pomini ortuum et occasuum poëticorum, quo apparitiones et occultationes siderum solis cursu determinatae insigniuntur, originem dedit.

### §. II.

Inter Georgicorum loca, in quibus ortus aut occasus siderum fit mentio, ille quoque est, quo poëta tempora duo mellis de fauis excipiendi sequentem in modum designat:

*Bis gravidos cogunt fetus: duo tempora messis;  
Taygete simul os terris ostendit honestum  
Plias, et Oceani spretos pede repulit amnis:  
Aut eadem fidus fugiens ubi piscis aquosi  
Tristior hibernas caelo descendit in undas.*

LIB. IV. 231 — 235.

Primam ergo fauorum exemptionem fieri iubet sub exitum Pleiadis, secundam circa occasum eiusdem. Quem hic significat Virgilius occasum, matutinum s. cosmicum esse, ex eo, quod tunc Pleiadem in hibernas undas descendere praedicat, facile colligitur. Unde sponte consequitur, ortum, quem innuit poëta, pariter matutinum s. heliacum esse, quoniam si de ortu vespertino acciperes, primae mellationis tempus ad tempus alterius nimium appropinquaret atque cum eo fere congrueret, id quod res ipsa non patitur.

### §. III.

Sed quo melius, quae huc vsque dicta sunt a nobis, et in posterum dicentur, intelligi queant, necesse videtur, rem paullo altius repetamus, totamque or-

taum et occasuum poëticorum rationem accuratius aliquanto et fusius exponamus.

Est igitur ortus et occasus poëticus genus quoddam ortus et occasus communis, quo stellae ortui atque occasai subiectae quotidie supra horizontem euehuntur, vel infra eundem deuoluuntur. Ortus scilicet et occasus, qui sunt comparate ad solem, dicuntur *poëtici*, et quidem ii, qui oriente sole contingunt, *matutini*, qui occidente, *vespertini*. At quoniam sole in horizonte posito stella ortum vel occasum faciens nudis oculis se vix aut nullo modo conspiciendum praebet, solis lumine quippe extincta, sed quo eius ortus occasusve sub adspæctum cadat, sol ad profunditatem aliquam pro splendore stellae variantem, *arcum visionis* dicunt, sub horizontem depressus sit, necesse est; hinc ortuum et occasuum commemoratorum nascitur subdiuisio in *veros* et *apparentes* s. *visibiles*, quorum illi in ipsum solis orientis occidentisque articulum incidunt, hi autem ab eius ortu vel occasu aliquo temporis intervallo eodemque minimo omnium, quae inter solis exortum vel obitum stellaeque ad ortuum aut occiduum horizontem appulsum intercedere possunt, se iunguntur.

Quatuor itaque sunt species ortus poëtici siderum totidemque occasus eorum, quarum loco recentiorum plurimi triplicem tantum huiusmodi ortuum et occasuum differentiam statuunt; et quidem ortum atque occasum matutinum verum nominant *cosmicum*, vespertinum verum autem *acronychum*. At ortum matutinum visibilem itemque occasum vespertinum apparentem cum Seruio \*) *heliacos* appellare maluerunt, quos Segnero \*\*) praecunte congruentius multo ortum primum et occasum postremum dixeris.

---

\*) ad Virgilii Georg. I. 215.

\*\*) *Astronom. Vorles.* §. 366.

§. IV.

Vt varietatis, ordinis et successionis horum ortuum et occasuum, quorum ratio et fundamentum motus solis proprius est, quo aliquando propius ad fixas accedit, aliquando longius ab iis recedit, exemplum aliquod habeatur, diversos *Reguli* ortus et occasus, ut se inuicem excipiunt, percensebimus. Utimur autem *Regulo*, quia haec primae magnitudinis stella, quae in Leonis pectore fulget, haud procul ab annua solis via posita est (abest quippe hoc nostro tempore  $27\frac{1}{2}'$ ) ideoque facilem atque expeditum contemplandi modum offert.

Medio Iulio igitur, quando *Regulus* soli ab occidente versus orientem progredienti et ad  $27^{\circ}$   $\Omega$ , circa quem locum *Regulus* nostra aetate haeret, contendenti in tantum vicinus factus est, ut paullo post illius occasum occidat postridie vespere in regione caeli occidua haud appariturus, occasum vespertinum visibilem facit, post quem prae fulgore solis aliquamdiu plane non conspicitur. Inter hoc occultationis suae tempus, circa diem XX Aug., quo sol ad  $27^{\circ}$   $\Omega$  peruenit, cum ipso simul oritur atque occidit, siue verum ortum matutinum, eiusdemque nominis occasum vespertinum celebrat. Exeunte deinde Augusto e solis versus ortum magis progressi radiis emerfus tum quum primum mane ante eius exortum in parte caeli ortua sese ostendit, ortu matutino apparente oritur. Iam in dies longius a sole recedit, donec inchoante Februario tantum digressus sit, ut mox post ipsius occubitus oriatur postera vespere ortum haud celebraturus. Atque tunc ortu vespertino visibili oritur, ex quo per aliquod tempus conspicitur quidem, sed neque supra horizontem emergens neque infra eum delabens. A die XVII Februario autem, quo e regione solis  $27^{\circ}$   $\approx$  tenentis oritur et occidit, sicque verum ortum vespertinum nec

non occasum matutinum facit, rursus soli appropinquat, usque dum sub medium Mart. in tantum accesserit, ut mane ante eius ortum occidat. Et tunc occasum matutinum apparentem facit; quo celebrato quotidie propius soli admouetur anno vertente rursus se in eius radios immerfurus orbemque phaenomenorum quem descripsimus, denuo percursurus.

### §. V.

In temporibus ortuum et occasuum poëticorum stellae alicuius definiendis duplicem rationem adhibere licet, experientiam dico et disciplinam. Sed illa dumtaxat ortus et occasus apparentes speculari, hac, eaque sola veros, nec minus apparentes eruere possumus. Illi formulis non est opus, sed oculis modo valentibus; haec, scientiae positus fiderum motusque solia innixa, arithmetices ac geometriae ope quaecumque circa ortus et occasus fiderum quaeri possunt, patefacit, quam quidem rationem, ubi tempora praeterita spectantur, solam adhibendam esse, per se manifestum est.

### §. VI.

Inuestigatio temporis, in quod ortus vel occasus stellae alicuius poëticus super dato horizonte, si quidem super eo contingere queat, incidit, per disciplinam et praecepta instituta, tribus fieri modis potest. Aut enim globo caelesti artificiali, aut planisphaerio, aut calculo conficitur. Primus modus facillimus ac phaenomenis ante oculos ponendis et velut depingendis perquam idoneus est. Quare iis maxime conuenit, qui schematum describendorum vel calculorum subducendorum haud satis gnari vel in iis parum exercitati in rem praesentem tamen venire amant. Huic ipso- rum omni laude prosequendo desiderio satisfaciunt institutiones de usu vtriusque globi artificialis, quas inter

primo loco mihi laudanda venit illa, quam Cel. Scheibeli<sup>us</sup>, explicationibus et confectariis postea additis, in vulgus edidit. \*) Nonnulli quoque systematum astronomicorum conditores de temporibus ortuum et occasuum poeticorum siderum, globi caelestis ope inueniendis, praecepta dederunt; quorum e numero prae ceteris Segner<sup>us</sup> mihi nominandus est, propterea quod quomodo globus ad tempora, quae id, quo globus constructus est, vel antecedunt vel insequuntur, accommodandus sit, demonstrauit, \*\*) quod ipsum et Celeb. Scheibeli<sup>us</sup> praefiuit.

## §. VII.

Planisphaeriorum, quae et alias astrolabia audiunt, duo genera hinc in censum veniunt, quorum vni oculo in polo mundi australi constituto planum aequatoris, siue cum Ptolemaeo maius, tropici capricorni pro tabula est, alterum oculo in puncto Nadir dicto statuto horizontis planum tabulam habet. Illud ab astrolabiorum scriptoribus astrolabium particulare, hoc autem horizontale vocatur; quae vero appellationes quum ad rationem vsuque eorum haud satis quadrare videantur, prius, omnibus omnino horizontibus accommodatum, planisphaerium vniuersale; posterius vero, ad vnum tantummodo horizontem restrictum, particulare nominabo.

De planisphaerii vniuersalis constructione vsuque admodum prolixè egit Clavi<sup>us</sup> in opere singulari, cui titulum Astrolabii praefixit. In eius lib. III. can.

---

\*) Vollständiger Unterricht vom Gebrauch der künstlichen Himmels- und Erdkugel, Breslau, 1779. 8. Erläuterungen und Zusätze zu dem vollständigen Unterricht vom Gebrauch der künstlichen Himmels- und Erdkugel, abgefaßt von Joh. Ephr. Scheibel, Breslau, 1785. 8.

\*\*) Astronomische Vorlesungen, §. 361. u. folg.

IV. et V. tempora quoque ortuum et occasuum poetarum stellae alicuius astrolabii ope inuenire docuit. Sed quoniam Clauii ratio nimis perplexa ac proinde non parum taediosa est, solutionis ab illo traditae methodum breuiter adumbrabimus, lectores nostros remittentes ad Clarissimi Klügelii libellum, in quo projectionis stereographicae proprietates non minus eleganter quam dilucide explicuit.

Radio itaque pro arbitrio accepto describatur circulus aequatorem repraesentans, et in eo ducantur duae, quae angulos rectos intercipient, diametri, sectiones planorum aequatoris et vtriusque coluri nec non ipsos coluros referentes. Alterutra earum pro coluro aequinoctiorum assumpta, vt altera colurum solstiorum exhibeat, per §. 8. libelli Klügeliani describatur circulus, qui aequatorem in punctis intersectionum ipsius et coluri aequinoctiorum sub mutua aequatoris et eclipticae inclinatione transeat, adeoque eclipticam referat, inueniaturque per §. 9. proiectura poli borei illius. Si iam positio stellae, de cuius ortu vel occasu poetico quaeritur, per ascensionem rectam et declinationem detur, ad locum eius in planisphaerio designandum, nihil opus est, nisi vt per §. 30. ducatur circulus aequatori parallelus, qui circulum diurnum stellae repraesentet, hicque deinde recta ex aequatoris centro, quod vtrumque polum mundi refert, ad punctum in circuitu ipsius, ascensionis rectae datae competens, educta, et declinationis circulum exhibente, sectetur. Sectionis punctum enim stellae locus proiectus est. Sin autem stellae longitudine et latitudine datis, positus ipsius ad eclipticam relatus sit, inscriptio eius perficitur describendo tum per §. 30. circulum, qui circulum eclipticae parallelum, notae distantiae stellae a polo eclipticae boreo respondentem, exhibeat, tum per §. 31. circulum, qui proiecturas polorum eclipticae transiens circulum latitudinis stellae referat. Ho-



rum quippe circulorum intersectione punctum, stellae vicem gerens, innotescit.

Reliquum est, ut in planisphaerio horizon definetur, qui quidem, ob sphaerae caelestis conuersionem et inde continuo mutatum situm stellarum horizontis respectu, variabilis est. Descripto igitur ad datam poli eleuationem secundum §. 8. circulo, qui horizontem in aliquolibet ipsius situ repraesentet, si e centro aequatoris, interuallo rectae inter illud et centrum proiecturae horizontis interiectae ducatur alius circulus; huius circumducta erit locus centri proiecturae horizontis quemcumque situm tenentis.

Vt inueniantur iam tempora ortuum et occasuum poëticorum stellae propositae, quaerenda sunt prius puncta eclipticae, in quibus sol haeret, quando stella oriente vel occidente et ipse oritur aut occidit, et ex iis demum tempora deriuanda. Illi proposito autem modo sequente satisfit,

E loco stellae, tamquam centro, radio proiecturae horizontis fiat arcus circulum postremo descriptum, in quo videlicet centrum proiecturae horizontis locatur, bis transiens et e punctis transitus eodem illo radio duantur circuli duo horizontem exhibentes in duabus positionibus, quas stella ortum vel occasum faciente habet. Horum namque circulorum et eclipticae intersectiones nota efficient quatuor puncta quaesita, quorum quaenam ad ortum stellae, quaenam ad occasum eius pertineant, ex data positione proiecturae meridiani, vt quae centra aequatoris et proiecturae horizontis traiciat, facile diiudicatur.

Loca solis praecedenti modo reperta ad ortus et occasus veros spectant. Quodsi ea requirantur, quae ortibus et occasibus apparentibus conueniunt, per §. 30. proiciendi adhuc sunt circuli horizonti paralleli, in quibus quum sol versatur, non impedit, quo minus stella ortum vel occasum faciens conspiciatur. Eorum

enim et eclipticae intersectiones itidem quaesita loca dabunt.

### §. VIII.

Solutione problematis de temporibus ortuum et occasuum poëticorum stellae alicuius planisphaerii vniuersalis ope inuestigandis expedita ad solutionem eiusdem problematis planisphaerii particularis subsidio perficiendam vt accedamus, ratio a nobis suscepta postulat. Haec autem solutio, quae praeter poli elevationem ascensionem rectam et declinationem stellae propositae datas esse requirit, ita instituitur.

Radio ZH pro lubitu assumpto e centro Z describi-<sup>Fig. I.</sup>  
tur circulus HORW horizontem referens, et ducuntur<sup>et II.</sup>  
duae eius sub angulis rectis se decussantes diametri HR,  
OW, quarum vna HR intersectionem planorum horizon-  
tis et meridiani nec non proiecturam meridiani  
ipsam, altera OW autem sectionem communem planorum  
horizontis et verticalis primarii simulque proiecturam  
verticalis primarii ipsam exhibeat. Designatis deinde per §. 8. et 9. libelli saepius laudati ad datam poli elevationem proiecturis aequatoris OQW et poli supra horizontem eleuati P, quem boreum ponimus, ducitur per §. 30. circulus BSD, proiectura circuli a stella proposita in conuersione mundi descripti, id quod ob notam stellae declinationem praestare in proclui erit.

Vt iam locus, quem sol in ecliptica stella ortuum vel occasuum quemque faciente tenet, inueniatur, describitur per §. 31. circulus PSM locum stellae S, quam, Fig. I. in horizonte ortino, Fig. II. in horizonte occiduo ponit, transiens et declinationis circulum repraesentans. Ab eius et aequatoris sectione M inde per §. 27. abscinditur versus occidentem arcus aequatoris MF, ascensionem rectam datam metiens, vt obtineatur punctum aequinoctij verni F. Per illud deinde se-

cundum praecepta §. 45. ducitur circulus  $FG$  proiecturam aequatoris  $WQO$  sub angulo obliquitati eclipticae aequali intersecans et eclipticam exhibens. Huius denique et horizontis intersectione  $L$  et  $G$  innotescunt loca solis quaesita, quorum illa, quae Fig. I. fignit, ad ortus veros, et  $L$  quidem ad matutinum,  $G$  vero ad vespertinum, ea autem, quae Fig. II. exhibet, ad occasus veros,  $L$  videlicet ad vespertinum, atque  $G$  ad matulinum, pertinent.

Sed temporibus ortuum et occasuum apparentium inueniendis per §. 30. proiciuntur insuper circuli horizonti paralleli  $IVKT$ , in quibus sol eam depreffionem attingit, quam habere debet, vt stella ad eandem cum ipso vel aduersam partem meridiani in horizonte posita conspici queat. Quo facto loca solis ortibus et occasibus visibilibus congruentia illorum circularum et eclipticae intersectionibus  $T$  et  $V$  dantur, quae quorsum referenda sint, ex iis, quae modo attulimus, abunde patet.

### §. IX.

Missis iam planisphaeriis, quandoquidem eorum usum in solvendo problemate de temporibus ortuum et occasuum poëticorum stellae alicuius indagandis pro instituto nostro sat copiose exposuimus, ad problematis praedicti solutionem calculi subsidio pertexendam progredimur.

Methodus solutionis autem duplex est, prout stellae positio aequatoris vel eclipticae respectu datur.

Fig. I. In casu priori, in quo ascensio recta  $FM$  et declinatio  $SM$  dantur, ad punctum eclipticae  $L$  vna cum stella exoriens inueniendum in triangulo sphaerico  $SOM$  ad  $M$  rectangulo ex noto latere  $SM$  et angulo  $SOM$ , altitudini aequatoris aequali, quaerendum est latus  $OM$ , differentia ascensionalis stellae pro data habitatione. Hac ab ascensione recta  $FM$  in casu figu-

rae, quae stellam in hemisphaerio polum eleuatum complectente collocat, ablata, innotescit ascensio obliqua stellae propositae FO. In triangulo FOL igitur dantur anguli FOL et OFL, quorum ille supplementum altitudinis aequatoris HOQ, hic obliquitas eclipticae est, vna cum latere comprehenso FO. Inde inueniuntur latus FL, in casu figurae, ascensionem obliquam FO quadrante minorem referentis, distantia puncti orientis L a puncto aequinoctii verni F, et angulus orientis FLO. Cognito autem puncto oriente habetur absque negotio locus solis ortui vero tam matutino quam vespertino respondens. In triangulis deinde LXT, GVV ad X, Y rectangulis ex angulo orientis  $XLT = VGY$  et arcu visionis XT vel YV eruendum est intervallum apparitionis LT vel GV, quod longitudini puncti orientis L additum locum solis T ortui matutino apparenti congruentem, a longitudine vero puncti ex aduerso stellae occidentis G demtum locum solis V ortui vespertino visibili conuenientem praebet.

Prorsus eodem modo inueniuntur loca solis cum Fig. II occasibus stellae quum veris tum apparentibus coniuncta ex descensione eius obliqua FW, quae in casu stellae versus polum eleuatum declinantis, quem figura exhibet, summa ascensionis rectae FM et differentiae ascensionalis MW est.

Hisce praefatis haud difficulter constare potest, si eleuatio poli dicatur  $\phi$ , obliquitas eclipticae  $\epsilon$ , ascensio recta stellae propositae  $\alpha$ , declinatio eiusdem  $\delta$ , differentia ascensionalis  $\Delta$ , longitudo puncti eclipticae vna cum stella emergentis L et angulus orientis,  $\vartheta$ , haberi

$$\sin \Delta = \tan \phi \tan \delta$$

$$\tan L = \frac{\cos \phi \sin(\alpha - \Delta)}{\cos \epsilon \cos \phi \cos(\alpha - \Delta) - \sin \epsilon \sin \phi}$$

$$\cos \vartheta = \cos \epsilon \sin \phi + \sin \epsilon \cos \phi \cos(\alpha - \Delta)$$

Ad arcum  $L$  ope secundae formulae ex sua tangente perfecte determinandum formulis modq prolati adiungenda est aequatio

$$\sin \vartheta \sin L = \cos \varphi \sin (\alpha - \Delta)$$

in qua autem affectionem functionis  $\sin \vartheta$  respectu signi nosse oportet. Nec enim perpetuo angulus  $\vartheta$   $180^\circ$  gradibus minor est, neque semper positivus manet seu perinde iacet, vt in figura, cui formulae praecedentes sunt superstructae, sed pro habitationibus zonarum frigidarum interdum negativus fit, interdum  $180^\circ$  excedit, semicirculo eclipticae, qui in zona frigida boreali ad austrum, in australi ad boream vergit, infra horizontem cadente. Vt igitur in quolibet casu anguli  $\vartheta$  species, vtpote non satis functione  $\cos \vartheta$  determinata, pernoscat, in subsidium vocanda est declinatio puncti eclipticae culminantis, quae si dicatur  $w$ , habemus

$$\begin{aligned} \tan w &= \tan \varepsilon \sin (\alpha - \Delta - 90^\circ) \\ &= - \tan \varepsilon \cos (\alpha - \Delta) \end{aligned}$$

hinc

$$\begin{aligned} \cos \vartheta &= \frac{\cos \varepsilon}{\cos w} \sin (\varphi - w) \\ &= \frac{\cos \varepsilon}{\cos w} \cos (90^\circ - \varphi + w) \end{aligned}$$

atque  $\vartheta$  erit similis ipsi  $90^\circ - \varphi + w$ , quum hic arcus et angulus  $\vartheta$  in triangulo rectangulo, a meridiano, horizonte et ecliptica formato, sibi inuicem opponantur.

In sphaeris extra zonas frigidas minimus anguli  $\vartheta$  valor est 0, maximus  $180^\circ$  graduum, vti facile deprehenditur: pro illis ergo  $\sin \vartheta$  vsquequaque valorem positivum habet, atque  $\sin L$  et  $\sin (\alpha - \Delta)$  eodem signo affectos esse oportet, vt consuet aequatio

$$\sin \vartheta \sin L = \cos \varphi \sin (\alpha - \Delta).$$

Eadem affectio functionis  $\sin \vartheta$  obtinet pro habitationibus zonae frigidae borealis, quando  $\alpha - \Delta$  in altero vel tertio quadrante versatur, pro habitationibus zonae frigidae australis vero, cum  $\alpha - \Delta$  in primo vel ultimo quadrante existit.

In his igitur casibus omnibus non necesse est, ut respiciatur ad arcum  $90^\circ - \varphi + w$ , sed supersederi potest computatione ipsius  $w$ . Quo autem computus secundum formulas supra datas commodius institui queat, adsumatur in auxilium angulus  $\zeta$  eiusmodi, ut fit

$$\cot \zeta = \cot \varphi \cos(\alpha - \Delta) \text{ seu } \tan \zeta = \frac{\tan \varphi}{\cos(\alpha - \Delta)}$$

Quo reperto habetur

$$\tan L = \frac{\cos \zeta}{\cos(\zeta + \varepsilon)} \tan(\alpha - \Delta)$$

$$\cos \vartheta = \frac{\sin(\zeta + \varepsilon)}{\sin \zeta} \sin \varphi$$

$$\tan \vartheta = \frac{\cot(\zeta + \varepsilon)}{\cos L}$$

Longitudo puncti orientis  $L$  sic inuenta extemplo notae reddit longitudes, quas sol in ortibus stellae veris habet. Sunt eae nimirum  $L$  et  $180^\circ + L$ , quarum illa locum a sole occupatum stella ortu matutino faciente, haec autem eundem stella ortu vespertino oriente determinat.

Posito nunc arcu visionis  $= \gamma$ , et intervallo apparitionis  $= a$  erit

$$\sin a = \frac{\sin \gamma}{\sin \vartheta}$$

et longitudo solis in ortu stellae matutino apparenti  $= L + a$ , in ortu eius vespertino visibili autem  $= 180^\circ + L - a$ .

Vt longitudo puncti eclipticae cum stella coocci-  
dentis, quam per  $L'$  designabimus, et angulus occi-  
dentis, quem  $S'$  denotet, ex descensione stellae obliqua  
 $\alpha + \Delta$  inueniantur, opus tantummodo est animaduerti,  
ascensionem obliquam puncti eclipticae eodem mo-  
mento, quo stella infra horizontem descendit, supra  
eum emergentis esse  $180^\circ + \alpha + \Delta$ , et longitudinem  
eiusdem  $180^\circ + L'$ . Quodsi ergo in formulis ortui  
conuenientibus in locum  $\tau\omega\upsilon \alpha - \Delta$ ,  $L$  et  $S$  substi-  
tuantur  $180^\circ + \alpha + \Delta$ ,  $180^\circ + L'$  et  $S'$  respectiue,  
obtinebuntur eae, quae in occasum quadrant et ita sese  
habent.

$$\text{tang } L' = \frac{\cos \varphi \sin (\alpha + \Delta)}{\cos \varepsilon \cos \varphi \cos (\alpha + \Delta) + \sin \varepsilon \sin \varphi}$$

$$\cos S' = \cos \varepsilon \sin \varphi - \sin \varepsilon \cos \varphi \cos (\alpha + \Delta)$$

aequatio autem hisce Formulis ad perfectam ipsius  $L$   
determinationem adiicienda est

$$\sin S' \sin L' = \cos \varphi \sin (\alpha + \Delta)$$

Species anguli  $S'$  etiam hic diiudicari debet ex al-  
titudine puncti eclipticae culminantis. Designata scili-  
cet declinatione puncti illius per  $w'$ , erit

$$\begin{aligned} \text{tang } w' &= \text{tang } \varepsilon \sin (\alpha + \Delta + 90^\circ) \\ &= \text{tang } \varepsilon \cos (\alpha + \Delta) \end{aligned}$$

$$\cos S' = \frac{\cos \varepsilon}{\cos w'} \cos (90^\circ - \varphi + w')$$

atque  $S'$  similis arcui  $90^\circ - \varphi + w'$ .

In sphaeris zonae torridae et vtriusque tempera-  
tae angulus  $S$  terminis 0 et  $180^\circ$  continetur: quare  
pro illis  $\sin S'$  semper valoris positui est, eademque  
affectio functionis  $\sin S'$  locum habet pro habitationi-  
bus zonae frigidae borealis, quando  $\alpha + \Delta$  in primum  
aut vltimum quadrantem incidit, pro habitationibus  
zonae frigidae australis autem quum  $\alpha + \Delta$  in alterum  
aut tertium quadrantem cadit.

In casibus modo memoratis necesse non est, rationem ipsius  $w'$  haberi, sed sufficit angulum  $\vartheta'$  per cosinum suum determinare.

Adsumto nunc in subsidium angulo  $\mu$  huiusmodi, ut sit

$$\operatorname{tang} \mu = \frac{\operatorname{tang} \varphi}{\cos (\alpha + \Delta)}$$

habetur

$$\operatorname{tang} L' = \frac{\cos \mu}{\cos (\mu - \varepsilon)} \operatorname{tang} (\alpha + \Delta)$$

$$\cos \vartheta' = \frac{\sin (\mu - \varepsilon)}{\sin \mu} \sin \varphi$$

$$\operatorname{tang} \vartheta' = \frac{\cot (\mu - \varepsilon)}{\cos L'}$$

Longitudine puncti occidentis  $L'$  hoc pacto inventa, longitudo solis in occasu vespertino vero stellae propositae est idem ipse arcus  $L'$ , in occasu matutino vero eius autem  $180^\circ + L'$ .

Determinetur porro intervallum occultationis  $a'$  ope formulae

$$\sin a' = \frac{\sin \gamma}{\sin \vartheta'}$$

et longitudo solis in occasu stellae vespertino visibili erit  $L' - a'$ , verum in occasu matutino apparenti  $180^\circ + L' + a'$ .

## §. X.

Monstrato hactenus, quomodo ascensione recta et declinatione stellae alicuius datis tempora ortuum et occasuum poeticoꝝ ipsius inuestiganda sint, transimus nunc ad commonstrandum, qua ratione idem praestari possit, longitudine ac latitudine stellae datis, qui fuit casus posterior in §. praec. memoratus.



Fig. I.  
et II.

Primum itaque in triangulo sphaerico EPS ex datis lateribus ES, EP, quorum illud distantia stellae a polo eclipticae boreo, hoc distantia polorum eclipticae et aequatoris est, atque angulo ab iis comprehenso PES, distantia circuli latitudinis stellae et coluri solstiorum, quaerantur latus PS, distantia stellae a polo mundi et angulus positionis ESP. Tum in triangulo PSR ad R rectangulo ex latere PS, modo reperto et latere PR, elevatione poli, inueniatur angulus PSR, qui in casu Fig. I. stellam in horizonte ortiuo referentis, angulo positionis ESP auctus, in casu Fig. II. autem stellam in horizonte occiduo exhibentis, eodem diminutus angulum ESR a circulo latitudinis et horizonte comprehensum praebet. In triangulo denique LSN ad N rectangulo ex latere SN, latitudine stellae, et angulo LSN = ESR quaeratur angulus orientis vel occidentis SLN = HLG et latus LN, differentia longitudinum stellae et puncti orientis vel occidentis, qua cognita et ipsa longitudo puncti orientis et occidentis innotescit.

Solutio modo indicata, vocatis longitudine stellae  $\lambda$ , latitudine  $\beta$ , angulo positionis  $\sigma$ , et seruatis, quibus hucusque usi sumus, denominationibus, formulis comprehenditur iamiam in medium proferendis.

Inueniatur arcus auxiliaris u' eiusmodi, vt fit

$$\text{tang } u = \text{tang } s \sin \lambda$$

et erit

$$\sin \delta = \frac{\sin (\beta + u)}{\cos u} \cos s$$

$$\cot \sigma = \frac{\cos (\beta + u)}{\sin u} \text{tang } \lambda$$

$$\cos \sigma = \cot (\beta + u) \text{tang } \delta$$

quibus formulis aequatio

$$\cos \delta \sin \sigma = \sin s \cos \lambda$$

subiungenda est, utpote quae arguit, in signis descendibus angulum positionis fieri negativum siue contra cadere, ac in ascendentibus.

Denotatis nunc angulo, qui ab horizonte et declinationis circulo comprehenditur, per  $\chi$ , arcubus vero, quibus longitudo stellae a longitudinibus puncti orientis et occidentis differt per  $d$  et  $d'$ , habetur

$$\sin \chi = \frac{\sin \phi}{\cos \delta}$$

$$\tan d = \sin \beta \tan (\chi + \sigma)$$

$$\cos \vartheta = \cos \beta \sin (\chi + \sigma)$$

$$\tan \vartheta = \frac{\tan \beta}{\sin d}$$

$$L = \lambda - d$$

$$\tan d' = \sin \beta \tan (\chi - \sigma)$$

$$\cos \vartheta' = \cos \beta \sin (\chi - \sigma)$$

$$\tan \vartheta' = \frac{\tan \beta}{\sin d'}$$

$$L' = \lambda + d'.$$

Quum uterque angulorum  $\vartheta$  et  $\vartheta'$  in sphaeris zonae temperatae borealis intra limites  $0$  et  $90^\circ$ , in sphaeris zonae temperatae australis autem intra limites  $180$  et  $90^\circ$  contineatur, patet arcus  $d$  et  $d'$  positivos aut negativos esse, prout pro illis latitudo  $\beta$  borealis aut australis, pro his australis aut borealis fuerit. Vnde colligitur, generatim in sphaeris zonarum temperatarum stellam, quae latitudinem habet polo eclipticae eleuato cognominem, oriri cum eclipticae puncto antecedente, occidere cum sequente: quae vero oppositam, oriri cum puncto sequente, occidere cum antecedente. Haec regula tamen minime vniversalis est, neque ad sphaeras zonae torridae vel alterutrius frigidae extendi debet, in quibus stella aliquando

cum puncto eclipticae antecedente, aliquando cum sequente, et oritur et occidit.

### §. XI.

Possunt varia adhuc circa ortus occasusque stellarum excogitari problemata, sed eorum explicatio ad institutum nostrum non pertinet, ex quo ea tantum attingenda erant, quibus in sequentibus lemmatum vice uti possemus. Redimus ergo, unde exorsumus, ad locum Virgilii §. II. laudatum et a nobis iam, uti inscriptio huius scriptiunculae promittit, explicandum.

Quaeritur nimirum, quodnam sit illud sidus, quod Pleias occidens fugere, et qualis sit ratio, ob quam id fugere, dicatur.

Priusquam ad satisfaciendum huic quaestioni accedamus, necesse est, ut videamus, quid verbum *fugere* ad sidera translatum sibi velit. Quod ut eruamus, inuestigemus oportet ea astrorum phaenomena, in quibus aliqua fugae similitudo inest.

Ac primum quidem hic nobis occurrit motus primi s. communis phaenomenon illud, quo sidera quaedam aliis prius, ad meridianum vel horizontem appellantur, ideoque praecedunt, alteris subsequen-  
tibus. Qui tenor ab iis *perpetuo* servatus fictioni fugae locum praebere potest, ut scilicet sidus praecedens proxime insequens et simul cum ipso super horizonte existens fugere ab eoque fugari dicatur. Hoc respectu Aratus Leporem a Cane fugari, illumque hunc fugere perhibet, de iis sic cantans:

Ποσσὶν δ' Ὀρίωνος ὑπ' ἀμφοτέροισι Λαγῶς  
Ἐμμενές ἡμάτα πάντα διώκεται· αὐτὰρ ὄγ' αἰεὶ  
Σείριος ἐξόπιθεν φέρεται μετιόντι ἑοικώς,  
καὶ οἱ ἐπαντέλλει, καὶ μιν κατιόντα διώκει.

PHAEN. 338 — 341.

vbi quidem cum ratione fugae astronomica physica ratio ex indole vsuque animalium astris nomen dantium petenda peropportune et mirifice congruit.

Eodem illo respectu Pleiades Orionem fugere finguntur ab Hesiodo versibus hisce:

Εἰ δὲ σε ναυτιλίας δυσπεμφέλου ἡμερος αἰεῖῃ,  
Εὐτ' αὖ Πληιάδες, σθένος ὄβριμον Ὠρίωνος  
Φεύγουσαι, πίπτωσιν ἐς ἡεροιδέα πόντον —

Op. et D. 618 -- 620.

Alterum phaenomenon, quod fugae speciem praebet, est occasus sideris alicuius, oriente altero. Qui enim semper sese occultat, quotiescunque alter comparuerit, is hunc vitare et fugere hicque illum terrere et fugare videtur. Duplici autem modo fuga in fidus, quod oriente alio occidit, cadere potest, prout scilicet in hae translatione aut ad ortum occasumque quotidianum aut ad poëticum respicitur. Priorem rationem secutus est Aratus in Scorpione Orionem de caelo fugante:

Ὅς καὶ ἐπερχόμενος φοβέει μέγαν Ὠρίωνα.

PHAEN. 636.

Emergente enim illo supra horizontem Græciae hic infra eundem labitur, vicissimque illum fugit.

Τούνεκα δὴ καὶ φασὶ περαιόθεν ἐρχομένοιῳ  
Σκορπίου, Ὠρίωνα περὶ χθονὸς ἔσχατα Φεύγειν.

Ibid. 646. 47.

Altera ratio obtinet in Virgilii loco

Vere fabis satio: tum te quoque, Medica, putres  
Accipiunt fulci, et milio venit annua cura,  
Candidus auratis aperit quum cornibus annum  
Taurus, et aduerso cedens Canis occidit astro.

GEORG. I. 215 -- 218.

vbi Canis occasum vespertinum faciens Tauro circa idem anni tempus ortu matutino orienti cedere, siue, quod eodem recidit, ipsum fugere dicitur.

Explorato sensu, ut ita dicam, astronomico tri-  
buendo formulae de fidere fugiente aliud, enumeratis-  
que variis, quibus ea applicari potest; casibus, quae-  
sionem supra expositam adgredi iam licet.

Principio igitur manifestum est, neque pri-  
mum neque alterum casuum, in quibus fuga astris  
affingi potest et solet, hic obtinere. Quum enim om-  
nia astra a piscibus denominata eam positionem in  
coelo teneant, ut Pleiadas in motu communi prae-  
cedant, neque ullum eorum, Pleiadibus sub horizon-  
tem descendantibus, aut ad occasum vergat, aut su-  
pra horizontem ascendat, Pleias Piscem non eo re-  
spectu fugere dici potest, quo eadem ab Hesiodo  
Orionem, vel Orion ab Arato Scorpionem fugere  
praedicatur. Tertius ergo casus solus superest, in  
quo ortus et occasus poëticus astri fugantis et fugien-  
tis spectatur, et quem eo facilius et libentius quivis  
hic admiserit, quod exemplum eius iam in loco Vir-  
gili modo prolato habuimus.

Necesse itaque est, Piscis fidus, quod Pleias occi-  
dens fugere dici possit, sic in coelo collocatum esse, ut  
ortus eius vespertinus (matutinus enim ex iis, quae  
modo dicta sunt, excluditur) super horizonte Romano  
circa idem fere anni tempus contingeret, quo occasus  
matutinus Pleiadis eveniebat. Praeterea res ipsa postu-  
lare videtur, ut fidus illud ex eorum numero sit, quae  
aliquam apud veteres in describendis temporibus signi-  
ficandisque tempestatibus nacta sunt celebritatem.

Hisce requisitis nullum fidus piscis nomine in-  
signitum magis respondere inuenitur, quam Piscis  
notius a Servio iam hic repertus. Primum enim or-  
tus eius vespertinus super horizonte Romano praece-  
debat occasum matutinum Pleiadis spatio temporis  
haud admodum longo et ei fere aequali, quod inter  
apparentias Tauri et Canis loco proxime citato me-  
moratas intercedebat, adeo ut Pleias matutine occi-

dens Piscem notium vespertino ortu orientem fugere ex Virgilii ratione recte dici queat. Deinde Piscis notius est inter illa sidera, quorum prae aliis veteres in *ἰσχυροῦς* s. tempestatum significationibus rationem habuerunt, vti ex Ptolemaei libro \*) *de apparentiis stellarum inerrantium* patet, in quo lucidae Piscis notii ortus et occasus ad solem relati, addito simul eorum ex Euctemonis \*\*) Hipparchi, Caesaris et aliorum observationibus significatu, diligenter notati sunt.

Quantumuis egregie haec conspirent ad persuadendum, Virgilium, quum Pleiada Piscem fugere caneret, Piscem notium in mente habuisse eundemque intelligi voluisse, attamen dubium suboriri possit, num Piscis simpliciter de Pisce notio dici queat. Verum enim vero quum Piscis notius solitarius quasi et plane seiunctus sit a geminis istis in zodiaco positus,

\*) Editio a Petavio in *Vranologio*, quod primum separatim Parif. 1630 prodiiit, deinde in Tom. III Operis *de Doctrina Temporum* Amstelod. 1703 recusum est. Introductionem Ptolemaei, quam Petavius praetermiserat, et varias lectiones e codice Saviliano descriptas publicavit Fabricius *Biblioth. Graeca*. Lib. IV. c. XIV.

\*\*) Metoni, celebri *ἐνυσσασκατηρίδος* s. cycli vndeginti annorum conditori coaevus. Instituerunt autem astronomi post Metonem, vti refert Theon ad Arati Dios. vl. 20., tabulas Gemino (*Isagog.* c. 14) et Vitruvio (Lib. IX. c. 7) *παράτηματα* (quod possis reddere *affickes*) dictas in publicum proponere, in quibus de singulis annis periodi novemdecennalis prognostica, interque ea aëris mutatione insigniores cum orbibus et occasibus siderum coniunctas, in vsum vitae, agriculturae inprimis et rei nauticae (cf. Achillis Tatii *Isagog.* in Arat. art. 39) evulgabant. Ex his parapegmatis dein scriptores rei rusticae libris suis, quantum in rem esse ipsis visum fuit, inserere.

ille omnino intelligendus est, vbi de pisce, tamquam astro, singulari numero tantum fit mentio, nisi adiuncta aliud suadeant. Comprobatur hoc tum loco Manilii:

*At quum se patrio producet ab aequore Piscis,  
In caelumque ferens alienis finibus ibit; reliq.*

ASTRON. V. 394 et seqq.

tum etiam Ovidii

— — *Quotiesque repellit*

*Ver hiemem, Piscique Aries succedit aquoso.*

METAM. X. 165.

In illo enim de notio Pisce agi, inde manifestum est, quod alibi iam (IV. 574) de influxu piscium geminorum in horoscopo constitutorum in recens natos fuit sermo: hunc vero vt de alterutro pisce in zodiaco collocato explicemus, facit commemoratio Arietis, fideris, quod et ipsum in zodiaco positum Piscis utique succedit. Adde, quod Aratús ad Piscem notium designandum nudo Ἰχθύς vocabulo vsus est, dum, *Cancro exoriente*, inquit:

Δύει μὲν Στέφανος, δύει δὲ κατὰ ῥάχιν Ἰχθύς.

PHAEN. 572.

vbi in Ciceronis et Germanici Phaenomenorum versionibus pro Graeco Ἰχθύς solum Latinum *Piscis* legitur. At locum de Pisce notio exponere, ratio ab Arato in describendo fiderum ortu et occasu inita (cf. vers. 559 - 568), modusque occidendi ipse, vers. 575 et 76 depictus, iubent. Quocirca inter sidera, quae Cancer exorians obscurat siue ad occasum impellit a Festo Avieno (Arat. Phaen. vers. 1081) *Austri incola*, *Piscis* ab Hygiuo autem (Astron. IV. 12.) diserte *Piscis notius* nominatur. Ne quis vero aliquid poetici modo, quo vocabulum Ἰχθύς adhibuit Aratus, subesse opinetur, obstant eiusdem vsus exempla apud scriptores prosaicos, veluti Eratosthe-

nem: Hic enim suae Piscis notii descriptioni (*Catasterism.* c. 38) nil nisi verbum *Ιχθυσ* praemisit, et similiter Pseudoeratoſthenes apud Petauium in *Vranolog.* vocabulum istud sine vlllo appposito bis (p. 258 C et p. 259. A) de notio Piscis usurpauit.

Restat difficultas adhuc tollenda in adiecto epitheto *aquosi*. Sed si accipiatur pro imbrifero, aquas denuntiante, id quod vsui dicendi conuenit, admodum eximie in Piscem notium quadrat.

Nam in Ptolemaei libro supra laudato ortus lucidae Piscis notii tam vespertinus hinc postulatus \*), quam matutinus \*\*) occurrit cum significato pluuiæ et stillantis imbris, adeo vt iste piscis iure meritoque a Virgilio pluuiam denuntians praedicari potuerit. Haec Piscis notio adtributa potestas, in ortu suo imbres ciendi, est quoque causa, cur poëta Pleiada istud sidus vitantem repraesentauerit. Etenim quum ipsa munere perfungeretur ortu suo primam aestatis partem, amoenissimum anni tempus, annunciandi et quasi adducendi, Piscem notium, qui hiemis et caeli pluuii tristis nuncius existeret, non potuit non auersari: quare in ortu eius sese recipiebat, tristiorque ipsa in hibernas vndas descendebat.

## §. XII.

Nihil iam restat, quod ad confirmandam explicationem, quam huc vsque tradidimus, adhuc addi

\*) Is in parallelo horarum XV i. e. sub eleuatione poli 40° 56' secundum Ptolemaeum die XIX mensis Thoth, cui in Calendario Romano respondet XVI Cal. Octob., eueniebat.

\*\*) Vid. quae ad diem XVIII mensis Pharmuthi i. e. Id. April. et ad diem IX mensis Pachon i. e. IV Non. Mai. adnotata sunt.



possit, quam indicium temporum, quibus apparentiae Tauri, Canis et Piscis in duobus Virgilio locis memoratae super horizonte Romano i. e. sub elevatione poli  $41^{\circ} 54'$  primo anno Iuliano, ad quem sine dubio Caesaris constructum erat parapegma \*), contingebant. In iis autem computo eruendis hoc modo versatus sum. Longitudines stellarum e catalogo Mayeriano subductis  $25^{\circ} 32' 8''$ , quibus aequinoctia ab anno 45. a. C. inde usque ad annum 1800 p. C. secundum calculos Ill. Zachii retrocesserunt, deduxi, latitudines earum vero e Ptolemaei catalogo desumere, quam e recentiori aliquo, correctione ob mutatam eclipticae obliquitatem adhibita, deriuare malui. Obliquitatem denique eclipticae primo anno Iuliano conuenientem itidem ex Ill. Zachii ratione statui  $= 23^{\circ} 44'$ . Sic sequentes obtinui valores quantitatum supra designatarum:

Pro lucida Pleiadum.	Pro Canem maiorem.	Pro lucida Piscis notii.
$\lambda = 31^{\circ} 40'$	$= 75^{\circ} 48'$	$= 305^{\circ} 30'$
$\beta = 3 \ 40 \text{ B}^{**})$	$= 39 \ 10 \text{ A}$	$= 23 \ 0 \text{ A}$
$\delta = 15 \ 38 \text{ B}$	$= 16 \ 5 \text{ A}$	$= 41 \ 15 \text{ A}$
$\sigma = 20 \ 50$	$= 5 \ 54$	$= 18 \ 7$
$\chi = 43 \ 54$	$= 44 \ 2$	$= 62 \ 39$

Ex hisce valoribus ortui et occasui communibus derivantur sequentes determinationes:

---

\*) Caesaris libros *de astris* laudant Macrobius Saturn. Lib. I. c. 16. et Plinius in indice libri XVIII: illis vero, parapegma intextum vel annexum fuisse demonstrant ea, quae Plinius Libr. XVIII, et Ptolemaeus in libro supra allegato inde proferunt.

\*\*) Petita est haec latitudo ex *μεγάλη συντάξι*. libr. VII. c. 3.

Pro ortu lucidae Pleiadum.	Pro ortu lucidae Piscis notii.	Pro occasu lucidae Pleiadum.	Pro occasu Canis maioris.
d = 7° 43'	= - 67° 24'	d' = 1° 34'	= - 26° 22'
L = 23 57	= 12 54	L' = 33 14	= 49 26
g = 25 31	= 24 41	g' = 66 59	= 61 24

Statuto nunc arcu visionis pro stellis primae magnitudinis, quando ad easdem partes meridiani cum Sole constitutae sunt, = 12°, pro stellis tertiae magnitudinis autem sub eadem conditione = 14°, invenitur pro Cane a' = 13° 42', pro lucida Pleiadum vero, a = 34° 10'. Hinc locus solis in occasu Canis vespertino apparenti, incidit in 5° 44' 8, in ortu lucidae Pleiadum matutino visibili in 28° 7' 8. Illum occupabat sol III. Cal. Mai. hunc XL Cal. Iun. Prior determinatio prope congruit cum illa, quam Ptolemaeus in libro antea laudato exhibet. Namque secundum ipsum Canis in parallelo horarum XV i. e. sub elevatione poli 40° 56', a qua altitudo poli Romae haud multum distat, die III mensis Pachon i. e. IV Cal. Mai. absconditur \*). Posterior determinatio comparationem non inuenit, quia Ptolemaeus Pleiadum apparentias neglexit \*\*).

Ex tabella praecedenti deriuantur porro absque negotio tempora ortus vespertini veri lucidae Piscis notii nec non occasus matutini veri lucidae Pleiadum. Ille scilicet eueniebat Sole in 12° 54' ☾ existente, hic

---

\*) Plinius (Libr. XVIII. c. 29) Canem eodem die, quo Ptolemaeus, occidere tradit, Columella (Lib. IX. c. 2) eum Pridie Cal. Mai. se vespere celare dicit.

\*\*) Plinius (Lib. II. c. 47) exortum Vergiliarum in 25° 8 (totidem partibus Tauri, quot antea Aquarii nominatae) fieri perhibet; errat autem in tempore inde eliciendo. Ponit enim ex falsa, quam Lib. II. c. 19. et Lib. XVIII. c. 25 tradit opinione, aequinoctia et solstitia fieri in octavis partibus signorum, VI Id. Mai. loco XIV Cal. Iun.

eodem versante in  $3^{\circ} 14' m$ ; quibus locis respondent VIII Id. Octobr. et V Cal. Nouembr. Dies postremo nominatus idem ipse est, qui à Varrone et Columella occasui matutino Pleiadum adtribuitur, et quem Virgilium etiam respexisse probabile est.

Quodli iam ponamus, eum pariter de vero ortu Piscis notii cogitasse, quum veteres *ἐπισημασίας* suas non minus crebro ad veros ortus et occasus, quam ad visibiles direxerint, idem fere temporis intervallum inter apparentias Pleiadis et Piscis notii ac inter *Φάσις* Tauri et Canis interponitur. Verum nec differentia euadit magui momenti, si poëta ortum vespertinum apparentem in mente habuisse dicatur. Nam statuendo arcum visionis pro stellis primae magnitudinis, quum soli ex aduerso posita sunt,  $= 8^{\circ}$ , reperitur pro lucida Piscis notii  $a = 19^{\circ} 29'$ ; proinde ortus eius vespertinus visibilis eueniebat sole in  $23^{\circ} 25' m$  haerente i. e. XIII Cal. Octobr. s. die XXII mensis Thoth: quae determinatio paullum recedit a ratione Ptolemaei, eidem ortui in parallelo horarum XV diem XIX. mensis Thoth assignantis.

Vtracumque tandem sententia de ortu Piscis notii palmam tulerit, illud tamen certum est, Piscem notium Romae, die quo occasus matutinus Pleiadum fiebat, vesperi supra horizontem ortuum haud multo eleuatum sese ostendisse, id quod ad dicendum, Pleiadem ab ipso fugari, sufficit.

### §. XIII.

Priusquam huic commentationi finis imponatur, ne quid in ea desideretur, haud ab re fuerit, virorum doctorum, qui in explicando, circa quem nostra versatur opella, loco, diuersam ab hic proposita rationem secuti sunt, sententias exponere. Tentarunt autem varios difficultatis, quam sibi reperire visi sunt, tollendae modos, quos ordine recensebimus. Quidam igitur

ex iis, fugam dumtaxat fideri, aliud in motu occasu-  
que diurno antevertenti, adtribui putantes, quoniam  
eo pacto fugam in Pleiadem, ut quae Piscem notium  
non praevertat, verum subsequatur, non cadere intel-  
lexerunt, aut locum omnino *inextricabilem* pro-  
nuntiarunt, itaque nodum dissecarunt potius quam  
soluerunt, sicut Petavius \*) et Kaestnerus \*\*),  
aut Piscis notio aliud sidus Pleiada in motu diurno se-  
quens et ab aqua denominatum substituerunt, quemad-  
modum Ruaeus, qui Hydram huc intravit, aut de-  
nique Petavii et Kaestneri, virorum in rebus mathe-  
maticis exercitissimorum, auctoritate inducti ab omni  
explicatione e re astronomica petenda abstinuerunt, lu-  
xem loco ex poetiis rationibus quaerentes, uti nostrae  
Heynius ac Vossius. Alii verba Seruii super  
loco nostro ad ortum occasumque generalem s. diurnum  
trahentes, quum nec sic Pleiadem a Pisce notio fugari  
possumusque vicissim fugere dici posse animaduertent, fide-  
rum eorum, quae occidente Pleiade oriuntur, vnum vel  
alterum, cui quodammodo nomen piscis indi possit, Piscis  
notii locum capere iusserunt, veluti Delphinum aut  
Scorpionem, quorum ille a Musonio atque de I-  
berda, hic a Drydenio in subsidium vocatus est  
eandem nuperrime Horsleius libello singulari de  
duobus temporibus mellationi a Virgilio constituti  
commentatus \*\*\*), vers. 234 et 235 ortum Pleiadi

---

\*) Variar. disertatt. ad Vranolog. Lib. II. c. 9.

\*\*) In epistola de loco nostro ad Heynium scriptae  
inae in huius tert. edit. Virgilii Tom. I. p. 638 exta-  
duae ex Riccioli Almagesto adduxit, paullulum de-  
orsit, vir alioquin perspicacissimus, Ricciolo sententiam  
erabsurdam affingens.

\*\*\*) On Virgil's two Seasons of Honey . . . by Sa-  
muel Horsley. Lond. 1805. Vid. relat. in diario litte-  
ario Goettingensi 1807. 18. Stück.

vespertinum s. acronychum indicari et per fidus Piscis aquosi alterutrum piscium geminorum, quorum ortus matutinus s. heliacus Romae circa idem fere tempus ac occasus modo commemoratus Pleiadis continebat, significari censet.

In refellendis hisce opinionibus non est, quod multi simus. Pauca quaedam tantum admonuisse sufficiet. Deerrarunt a vera explicationis via viri docti, quum non modo omnes casus supra euolutos, in quibus fuga sideri alicui potest et solet adscribi, ante oculos non habuerint, verum etiam locum alterum, in quo Virgilius apparentias Canis occidentis et Tauri emergentis eodem respectu coniunxit, vt altero occasum Pleiadis et ortum Piscis, in comparisonem adhibere neglexerint. Hic enim iam ab Hartmanno Beyer \*), Maestlino \*\*) atque adeo ab illis ipsis viris recte expositus, poterat ac debebat eos in viam reducere. Ceterum sua quaeque interpretationum prolatarum premitur difficultate. Sic, qui Delphinum sub Piscis nomine intelligi voluit, rationem situs sphaerae, qui Romae obtinet, non habuit. Horsleii sententiae, ex qua mellatio altera itidem in tempus verum incideret, obstant *hibernae vndae*, in quas Pleias descendere praedicatur, id quod et ipse vir doctissimus sensit, et frustra conatus est diluere.

---

\*) Quaestion. in libellum de Sphaera Joan. de Sacro Busto. Francofurti 1556, p. 149.

\*\*) Epitom. Astronom. Tubingae 1610 (ed. alt.) p. 254.

II.

DE INSCRIBENDO TRIANGV-  
LO SPECIEI AC MAGNITVDI-  
NIS DATAE IN CIRCVLVM PO-  
SITIONE ET MAGNITVDINE  
DATVM:

AD EXPLANANDVM

LOCVM IN PLATONIS DIALOGO, QVI  
INSCRIBITVR MENO, p. 86. c. — p. 87. h.

THE  
JOURNAL  
OF  
THE  
ROYAL ANTHROPOLOGICAL INSTITUTE  
VOLUME 11  
PART 1  
1911  
LONDON  
PUBLISHED BY THE  
Royal Society of London  
1911

Socrates eo, quem titulus indicat, loco quaestionem, vtrum virtus doceri possit nec ne, geometrarum more, adsumta quadam de vi atque natura virtutis hypothefi, tractaturus, vt Menonem huic disputandi generi praeparet, exemplum e Geometria depromptum adfert, in quo scilicet, quid sit ex hypothefi contemplari, demonstret, quodque his continetur verbis ipfius:

λέγω δὲ τὸ ἐξ ὑποθέσεως ὥδε, ὥςπερ οἱ γεωμέτραι πολλάκις σκοποῦνται, ἐπειδὴν τις ἐρηται αὐτοὺς, οἷον περὶ χωρίου, εἰ οἶόντε ἐς τόνδε τὸν κύκλον τόδε τὸ χωρίον τρίγωνον ἐνταθῆναι.

Ante omnia animaduerti conuenit, hic non de modo soluendi problematis alicuius, sed potius de possibilitate solutionis quaeri. Ea autem inuestigatur analysi, i. e. fingendo, factum iam esse, quod faciendum proponitur, atque per ea, quae inde consequuntur, progrediendo, donec perueniatur ad aliquid, quod in potestate sit. Hac ratione deteguntur simul casus, in quibus propositum fieri potest, in quibus non, quorum distinctio et enumeratio apud Graecos geometras διορισμὸς \*) audit.

Quod iam ad quaestionem geometricam a Socrate exempli gratia allatam attinet, illa definiri postulatur, num datum triangulum dato circulo queat inclu-

---

\*) Vid. Pappi Collect. mathem. libr. VII. praef. — Secundum Proclum (comment. in Libr. prim. Euclid. p. 19) Λεὼν εὐρὴ διορισμὸν, πότε δύνατ' ἐστὶ τὸ ζητούμενον πρόβλημα, καὶ πότε ἀδύνατον.



di, h. e., ei sic applicari et superponi, vt verticibus angulorum trianguli in circumferentiam circuli cadentibus quodlibet trianguli latus parti peripheriae sub- tendatur.

Vt eruatur conditio, sub qua problema de in- scribendo triangulo datae magnitudinis circulo dato generaliter acceptum solutionem inuenit, contemple- mur triangulum quodcumque ABC, cuius latera an- gulis A, B, C subtenfa comparate dicantur  $a, b, c$ , et quod circulo, cuius radius per  $r$  designabitur, in- scriptum fit. Quodsi iam distantia centri circuli a me- dio basis, quam sumamus latus  $b$  esse, dicatur  $z$ , per- pendiculum autem e vertice trianguli B in basin de- missum  $h$ , habetur segmentis baseos perpendiculo di- uisae per  $f, g$  denotatis

$$\text{I)} \quad ff + hh = aa$$

$$\text{II)} \quad gg + hh = cc$$

$$\text{III)} \quad f + g = b$$

$$\text{IV)} \quad rr = \frac{1}{4}bb + zz = (f - \frac{1}{2}b)^2 + (h - z)^2 \\ = (\frac{1}{2}b - g)^2 + (h - z)^2.$$

Ex IV) efficitur

$$1) \quad 2hz = ff + hh - bf$$

$$2) \quad 2hz = gg + hh - bg$$

quibus aequationibus additis fit

$$4hz = 2hh + ff + gg - b(f+g) \\ = 2hh + ff + gg - (f+g)^2 \quad (\text{III.}) \\ = 2hh - 2fg$$

$$\text{siue } 2hz = hh - fg$$

$$\text{hinc } z = \frac{hh - fg}{2h}$$

$$\text{et } zz = \frac{h^4 - 2fg hh + ffgg}{4hh}$$

$$\text{proinde } rr = zz + \frac{1}{4}bb$$

$$= zz + \frac{ff + 2fg + gg}{4}$$

$$\begin{aligned}
 &= \frac{h^4 + ffhh + gg hh + ff gg}{4 hh} \\
 &= \frac{(hh + ff)(hh + gg)}{4 hh} \\
 &= \frac{aacc}{4 hh} \\
 \text{et } &= \frac{ac}{2 h}
 \end{aligned}$$

unde est  $2r \times h = a \times c$ .

Ad inscribendum igitur triangulum datae magnitudinis circulo dato requiritur, ut rectangulum, quod sub diametro circuli et perpendicularo ab aliquo trilateri angulo in latus subtensum demisso continetur, aequale sit rectangulo sub lateribus angulum istum comprehendentibus contento \*).

Hinc deriuantur absque negotio determinationes liuerfis triangulorum generibus competentes.

1) Si datum triangulum fuerit rectangulum eiusque hypotenusa  $b$ , erit  $aa + cc = bb$

i. e. ob I) II) et III)  $ff + gg + 2hh = ff + 2fg + gg$

hinc  $hh = fg$

et  $aa = ff + fg = bf$ ,  $cc = gg + fg = bg$

ergo  $aacc = bbfg = bbhh$ ,  $ac = bh$

atque  $r = bh : 2h = \frac{1}{2}b$ .

---

\*) Demonstratio mere geometrica huius theorematis desideretur, signetur punctum, in quo perpendicularum basi occurrit, D et alter finis diametri, E, iungaturque recta AE. Quo facto triangulum ABE triangulo BDC ob angulos EAB, BDC rectos et angulum AEB (Elem. III. 21) aequalem angulo B-CA aequiangulum erit, quare (Elem. VI. 4)  $BD : BC = BA : BE$ , quae est ipsa theorematis enunciatio. — Vid. The elements of Euclid by Robert Simson B. VI. Prop. C. Thom. Simpson's Elements of Geom. B. III. Theor. XXV. Legendre Elements de Géom. Liv. III. Prop. XXXII.

Oportet igitur, diameter circuli, cui datum triangulum rectangulum inscribendum est, hypotensae aequalis sit, quae quidem determinatio ex notissima propositione, qua angulus in semicirculo rectus esse demonstratur\*), sponte consequitur.

2) Sit datum triangulum aequicrurum, basin habens  $b$ . Quia igitur  $a = c$ , est

$$2r = \frac{aa}{h}$$

Vtrumlibet ergo crurum aequalium media proportionalis est inter perpendicularum e vertice trianguli in basin demissum et diametrum circuli datum triangulum circumscribentis. Recta igitur in alterutra basis extremitate ad perpendicularum cruri adiacenti insiliens, ubi producta fuerit, secat perpendicularum e vertice trianguli in basin demissum itidemque productum in altero diametri fine, cuius rei ratio facile ex propositione sub nr. 1. commemorata deducitur.

3) Si datum triangulum aequilaterum sine  $a = b = c$  sit, habetur ex I) et II)

$$f = g$$

$$\text{et ex III)} \quad f = g = \frac{1}{2} b = \frac{1}{2} a.$$

$$\text{hinc} \quad hh = aa - ff = \frac{3}{4} aa$$

$$\text{et} \quad h = \frac{1}{2} a \sqrt{3}$$

$$\text{proinde} \quad r = \frac{aa}{a\sqrt{3}} = \frac{a}{\sqrt{3}}$$

$$\text{sive} \quad rr = \frac{1}{3} aa.$$

Radius ergo circuli, cui datum triangulum aequilaterum inscribendum est, potentia subtripulum fit lateris trianguli, necesse est \*\*). Huius determinationis ratio haud difficulter etiam ex eo, quod sub nro. 2. de inveniendâ diametro circuli triangulum aequicrurum includentis annotauimus, intelligitur.

\*) Elem. III. 31.

\*\*) Elem. XIII. 12.

Agedum videamus iam, quomodo, quem Socrates vel potius Plato disputantem introduxit, geometres quaestionem propositam tractet. Socrates in sermone, cuius initium supra positum est, ita pergit:

εἴποι ἄν τις, ὅτι οὐκ οἶδ᾽, εἰ ἐστὶ τοῦτο τοιοῦτον· ἀλλ' ὥσπερ μὲν τινὰ ὑπόθεσιν προὔρουσθαι ἔχειν πρὸς τὸ πρᾶγμα τοιαύδε· εἰ μὲν ἐστὶ τοῦτο τὸ χωρίον τοιοῦτον, οἷον παρὰ τὴν δοθεῖσαν αὐτοῦ γραμμὴν παρατείναντα ἐλλείπειν τοιοῦτω χωρίῳ, οἷον ἂν αὐτὸ το παρατεταμένον ᾖ, ἄλλο τι συμβαίνειν μοι δοκεῖ καὶ ἄλλο αὖ, εἰ ἀδύνατόν ἐστι ταῦτα παθεῖν.

Quicumque verborum εἰ μὲν ἐστὶ . . . reliq. fit sensus, id tamen satis patet ac perspicuum est, nullam in iis omnino mentionem fieri radii vel diametri circuli expositi, sed omnia ad datum triangulum referri. Hinc efficitur, verbis istis non effferri conditionem, sub qua datum triangulum dato circulo includere liceat, sed proprietatem quandam, alicui triangulorum generi conuenientem enunciari, id quod res ipsa quoque poscit, si quidem exemplum prolatum ad eam facere debeat. Geometer igitur a Platone inductus determinationem, quam supra de omnibus triangulorum speciebus demonstratam dedimus, ignorat, nec nisi certa de trianguli genere hypothesi assumpta definire scit, an datum triangulum dato circulo circumcludi possit: quod quidem verbis, quae sequuntur, ὑποθέμενος μὲν οὖν . . . εἴτε μή, liquidissime confirmatur.

Res nunc eo est deducta, vt indagetur, quanam sit illa proprietas, quae vtrum dato triangulo competat nec ne, ante scire cupit geometres Platonici, quam quaestionem sibi propositam soluat. Inquiramus ergo in eius verba paullo diligentius.

Ac statim quidem in promptu est conicere, geometram de re geometrica loqui scienter, h. e., verbis

solemnibus; at quum bene monente Kaeſtnero \*) ipſe Euclides in elementis vtatur orationis genere, quod non multum a vulgari conſuetudine ſermonis recedat, ratio loquendi a geometra Platonico in familiari colloquio uſurpata multo propius ad quotidianum ſermonis uſum accedere putanda eſt. Et quamquam Euclides ſupra centum annos poſt Platonem vixerit, licebit tamen vtriusque locutiones illuſtrandi gratia inter ſe conferre, dummodo, ne id ad ſingula verba perlineat, caueamus. Eo enim modo inſtituta comparatio errori foret obnoxia, quod ex his, quae iam ſubiiciuntur, maniſeſtum fiet.

Plato, vti Sauilius in praelectionibus in principium elementorum Euclidis (Oxonii habitis \*\*) reſert, punctum, quod apud Euclidem *σημείον* audit, *εργμὴν* vocat, vocabuloque *ἐπιπέδου* vbique fere generalem ſubiicit ſignificatum ſuperficie, quam quidem Euclides *ἐπιφάνειαν* dicit, illo verbo ad deſignandum planum uſus. Quin in eo ipſo, cui locus noſter ineſt, dialogo recta linea vocatur ſimpliciter *γραμμὴ*, quam cum Euclide magis deſinitè diſtincteque *σφδεῖαν* appellaueris, atque in loco, quem tractamus, de figura circulo inſcribenda *ἐντελὲιν* occurrit, pro quo Euclides *ἐγγράφειν* habet. Illud nimirum eo ſpectat, vt figura loco mota circulo ſuperponatur vel ſuperponi cogitetur, hoc ad deſcriptionem eius in circulo pertinet. Atque in univerſum vocabula Platonica ſenſibus magis, quam Euclideis, accommodata reperies.

Sed vt ad propoſitum reuertamur, ex eo, quod

---

\*) Ueber Kunſtwörter in Eberhardi diario: Philoſophiſches Magazin B. IV. S. 257 u. folg.

\*\*) Cf. quae inde Kaeſtnerus excerptit Geſch. der Math. B. 3. S. 19 u. folg. — Prauum vocabuli *ἐπιπέδου* uſum arguit iam Proclus ad Elem. I. def. 7. pag. 32. Commentar.

Plato *ἐντείνειν* eodem respectu, quo Euclides *ἐγγρά-  
φειν*, posuit, proclive est colligere, quid sit *παρατεί-  
ναι χωρίον παρὰ τὴν δοθεῖσαν γραμμὴν* (praetendere  
figuram datae linear). Ad descriptionem figurae ni-  
mirum refertur, et nihil aliud esse potest, quam quod  
Euclides per *παραβάλλειν σχῆμα* (vel *εἶδος*) *παρὰ  
τὴν δοθεῖσαν εὐθεῖαν* \*) (proicere figuram ad vel  
iuxta datam rectam) extulit, et ipsius interpretes  
*applicare figuram ad* vel *secundum da-  
tam rectam* reddiderunt. Dicitur autem figura,  
inprimis parallelogramma, applicata ad datam rectam,  
quando super ea, tamquam basi vel latere, constructa  
est. Eadem quoque a Menechmo *παρακείσθαι  
παρὰ τὴν δοθεῖσαν γραμμὴν* praedicatur \*\*), apud  
quem *χωρίον παρακείμενον παρὰ τὴν γραμμὴν* ergo  
idem valet, ac *χωρίον παρατεταμένον* vel *παρα-  
βαλλόμενον παρὰ τὴν γραμμὴν*. Est vero applica-  
tio spatiorum frequentis usus \*\*\*)) et geometris inde a  
Pythagoreorum temporibus perquam familiaris, uti  
testatur Proclus †), cuius ea de re verba hic appo-  
uisse haud alienum ab instituto erit, quae sic sese ha-  
bent. Ἐστὶ γὰρ ἀρχαῖα, φασὶν οἱ περὶ τὸν Εὐδή-  
μον, καὶ τῆς τῶν Πυθαγορείων μούσης ἐυρήματα  
ταῦτα, ἦτε παραβολὴ τῶν χωρίων καὶ ἡ ὑπερβο-  
λὴ καὶ ἡ ἔλλειψις. — ὅτ' ἂν γὰρ εὐθείας ἐκκει-  
μένης τὸ δοθὲν χωρίον πάσῃ τῇ εὐθείᾳ συμπαρε-

\*) Elem. I. 44.

\*\*) Apud Eutocium in Commentar. in Archi-  
medis lib. II. de Sphaera et Cylindro p. 18 edit. Basi-  
leenf. et p. 142. edit. Oxonienf.

\*\*\*). Vid. Robert Simson ad Elem. VI. 28 et 29, quā  
ob omiffas, tanquam nullius usus, has propositiones  
grauiter editores quosdam reprehendit.

†) Ad Elem. I. 44. pag. 109.

βαλεῖν \*) ἐκεῖνο το χωρίον \*\*) φασίν, ὅτ' ἂν  
 μείζον δὲ ποιήσης τοῦ χωρίου τὸ μήκος αὐτῆς τῆς  
 εὐθείας, τότε ὑπερβάλλειν, ὅτ' ἂν δὲ ἴλασσον, ὡς  
 τοῦ χωρίου γραφέντος εἶναι τι τῆς εὐθείας ἐκτός,  
 τότε ἐκλείπειν· καὶ οὕτως ἐν τῷ ἑκτῷ βιβλίῳ καὶ  
 τῆς ὑπερβολῆς ὁ Εὐκλείδης μνημονεύει καὶ τῆς ἑλ-  
 λείψεως· i. e. secundum translationem Francisci  
 Barocii: Antiqua quidem sunt haec, aiunt Eudemi  
 familiares\*\*\*), Pythagoricaeque Musae inuenta, ap-  
 plicatio vtiq̃ue spatiorum, et excessus atque defectus. —  
 Quum enim, proposita recta linea, datum spatium toti  
 rectae coaptaueris, tunc spatium illud applicari di-  
 cunt: quum vero spatii longitudinem ipsa recta linea  
 maiorem feceris, tunc excedere, quum autem mino-  
 rem, ita vt spatio descripto aliqua extra sit rectae li-  
 neae pars, tunc deficere. Et hoc modo Euclides in  
 sexto libro tum excessus, tum defectus mentionem  
 facit.

Propositiones libri sexti, in quibus Euclides de-  
 defectus atque excessus mentionem facere a Proclo per-  
 hibetur, sunt 27, 28 et 29 †). Ex duabus prioribus  
 videre est, quid sit in loco nostro ἐλλείπειν χωρίου  
 τινί. Quum enim apud Euclidem habeatur ἐλλείπειν  
 εἶδει παραλληλογράμμου, quod valet deficere paral-  
 lelogrammo, sensus formulae ἐλλείπειν χωρίου τινί  
 obuius est. Verbum ἐλλείπειν in ea, sicut Latinum

---

\*) Num forte ex sequentibus subaudiendum vel sup-  
 plendum ποιήσης?

\*\*) Lacuna hic obuia per παραβάλλεσθαι explenda  
 videtur.

\*\*\*) Rectius sine dubio Commandinus ad Elem.  
 I. 44 vertit: vt ait Eudemus. Hic enim historiam geo-  
 metriae composuerat.

†) In datis quoque defectus et excessus mentio fit,  
 prop. 58 et 59.

deficere, passuam significationem habet, cuius usus passim extant exempla \*). Contrarium eius *ὑπερβαίλλων χωρίῳ τινί* est excedere spatio aliquo. Quo autem melius intelligatur ratio defectus atque excessus illius, haud inconsultum fuerit, eam paullo accuratius explicare, praesertim quum inde haud parum lucis loco, circa quem versamur, affundatur.



Quando igitur parallelogrammum AEFH super recta AB sic constitutum est, ut basis eius AE totam rectam AB non exaequet, sed tantummodo pars sit illius, tunc quidem parallelogrammum AEFH ad rectam AB applicatum dicitur, verum cum defectu, qui et ipse parallelogrammum est, videlicet BEFC, quod cum priori AEFH latus EF commune et basin suam BE basi prioris AE in directum adiectam cumque illa totam rectam AB conficientem habet. Quum autem parallelogrammum AGHD super recta AB constitutum parte BG baseos AG supereminet rectam AB, etiam tum parallelogrammum AGHD ad rectam AB applicatum dicitur, sed cum excessu, parallelogrammo scilicet BGHC, cui latus BC cum parallelogrammo excedente AGHD commune est, basis vero pars illa BG, quae a basi prioris AG ablata rectam AB relinquit.

Hisce declaratis verba: *εἰ μὲν ἐστὶ τοῦτο τὸ χωρίον.....* si accusatiuus *παραιτῶνται* \*\*) pro casu absoluto habeatur, Latine sic reddenda sunt:

\*) Hogeveen ad *Viger.* pag. 189. Notanda est constructio cum dativo, cuius exempla in lexicis desiderantur. cf. tamen Matthiae *Gramm.* §. 404. p. 549.

\*\*) Sequor Gedikium, qui accusatiuum casum interdum absolute poni, quo iure nescio, contendit, summa-



Si hoc spatium \*) est tale, quale \*\*) si quis ad datam eius lineam \*\*\*) applicauerit, deficiat spatio †) tali, quale est illud ipsum applicatum, aliud mihi accidere videtur, etc...

vel paullo liberius et explicatius:

Si hoc triangulum est eiusmodi, vt, quod ad datam eius basin applicaueris triangulum simile, deficiat triangulo simili ei ipsi, quod applicatum est, aliud quid mihi euenturum videtur, aliud vero etc. ....

Quae verba vt recte exponantur, meminisse oportet, parallelogrammorum, quorum alterum ad datam rectam applicatum deficere dicitur, alterum ipsius defectus seu complementum audit, latus unum esse commune, bases vero sibi inuicem in directum adiacentes, unde fit, ut ex ambobus tertium constetur parallelogrammum super recta ab initio data, tamquam basi, constitutum. Eadem enim in triangulis, quorum unum ad datam rectam applicatum deficere altero dici debet, locum habere necesse est.

que *παρὰ μόνον*, quod sensu nequaquam usitato, sed fictio, in locum ipsius *παρὰ τὴν αὐτήν* subdidit, sic interpretatur, tamquam si casus absolutus sit. *Serranus* videtur legisse *παρὰ τὴν αὐτήν*, quod eodem modo ac *παρὰ τὴν αὐτήν*, i. e. absolute, verum meliori forsitan iure, accipiendum. Exemplum platiui sic vsurpati habentur in *Matthiae Gramm.* §. 390., inter quae illud ex *Thuc.* II. 49. inprimis attendendum.

\*) *τὸ αὐτὸ τὸ χωρὶν* scil: *τρίγωνον*.


\*\*) *οἷον* pro *ὡς τοιοῦτον*, sic vt Latinorum *qualis* pro *vt talis*. Cf. *Broederi Gramm.* §. 512. *τοιοῦτον* autem *Plato* iam supra p. 82. d. dixit, quod apud *Euclidem* *ὁμοιον* audit.

\*\*\* *γραμμὴ* potest esse basis vel latus. In colloquio *Socratis* cum puero *Menonis* simpliciter de latere quadrati vsurpatur.

† *χωρὶν* hic vtique triangulum significat, sicut in illis, quae antecedunt, *εἰ μὲν δὲ τὸ αὐτὸ τὸ χωρὶν*., reliq.

Iam verborum istorum hancce dare licet expositionem:

Si datum triangulum ABC est eiusmodi, ut, quod ad datam eius basin AC applicaueris triangulum simile \*) ABD, defi-




ciat triangulo BDC simili ei ipsi, quod applicatum est, ABD, aliud quid mihi euenturum videtur, aliud vero... reliq.

Nunc vero existit quaestio de genere trianguli, cui proprietas verbis modo prolatis indicata competat. Responsum ad eam dabimus, expressum theoremate, cui demonstrando praemittimus sequens

### LEMMA

Si e vertice trianguli ABC ad basin AC ducta fuerit recta BD quomodocumque, erit



$$\frac{AB^2 \times DC}{AC} + \frac{BC^2 \times AD}{AC} = BD^2 + AD \times DC.$$

\*) Triangulum applicandum primo quidem ad spectu non nisi specie (Dat. 40.) dari videtur, sed reuera et magnitudine datur. Quoniam enim constructo illo e triangulo ABC relinqui oportet aliud triangulum, quod cum illo latus commune habeat, et basin suam basi illius in directum adiectam, nihil restat, nisi ut recta e vertice trianguli ABC, ad basin AC protensa fiat latus commune. Quo constituto cogitur, ut recta AB sit alterum latus trianguli applicandi. Quare, quum triangulum ABD specie datum sit, datur etiam (Dat. 52.) magnitudine.

Ducta BD aut perpendicularis est ad basin AC aut non.

Sit primum perpendicularis, erit (Elem. I. 47)  $AB^2 = BD^2 + AD^2$ ;  $BC^2 = BD^2 + DC^2$ . Fiat  $BD : AD = AD : e$ ; ergo est (Elem. VI. 17)  $AD^2 = BD \times e$ , hinc  $BD^2 + AD^2 = BD^2 + BD \times e =$  (Elem. II. 3. convers.)  $BD \times \overline{BD + e}$ . Similiter, si fiat  $BD : DC = DC : f$ , est  $BD^2 + BC^2 = BD \times \overline{BD + f}$ . Fiat denuo  $AC : DC = BD : g$  quia  $AB^2 : \frac{AB^2 \times DC}{AC} = AC : DC$ , erit  $BD : g = \frac{BD \times \overline{BD + e}}{BD \times \overline{BD + f}} : \frac{AB^2 \times DC}{AC}$ , proinde  $\frac{AB^2 \times DC}{AC} = g \times \overline{BD + e} =$  (Elem. II. 1.)  $BD \times g + e \times g$ . Eadem ratione, si fiat  $AC : AD = BD : h$ , est  $\frac{BC^2 \times AD}{AC} = BD \times h + f \times h$ . Quocirca habetur  $\frac{AB^2 \times AD}{AC} + \frac{BC^2 \times AD}{AC} = BD \times g + BD \times h + e \times g + f \times h =$  (Elem. II. 1)  $BD \times \overline{g + h} + e \times g + f \times h$ . Sed erat  $AC : DC = BD : g$ , et  $AC : AD = BD : h$ , hinc *inuertendo* (Elem. V. 4. cor.)  $AD : AC = h : BD$ , et *ex aequo*  $AD : DC = h : g$ , proinde *componendo* (Elem. V. 18)  $AC : DC = g + h : g =$  (Elem. V. 11)  $BD : g$ ; ergo est  $g + h = BD$ , et  $BD \times \overline{g + h} = BD^2$ . Rursus, quia  $AD^2 = BD \times e$  et  $DC^2 = BD \times f$ , est  $e : f =$  (Elem. VI. 1)  $BD \times e : BD \times f = AD^2 : DC^2 = (AD : DC) + (AD : DC)$ . Sed erat  $g : h = DC : AD$  est igitur  $e \times g : f \times h =$  (Elem. VI. 23)  $(e : f) + (g : h) = (AD : DC) + (AD : DC) + (DC : AD) = AD : DC$ , proinde *componendo* (Elem. V. 18)  $e \times g + f \times h : f \times h = AC : DC = (AC : BD) + (BD : DC) = (AD : h) + (DC : f) =$  (Elem. VI.

23)  $AD \times DC : f \times h$ . Quocirca est  $e \times g + f \times h = AD \times DC$ . Atqui demonstratum est, esse  $BD \times \overline{g+h} = BD^2$ . Ergo est  $BD \times \overline{g+h} + e \times g + f \times h = BD^2 + AD \times DC$  : quocirca et  $\frac{AB^2 \times DC}{AC} + \frac{BC^2 \times AD}{DC} = BD^2 + AD \times DC$ .

Sit nunc BD non ad perpendicularum basi AC. Demissis iam ex A et C perpendicularis in rectam BD productam, erit (Elem. II. 12. 13)  $AB^2 - AD^2 - BD^2 = 2 BD \times DE$ ;  $DC^2 + BD^2 - BC^2 = 2 BD \times DF$ , hinc  $AB^2 - AD^2 - BD^2 : DC^2 + BD^2 - BC^2 = 2 BD \times DE : 2 BD \times DF =$  (Elem. V. 15)  $BD \times DE : BD \times DF =$  (Elem. VI. 1)  $DE : DF$ . Verum propter angulos AED, DFC rectos et angulum ADE (Elem. I. 15) aequalem angulo CDF triangula ADE, CDF sunt aequiangula, proinde (Elem. VI. 4. V. 16)  $DE : DF = AD : DC$ . Ergo (Elem. V. 11)  $AB^2 - AD^2 - BD^2 : DC^2 + BD^2 - BC^2 = AD : DC =$  (Elem. VI. 1)  $AD^2 : AD \times DC$ , hinc (Elem. V. 12)  $AB^2 - BD^2 : BD^2 + CD^2 - BC^2 + AD \times DC = AD^2 : AD \times DC =$  (Elem. VI. 1. V. 11)  $AD \times DC : DC^2$ , proinde (Elem. V. 19. 11)  $AB^2 - BC^2 - AD \times DC : BD^2 - BC^2 + AD \times DC = AD \times DC : DC^2 =$  (Elem. VI. 1)  $AD : DC$ , componendo igitur (Elem. V. 18)  $AB^2 - BC^2 : BD^2 - BC^2 + AD \times DC = AC : DC$ . Fiat  $AC : DC = AB : k =$  (Elem. VI. 1)  $AB^2 : AB \times k$ , et  $AC : DC = BC : l =$  (ibid.)  $BC^2 : BC \times l$ , erit (Elem. V. 11)  $AB^2 : AB \times k = BC^2 : BC \times l$ , hinc (Elem. V. 19)  $AB^2 - BC^2 : AB \times k - BC \times l = AB^2 : AB \times k = AC : DC = AB^2 - BC^2 : BD^2 - BC^2 + AD \times DC$ . Quare  $BD^2 - BC^2 + AD \times DC = AB \times k - BC \times l$ . Sed  $BC^2 =$  (Elem. II. 2)  $BC \times l + BC \times \overline{BC} - l$ . Ergo (Elem. I. ax. 2)  $BD^2 + AD \times DC = AB \times k +$

$BC \times \overline{BC} - 1$ . Erat autem  $AC : DC = BC : 1$ ,  
proinde *conuertendo* (Elem. V. 19. cor.)  $AC : AD$   
 $= BC : BC - 1 =$  (Elem. VI. 1)  $BC^2 : BC \times \overline{BC} - 1$ .

Quare est  $BC \times \overline{BC} - 1 = \frac{BC^2 \times AD}{AC}$ . Est quoque

$$AB \times k = \frac{AB^2 \times DC}{AC}, \text{ ergo } AB \times k + BC \times \overline{BC} - 1 \\ = \frac{AB^2 \times DC}{AC} + \frac{BC^2 \times AD}{AC} = BD^2 + AD \times DC.$$


Q. E. D.

Lemma hoc est Roberti Simsoni, qui id in *Apol-  
lonii locis planis* a se *restitutis* Lib. II. Lemm.  
10. cas. 2 et Append. Lemm. 3 (p. 261 et 353 ver-  
sionis Germanicae) proposuit atque demonstravit.  
Demonstratio aliter quoque adornari potest et quidem  
paullo simplicius, quam hic factum est, adhibito sci-  
licet perpendiculari, quod e vertice trianguli in basin  
demittitur. Verum enim vero quia sic tres casus, per-  
pendiculari isto vel intra vel extra triangulum vel etiam  
in latus alterutrum cadente, distinguendi forent, de-  
monstrationem breuiorem et istas ambages euitantem  
praetulit. Cf. quoque *Geometrie de Position  
par* Carnot art. 196 et Collectio geometrica, quae  
insignita titulo paullo speciosiori: *Ausführliches Lehr-  
gebäude der elementaren und der höhern Geometrie*  
Th. 1. Halis 1798 prodiit, p. 316 et seqq.

Sequitur iam, quod supra promissimus,

#### THEOREMA

Si applicato ad datam  
basin AC trianguli ABC  
triangulo deficiente  
ABD, quod simile sit  
toti ABC, defectus BDC



similis existit ipsi deficiente ABD, triangulum ABC,  
cui simile deficiens applicatum est, erit rectangulum.

Etenim quia triangulum ABD simile est triangulo ABC, erit (Elem. VI. 19)  $\Delta ABC : \Delta ABD = BC^2 : BD^2$ . Sed est quoque (Elem. VI. 1)  $\Delta ABC : \Delta ABD = AC : AD$ , quare (Elem. V. 11)  $AC : AD = BC^2 : BD^2$  hinc  $BD^2 = \frac{BC^2 \times AD}{AC}$ .

Eodem concludendi modo ex eo, quod triangulum BDC (Elem. VI. 21) simile est triangulo ABC, efficitur, ut sit  $BD^2 = \frac{AB^2 \times DC}{AC}$ . Proinde est  $\frac{AB^2 \times DC}{AC} + \frac{BC^2 \times AD}{AC} = 2BD^2 =$  (vi Lemmat. praec.)  $BD^2 + AD \times DC$ , ergo  $BD^2 = AD \times DC$ . Sed erat  $BC^2 : BD^2 = AC : AD$ , est igitur  $BC^2 : AD \times DC = AC : AD =$  (Elem. VI. 1)  $AC \times DC : AD \times DC$ , quare  $BC^2 = AC \times DC$ . Eadem ratione est  $AB^2 = AC \times AD$ . Quocirca erit  $AB^2 + BC^2 = AC \times AD + AC \times DC =$  (Elem. II. 2)  $AC^2$ , angulus ABC igitur (Elem. I. 48) rectus. Q. E. D.

Ex iis, quae modo tradita sunt, facile hoc quoque colligitur, angulorum ADB, BDC vtrumvis esse rectum, et rectam BD perpendicularem basi AC. Quoniam enim  $BD^2 = AD \times DC$ , hinc (Elem. VI. 17)  $AD : BD = BD : DC$ , ergo latera AD, BD trianguli ABD lateribus BD, DC trianguli BDC, similis priori ABD, proportionalia, anguli ADB, BDC, circa quos sunt latera proportionalia, inter se aequales erunt, hinc (Elem. I. def. 10) vterque eorum rectus, et BD perpendicularis basi AC.

Theorema praecedens ita quoque licet enunciare. Si triangulum ABC ducta e vertice ad basin recta BD diuidatur in partes ABD, BDC et toti ABC et sibi inuicem similes, triangulum istud ABC rectangulum erit, et ducta recta hypotenusae perpendicularis.

Hoc pacto statim patet, theorema nostrum esse propositionem 8 lib. VI. Elem. conuersam, unde sequitur, vt, quae ibi de triangulo rectangulo enuntiata sunt, huic soli competant.

Geometres igitur a Platone inductus tantum sub hypothese trianguli rectanguli determinare potest; datumne triangulum in dato circulo aptari queat, nec ne. Praetermissa quidem est haec determinatio nostro loco, at non sine causa ac ratione. Quum enim exemplum geometricum eo solum adiunctum sit consilio, vt, quid sit ἐξ ὑποθέσεως σκοπεῖσθαι, declararetur, illa determinatio utique locum non habebat, sed superuacanea fuisset, si adiecta esset.

Ad confirmandam, quae modo tradita est, explicationem facit id, quod determinatio descriptionis vel inclusionis trianguli rectanguli in circulo, quae, vt ex superioribus intelligitur, simplicissima omnium est, Platonem haud facile fugere potuit, licet eas, quae aequilatero aut isosceli triangulo conueniunt, vt pote complicatiores eoque reconditiores, cognitae non habuerit. Nam, referente Diogene Laertio \*) Thales Milesius iam circuli triangulum rectangulum descripserat, h. e. repererat, norma circulo sic applicata, vt acumen circumductam tangat, ancones diametri extremitates pertransire, seu angulum in semicirculo rectum esse. Meminit quoque Aristoteles \*\*) huius circuli proprietatis tanquam notissimae.

Sed vt explicatio, a me hic proposita, quantum in me situm est, omnibus numeris absoluator, duabus, quae moueri possunt, quaestionibus adhuc respondendum esse video. Quaerere nimirum licet,

\*) In vita Thaletis.

\*\*) Vid. loca mathem. Aristotelis apud Heilbronnerum in *Histor. mathes. vniuers.* §. 57 et 143.

primum quatenus verisimiliter sit causa, quamobrem Plato exemplum illustrandi gratia appositum potius de includendo dato triangulo in datum circulum, quam de quapiam alia effectione, v. c., de constructione trianguli dato triangulo similis ex tribus rectis datis, ubi etiam hypothesi \*) locus est, desumere maluerit? deinde vero, cur idem in exprimenda hypothesi circa genus trianguli dato circulo includendi indirectum et per ambages ducentem modum directo ac simplici praetulerit?

Ad prius quod attinet, causa in ipso Platone sita est. Neminem enim fugere potest, quantopere ille figurarum geometricarum insignibus ac mirificis proprietatibus captus fuerit atque delectatus, ut qui earum contemplationi, quasi negotio animae proprio et germano, lubentissime se dederet, illasque ad rerum in natura maxime abstrusarum explicationem adhiberet. Est autem theorema istud, quod angulum in semicirculo rectum esse arguit, sane elegans, utpote quo omnium omnino triangulorum rectangulorum, quae super eadem basi seu hypotenusa constitui possunt, quorum est infinita multitudo, constructio continetur. Ac declarata quoque est satis illius praestantia ab antiquitate eo, quod inuentorem eius bonum immolasse tradidit. Quare minime mirum videri debet, quod idem illud Platoni adeo placuerit, ut ex eo pendens problema omnibus aliis in exemplum vertendis anteferreret.

Ad alterum nunc venio, ac rationem, quare Plato triangulum rectangulum potius proprietate eius

---

\*) Hypothesis in hoc casu esset: Si duae harum rectarum vicinque summae reliqua sunt maiores, tunc quidem aliud quid casurum est, etc.



supra allata, ex qua illud haud sine negotio aliquo agnoscitur, quam simplici nota anguli recti descripserit, exponere aggredior. Inuenio autem eam in studiis, quae Platonis tempore atque ipsius impulsu geometras occupatos tenebant. Quorum quidem ratio ut clarins liqueat, eam paullo altius repetamus, necesse est.

Pythagoras igitur inuento, quod ipse nomen gerit, theoremate geometris viam duplicandi quadrati \*) vel generatim inueniendi quadratum, quod sit ad aliquod datum, ut unitas ad numerum, ostenderat, eoque simul theoriā magnitudinum incommensurabilem \*\*) aperuerat. Inde transitione

---

\*) Methodus, quam Plato in dialogo nostro, p. 84. e—85. a, huic problemati soluendo adhibuit, admodum simplex est. Construitur quadratum, cuius latus duplum est lateris quadrati propositi, quodque adeo quadruplum est quadrati propositi. Hoc dein ductis diagonalibus quatuor quadratorum, ex quibus componitur, bifariam diuiditur. Opus autem est diagonales sic duci, ut eae, quae sunt in quadratis conterminis, non fiant parallelae, neque omnes in eodem puncto medio concurrant. Eadem methodo quadrilaterum quodcumque bifariam diuidi potest, bissecando nimirum latera et iungendo bissectionum puncta sibi inuicem proxima rectis, quae parallelogrammum constituent, quod dimidium est quadrilateri propositi. — Platonis rationem duplicandi quadratum laudat Vitruuius lib. IX. praef. Ceterum hoc quoque exemplum monstrat Platonis studium circa ea, quae mirabile et singulare aliquid habent, cuiusmodi est quadrati duplicatio, quippe quae lineis quidem confici et expediri possit, numeris autem inueniri et explicari nequeat, id quod et Socrates cum Menonis puero colloquens haud obscure significauit.

\*\*) Simplicissimum et notissimum huiusmodi linearum exemplum praebet diagonalis (diæmeter) et

ad solidas figuras facta geometrae methodum quae-  
fuerunt duplicandi cubum, qui inter solidas figuras  
eundem, quem quadratum inter planas, tenet lo-  
cum. Multis, ut facile est coniectura adsequi, fru-  
stra tentatis, Hippocrates Chius tandem hoc  
problema ad illud, quo inter duas rectas datas duae  
quaeruntur mediae proportionales deduxit, h. e. in-  
venit, solutionem eius haberi, si in potestate sit, duas  
medias proportionales inter duas rectas, quarum  
una latus ipsum cubi, altera duplum huius lateris  
sit, inuenire. Problemati eum in modum, quo ab  
initio propositum erat, expresso, quum aliquantisper  
neglectum esset, nouum dein ac magnum momen-  
tum additum oraculo Apollinis Delii, qui, qua-  
nam ratione peliis diu atque acriter Delios ceteros-  
que Graecos vrgens auerti posset, consultus ea fini  
duplicationem arae suae, cui forma erat cubica,  
praeceperat \*). Hinc Plato, ad quem res delata est,  
occasionem reperit, Graecos neglectus geometriae  
infirmulandi, cui tollendo non modo omnes sui aevi  
geometras ad soluendum problema, cuius ex tracta-

---


latus quadrati, quarum ratio in numeris ea est, quam  
 $\sqrt{2}$  ad 1 habet. Haec earum incommensurabilitas ar-  
gumento est, lineas non componi ex indiuisibilibus,  
sicut olim quidam opinabantur, et hodie etiam nonnulli  
autumant, quorum sententiam iam Aristoteles illo ar-  
gumento redarguit. — Cf. etiam dicta in annotatt.  
praeced.

\*) Inde problema de duplicatione cubi siue de in-  
ueniendis duabus mediis proportionalibus inter duas  
rectas datas *Deliacum* audit. Historiam eius variasque  
solutiones quum veterum, tum recentiorum geometra-  
rum, copiose ac pererudite persecutus est Celeb. Rei-  
mer in libro singulari, Göttingae 1798. euulgato.

tione maxima incrementa geometriae accessura sperabat, instigauit, verum, quo plus adhortatione sua proficeret, et ipse solutionem tentauit. Haec quidem solutio, quam Eutocius \*) seruata[m] nobis tradidit, tota pendet ex ea trianguli rectanguli proprietate, quam nostro loco geometres, Platonius hypothesin suam fecit. Ex illa enim sequitur, perpendicularem BD (vid. fig. antea pag. 46. posita) ab angulo recto in basin AC demissam esse mediam proportionalem inter segmenta basis AD, DC seu  $AD : BD = BD : DC$ .

Quodsi iam duo triangula rectangula

AED, EDC super eodem latere ED et ad easdem partes intelligantur sic constructa, vt hypotenusae seu bases AD,



CE sint ad angulos rectos sibi inuicem, basium segmenta AB, BE, BD, BC quatuor continue proportionales exhibebunt, et quidem externa segmenta AB, BC binas extremas, interna vero BE, BD binas medias, vtroque segmento interno existente media proportionali inter alterum internum atque externum huic in directum et ex aduerso positum, vt sit  $AB : BE = BE : BD = BD : BC$ . Tali autem iunctura et copulatione duorum triangulorum rectangulorum Platonis modus duas medias proportionales duabus datis rectis inueniendi innititur.

---

\*) In commentario ad Archimedis libr. II. de sphaera et cylindro.

Insignis ergo usus, quem proportio ex triangulo rectangulo, quod perpendiculo ab angulo recto in basin demisso in duo triangula sibi inuicem et toti similia diuisum est, deducta Platoni in soluendo maximi momenti problemate adtulit, pro causa haberi debet, cur trianguli rectanguli proprietatem, ex qua illa proportio pendet, ad hoc designandum elegerit, Quod autem istam proprietatem aenigmatico modo expresserit, forte ea causa factum est, ut geometris opulentiam disciplinae, quam profiterentur, monstraret, theorematis eximii foecunditate usus ad insinuandum problema, in quo ex data rei proprietate genus ipsum rei quaeritur.

Quod vero ad scrupulum attinet, quem quis forte in eo offenderit, quod Socrates nostro loco thesin intellectu difficiliorem ea, quam cum Menonis puero tractat, eandemque circuitione adhibita in medium protulerit, is plane nullus est, faciliusque tollendus. Primum enim responsum ad interrogationem, quot pedes in latere quadrati duplicati contineantur, quod Socrates primo a puero desiderat, postea autem ipsi condonat ac remittit, pariter arduum est. Deinde vero cogitemus oportet, Socratis cum Menone colloquentis rationem esse aliam, aliam ad puerum Menonis verba facientis, verbaque difficilia non Socratis sed geometrae esse, quorum sensus siue obscurior siue clarius ad rem, cuius causa prolata sunt, perinde se habet.

Restat, ut adhuc de eruditorum, qui nostrum locum explicandum sibi sumserunt, conaminibus circa eum breuiter exponam. Errarunt autem plerique horum virorum in eo, quod verbis, in quibus omnis refidet difficultas, *εἰ μὴ ἐστὶ τοῦτο τὸ χαλεπὸν* . . . ., conditionem, sub qua datum trian-

gulum dato circulo includere liceat, exprimi poterunt, id quod tantundem a vero, quantum a Platonis instituto abest. Hoc in uniuersum praemonito de singulis iam videamus.

Gedikius quidem plane *ἀγεωμέτρητος* ad nostrum locum accessit. Mutatis *χωρίον τριγώνων* in *χωρίον τετράγωνον* et *παρετεινάντα* in *παρετέμνοντα* verborum *εἰ μὲν ἔστι . . .* sensum effingit hunc: *Si ista figura quadrilatera ita comparata fuerit, ut linea diagonali ducta in duas aequas portiones diuidatur, reliq. . .* Ut de vi, a qua interpretationis negotium auspicatus est, nihil dicam, illud tamen minime praeteriri debet, quod verba, quae Gedikius expunctis a se substituit, ea, quae vult, significatione apud geometras haudquaquam occurrunt. *τετράγωνον* enim de solo quadrato \*), non de quavis figura quadrilatera, quae *τετράπλευρον* audit, usurpatur, et *παρετέμνειν* pro *διχα τέμνειν* neque ab Euclide, neque Proclo, nec quoquam alio adhibitum repereris. Hoc unum sufficit ad Gedikii, qui in ceteris aequae minus feliciter egit, rationem penitus destruendam.

Eadem facilitate ac breuitate explicationem viri docti, qui primam editionem Berolinensem in Biblioth. Germ. Tom. L. p. 278. recensuit, et Kluegelium \*\*) de nostro loco consuluisse videtur, refel-

---

\*) Manifesteprehenditur hic significatus in deriuatis *τετραγωνίζειν* et *τετραγωνισμός*, quorum utrumvis de quadrando circulo sexcenties legitur.

\*\*) Cuius sententia de loco, hic tractato, extat in ipsius Lexico mathem. art. *Größtes und Kleinstes* Nr. 12. Tom. II. p. 657.

lere datur. Quamvis enim negari nequeat, *παρετείνειν* de linea in circulo aptanda dici posse, quod ille vir in sua interpretatione sumit, attamen loco nostro non *γραμμὴν*, sed *χωρίον παρετείνειν* iubemur.

Michelsenus, verba negotium interpretibus facessentia ad solum triangulum datum pertinere recte vidit, istisque angulum rectum indicari \*) coniecit, qua quidem coniectura non omnino falsus fuit, sed modus, quo angulum rectum e verbis istis elicit, erroris plenus est, minimeque probandus. Primo enim *παρετείνειν χωρίον παρὰ τὴν δοθεῖσαν γραμμὴν* interpretatur ita, vt sit *extendere spatium* h. e. triangulum expositum ABC (vid. fig. dialogo Menonis nomen ferenti in secunda ac tertia edit. Berolinenſi subiuncta) *producendo lineam seu basin eius AC*, deinde vero *χωρίον παρετεταμένον* vult esse *spatium angulare* BCD extra figuram, inque hoc aperte sibi contradicit, quum ex eo, quod initio assumptum erat, extensum triangulum h. e. spatium angulare BAD esse debeat. Praeterea angulus *c* in triangulo ABC linea AC producta non *relinquitur*, sed ante productionem illam *iam extat*, et cum triangulo ABC a principio datus est. Haec argumenta contra Michelsenī explicationem sunt e rebus ducta, omissis iis, quae e verbis petere licet, in quibus illud grauissimum est, quod *χωρίον* contra usum loquendi, familiarem geometris, angulum seu spatium angulare infinitam significare sumitur.

---

\*) Est ista coniectura aliquid, nec tamen rem absoluit, quoniam angulus rectus sine potius triangulum rectangulum non per essentialia, sicut Michelsenus putauit, sed per attributa denotatum est.


Muellerus, qui libello singulari \*) locum nostrum enodandum suscepit, multum quidem eruditionis atque acuminis ostendit, attamen nec ipse rem confecit. Quaerit enim in verbis intricatis determinationem inscriptionis trianguli in circulo, quam iis minime inesse supra demonstravimus. Porro sine codicum auctoritate verbis *παρὰ τὴν δοθεῖσαν γραμμὴν* inferit articulum *τὴν*, post *δοθεῖσαν* ponendum, mutatque *παρὰτείναντα* in *ὑποτείναντα* et *παρὰτεταμένον* in *παρὰτετμημένον*. In interpretatione textus hoc modo a se refecti versatur deinde sic. Verbo *ὑποτείνειν* actiuam potestatem tribuit, iungitque *ὑποτείνειν τὴν γραμμὴν αὐτοῦ*, quod *ducere hypotenusam ad latus eius* (scilicet trianguli propositi) transfert; *ἡ δοθεῖσα* autem subaudito *διάμετρος* ipsi est data circuli diameter: totam denique formulam *ὑποτείνειν παρὰ τὴν δοθεῖσαν τὴν γραμμὴν αὐτοῦ* de hypotenusa, quae datae circuli diametro aequalis sit, ad latus trianguli ducenda exponit. Verum his plurimum correctionis opus est. Primum enim vox *ὑποτείνειν* apud geometras, vti ex Elem. I. 4. 6. 18. 19. 26. 47. videre licet, nunquam non passivae significationis est, et valet *subtersum esse*, eademque non nisi de linea recta, quae intra crura anguli sic ducta est, ut extremitatibus suis vtrumque crus anguli tangat, minime autem de ea, quae ab extremitate alterius sub angulo quodam deducitur, occurrit. Tum, nullo modo concedendum est, per *τὴν δοθεῖσαν* circuli diametrum innui. Supprimunt quidem, ubi facile suppletur geometrae admodum frequenter voca-

---

\*) *Commentar über zwey dunkle mathematische Stellen in Plato's Schriften, die eine im Theätet, die andere im Meno.* Nürnberg 1797.

bulum γραμμῆς, at vocabuli διαμέτρου ellipsis exemplo destituitur. Praeterea τὸ δοθῆναι semper ad circulum, numquam ad diametrum refertur, vt dicatur ἡ διάμετρος τοῦ δοθέντος κύκλου, nequaquam vero ἡ τοῦ κύκλου δοθεῖσα διάμετρος. Tandem vis praepositioni παρὰ in interpretatione formulae ante allatae assignata, vt παρὰ τὴν δοθεῖσαν fit: *ad magnitudinem datae* (diametri) an exemplis latis claris adferri possit, dubitandum videtur.

Sed demus Muellero, textum ab ipso bene constitutum recteque interpretatum esse, attamen hypothesis quam elicit, ob mancā suam atque imperfectā formam reiici debet. Est autem illa: *Si triangulum*



*propositum ABC fuerit ita comparatum, vt ducta ad magnitudinem datae circuli diametri hypotenusa CD ad latus eius AC* (i.e. secundum Muelleri explicationem,

constructo triangulo rectangulo ADC, cuius unum latus circa angulum rectum sit AC, quod autem angulo recto subtenditur latus DC, aequale diametro circuli dati) *deficiat tali triangulo FBC, quale est illud ipsum, quod abscissum est, ADF . . . .* reliq. Enimvero nemo geometria leuiter tantum imbutus problema: *Ad datam rectam constituere triangulum rectangulum, quod datam habeat hypotenusam*, eo, quo hic factum est, modo extulerit, nec triangulum propositum ABC deficit triangulo FBC, sed quod trianguli rectanguli ADC constructione formatur, AFC, defectu quippe existente FBC. Adhaec triangulum ADF nequit dici abscissum, quum nullam partem trianguli ABC, de quo sermo est, constituat,



trianguli  $ADC$  autem, cuius nimirum pars est  $ADF$ , in antecedentibus nulla omnino fiat mentio. Atque etiam si oratio liare, et vitiose a triangulo  $ABC$  ad triangulum  $ADC$  transilire statuatur, ne sic quidem triangulum  $ADF$  poterit audire abscissum, sed relictum s. reliquum debeat praedicari, quoniam abscissum est  $AFC$ . Verum haec sunt minoris momenti; grauissimum illud est, quod ipsa hypothesis, quam Muellerus Platoni subiicit, ne in vniuersum quidem valet, id quod facile sequenti modo ostenditur. Sit angulus  $ACB$  rectus, ergo aequalis ipsi  $DAC$ , erit  $ADC = DCB$  et quia insuper  $DFA = BFC$ , triangula  $BFC$  et  $ADF$  sunt aequiangula, ideoque similia. Dico iam, circulum circa  $DC$  diametrum descriptum, qui quidem ob angulum  $DAC$  rectum transibit per  $A$ , non transire per  $B$ , nisi sit  $AB = DC$ , proinde et  $BC = AD$ . Transeat enim, si fieri potest, et ponatur  $AB$  maior ipsa  $DC$ . Quoniam itaque  $ADC$ ,  $ABC$  anguli sunt in eodem circuli segmento, erit  $ADC = ABC$ . Sed in triangulis  $ADF$ ,  $FBC$  similibus est  $AF : FD = FB : FC$ , ergo  $AB : DC = FB : FC$ , hinc, quia  $AB > DC$ ,  $FB > FC$ , quamobrem angulus  $DCB$  i. e.  $ADC > ABC$ , quum tamen ipsi aequalis ostensus sit. Non transibit igitur circulus circa  $DC$  descriptus per  $B$ , si  $AB$  sit  $>$  ipsa  $DC$ , nec itidem, si eadem sit minor ipsa  $DC$ . Transfit ergo per  $B$  eo solum casu, quo habetur  $AB = DC$ . Ex quo perspicuum fit, innumeros dari casus, ubi quidem triangulum  $ADF$  simile fit triangulo  $FBC$ , neque tamen triangulum  $ABC$  includi possit circulo, cuius diameter aequalis est  $DC$  hypotenuusae trianguli rectanguli  $ADC$  ad latus  $AC$  constructi.

Trembleii extat commentatio super nostro loco, commentarius Academiae Berolinensibus ad an-

num 1800 inserta \*), quae propter subtilitatem suam et doctrinae copiam omnino legi meretur. Ingeniosissimus auctor videtur tamen opinione iusto maiori, quam de Platonis eruditione mathematica concepit, abripi se passus esse. Dum enim in exemplo geometrico a Socrate prolato Platonem specimen analyticos, cuius inuentionem Proclus et Diogenes Laertius ad illum referunt, exhibere voluisse autumat, quaestionem de inscribendo triangulo in circulo nimis leuem, et agrimenfore potius quam Platone dignam, iudicat, quin contra de extendendo (i. e. transmutando) spatium triangulari in spatium circulare agi putat, hancque suam sententiam, inprimis eo confirmare studet, quod vocabulum *χωρίον* ab Euclide et Archimede non aliter, quam ubi areae s. embadi figurae cuiusdam habeatur ratio, usurpatum sit, et quod *ἐντρίχην* ab iisdem auctoribus numquam de inscribenda figura aliqua in altetam adhibitum inueniatur. Quaestione ad hanc sententiam correcta interpretationem verborum: *εἰ μὲν ἴστί τοῦτο τὸ χωρίον . . .*, quam Gedikius in sec. editione Berolinenfi dederat, stare posse censet, si quidem, quae in ea de quadrilatero enunciata sunt, triangulo tribuantur. Recte enim vidit, *τετραγώνον*, quod *τετράγωνον* loco Gedikius Platoni obtrudere haud verebatur, idcirco non esse admittendum, quod inscriptio quadrilateri in circulum non sic ab eius per diagonalem bisectione dependeat, ut illa semper procedat, etiam si haec in potestate sit. Ex Trembleii igitur sententia hypothesein ad diiudicandum, num fieri possit, quod in quaestione faciendum proponitur, requisitam ita efferre oportet: *Si triangulum est eiusmodi figura, qua*

---

\*) p. 241 et seqq.

*per datam rectam dissecta relinquatur ad unum latus lineae secantis tantum spatii, quantum ad alterum extensum habetur, tunc quidem . . . . . reliquomnisque textui inferenda mutatio eo redit, ut pro παρατείναντα substituatür παρατέμνοντα, quamquam et illud saluo sensu, conseruari posse Trembleius putat, diuinmodo παρατείνειν χωρίον παρά γραμμῇ vertere liceat: protendere spatium trans lineam.*

In hac expositione quo minus acquiescamus, quae iam in medium prolaturi sumus, impediunt. Primum si de transformatione trianguli in circulum quaereretur, Plato procul dubio pro verbo ἐντείνειν aliud posuisset, quum illud ad significandam figurae alicuius transmutationem in alteram haudquaquam aptum sit, quippe quae apposite magis verbo aliquo cum praepositione μετά composito, velut μεταβάλλειν, indicetur. Praeterea dubitatio, quam de vulgari interpretatione verbi ἐντείνειν Trembleius affert, penitus tollitur eo, quod apud Proclum \*) non modo ἐντείνειν τρίγωνον εἰς κύκλον, verum etiam ἐντείνειν ὀρθὴν γωνίαν εἰς ἡμικύκλιον habetur, in quarum formularum posteriori manifeste nihil aliud, quam: includere vel inscribere, significat, proinde quoque in priori ita accipi potest. Tum ut quaestio vniuersalis redderetur, qualem eam statuit Trembleius, debuissent omitti pronomina demonstratiua, saltem id, quod vocabulo κύκλου praemissum est, et quaestio hoc modo proponi: Εἰ οἶόντε ἐκ κύκλου τὸδε τὸ χωρίον τρίγωνον μεταβληθῆναι (sive μετασκευασθῆναι): quamquam dubitauerim, Platonem sic scripturum fuisse, quum aequalitas circuli et trianguli in hoc casu plane

---

\*) pag. 23. edit. Basil.

medio relinquatur, taciteque magis sumatur, quam forte indicata sit. Neque inuenimus, ullum veterum geometrarum de transformatione unius figurae alteram locutum esse, sed problemata ad illam rtinentia sic fere: *Τῷ δοθέντι χωρίῳ ἴσον χωρίον εἶναι*, vel simili modo, exprimere amant. Ad vocabuli *χωρίου* usum deinde quod attinet, omnino negari bet, quod idem Trembleius euincere nititur, illud nunquam, nisi areae, et eius quidem solius, ratione habita adhiberi, quum exempla contrarium adfiruentia non desint. Quae inter referendum est illud ipsum, quod Trembleius ex Euclidis Elem. I. 34. adfert, et rem suam trahere, licet frustra, conatur, quoniam a pars tertia enunciationis ad aream spectat. Cui exemplo iam a nobis clariora aliquot addantur. In Euclidis Dat. lib. Def. III. est: *Εὐθύγραμμα σχῆμα ἐν τῷ εἶδει δεδοθαι λέγεται, ὃν αἵτε γωνίαι, δεδοται εἰσὶ κατὰ μίαν, καὶ οἱ λόγοι τῶν πλευρῶν ὡς ἀλλήλας δεδομένοι*. Propos. LV. autem: *Ἐάν τις ορίον τῷ εἶδει καὶ τῷ μεγέθει δεδομένον ᾖ, καὶ αἱ πλευραὶ αὐτοῦ τῷ μεγέθει δεδομένοι ἔσονται*, ubi ορίον idem valere ac σχῆμα vel σχῆμα εὐθύγραμνον, quum ex collatione propositionis cum definitione facta, tum vero sponte ex eo patet, quod figura respectu vnus areae specie data dici nequit. Apud Peronem \*) similis earumdem vocum permutatio currit in definitione hic subiecta: *Βάσις λέγεται ἐκίδου χωρίου γραμμὴ ἢ ὥσαντι κάτω νοουμένη, ὅρα δὲ μιὰ τῶν τοῦ σχήματος περικλειουσῶν*. Planis *χωρίον* τρίγωνον ergo iure optimo perinde ac

\*) In libello *περὶ τῶν τῆς γεωμετρίας ὀνομάτων*, a cum Euclidis Elem. libro primo a Cunnrado Dapodio Argentorati 1570 edito, p. 40.

simplex *τρίγωνον* vel plenius *σχήμα τρίγωνον* accipere licet. Postremo fingamus, verum esse, ab Euclide et Archimede, quos Trembleius inprimis citat auctores, figuram, in qua nihil praeter aream expenditur, semper nomine *χωρὸν* insigniri, attamen inde nihil ad interpretationem loci nostri exculpi potest, quum, ut supra ostendimus, Platonis verba ad normam loquendi, ad quam illi geometrae vocabulorum usum direxerunt, haud temere exigenda sint, id quod et ab ipso Trembleio animaduersum quidem, sed nihilominus neglectum est. Abunde sit haec contra Trembleii rationem disputasse, quae non minori-  
bus rerum quam verborum difficultatibus premitur.

Schleiermacherus in sua operum Platonico-  
rum versione \*) non dubitat, quin circuli vel diametri eius mentio fuerit iniicienda, quoniam de coaptando triangulo in circulum agatur. Neque in eo falsus est vir eruditus, si quidem Platoni determinatio inscriptionis in circulum, quae in vniuersum triangulorum genus cadit, nota atque explorata fuisse pro certo statuatur. Verum hoc tum per se minus probabile est, tum verbis *ὑποθέμενος μὲν . . . εἴτε μή*, manifesto contrarium. Quodsi enim geometra Platonici determinationem istam habuisset promptam atque apertam, missa omni cunctatione et haesitatione respondere debebat: Si rectangulum sub duobus quibusvis huius trianguli lateribus comprehensum aequale est rectangulo, quod continetur perpendicularo in reliquum trianguli latus ex vertice anguli, cui subtensum est, demisso et circuli diametro, tum quidem triangulum illud dato circulo includi potest. Sin vero rectangulum prius posteriore maius vel minus fuerit, inclusio

\*) Tom. II. Vol. I. p. 370 et 517.


desiderata fieri nequibit. Atque hac quidem ratione verbis istis ὑποθεμὸς μὲν οὖν . . . . superfedere poterat, quae nili pro inanibus habere velimus, satis aperte ostendunt, geometram non aliter de inclusione trianguli, vtrum scilicet locum habeat nec ne, iudicium ferre posse, quam si proprietatem, quae verbis *ἐὶ μὲν ἐστὶ* . . . . expressa est, dato triangulo conuenire sumserit. Accedit, quod admissa Schleiermacheri sententia similitudo, quae inter exemplum geometricum et rem, cuius illustrandae gratia prolatum est, intercedere debet, funditus perit, repudiata ea, optime conseruatur. Vt enim ad decidendam quaestionem, num virtus doceri possit nec ne, Socrates hypothesi quadam de vi genereque virtutis vtitur, sic geometra responsurus quaestioni, datumne triangulum dato circulo includi queat nec ne, hypothesin super ipso trianguli genere arcessit, quam quidem nullo ad circulum respectu implicitam esse oportere, facile est intelligere. Venio nunc ad interpretationem Schleiermacheri, qui falsa opinione ductus non potuit non locum difficilem male vertere. Vertit autem sic: *Wenn dieses Dreyeck ein solches ist, daß wenn man um seine gegebene Grundlinie den Kreis herumzieht, noch ein eben solcher Kreis übrig bleibt als der umspannte selbst ist, alsdann dünkt mich wird etwas anderes erfolgen, und wiederum etwas anderes, wenn dieses unmöglich ist.* Haec verba legenti vel audienti, necesse est, extemplo occurrat quaestio, qui fieri possit, vt descripto circa datum triangulum circulo alius relinquatur circulus aequalis ei ipsi, qui circumscriptus est. Profecto opus fuit, vt vir doctissimus explicaret, quid verbis istis sibi vellet. Exponit autem illa in adnotationibus suis sic: *Wenn das gegebene Dreyeck so beschaffen ist, daß, wenn man die gegebene Grundlinie oder die Hypotenuse desselben (de triangulo re-*

ctangulo enim agi coniectura male quidem fundata, vera tamen allecutus est) *in den Kreis einträgt, solche den Kreis in zwei gleiche Hälften theilt, d. h., sich als Durchmesser zeigt, so . . . u. f. w.* At si Platoni nihil praeter hoc significare in animo fuisset, iure meritoque in reprehensionem veniret, quod non simpliciter dixerit: Si basis vel hypotenusa trianguli expositi aequalis est diametro circuli dati, inclusio fieri potest; sin minus, non efficitur. Ad hoc ex Schleiermachers mente res aliquo modo tentando peragitur: quod a geometrica ratione maxime est abhorrens. Ceterum locus sinistre interpretatus reddendus erat: *Wenn dieses Dreyeck ein solches ist, dergleichen an der gegebenen Grundlinie desselben entworfen, von eben einem solchen Dreyecke ergänzt wird, als das entworfene ist, so . . . u. f. w.* vel minus breuiter, at lucidius: *Wenn dieses Dreyeck so beschaffen ist, daß das ähnliche, welches man an der gegebenen Grundlinie desselben entwirft, ein Dreyeck von eben der Gattung zur Ergänzung hat, als das entworfene ist, so . . . u. f. w.*

III.

DE FORMVLIS AD ABSOLVEN-  
DAM DIMENSIONEM TRIAN-  
GVLI AEQVILATERI ET SEG-  
MENTI CIRCVLARIS A COLV-  
MELLA LIB. V. CAP. 2. PRAE-  
SCRIPTIS





1. Quamquam geometria a veteribus, e quibus soli Graeci hic censendi veniunt, inprimis ex quo Plato ad profundiorē eius tractationem homines aevi sui exhortatus erat, maxime per se et propter se culta est \*), nulla commodi, quod inde in vitam communem redundare possit, ratione habita; attamen facile est videre, necessitatem, ut ne omne omnino studium illius ad usum vitae traducendae omitteretur, fuisse effecturam. Quippe haec ipsa fuit causa, quare Romani, cum severioribus Musis parum conuersantes, geometriae in tantum, quantum ad mensuras agrorum agendas finesque regundos opus est, addiscendae operam darent. Consistit autem magna pars artis,

\*) Insigne prorsus atque admiratione summa dignum eius rei exemplum prodidit Archimedes. Hic enim incomparabilis vir, ut Plutarchus in Vita Marcelli refert, tam alto erat animo tantisque theorematum divitiis praeditus, ut noluerit de his, quibus sibi nomen et opinionem non humani, sed diuini cuiusdam ingenii parauerat, quidquam scribere. Quippe machinarum effectiōnem omnemque artem, quae necessitati inserviret, illiberalem et sordidam ratus, in his modo studium suum serio posuit, in quibus pulchritudo et subtilitas nulli commixta necessitati inest. — Quanto theoretices studio duceretur Archimedes, ex hoc quoque perspicitur, quod in memoriam inveniēti a se theorematibus, e quo cylindrus rectus sphaerae, quam circumscribit, ut soliditate, sic integra superficie, sesquialter est, tumulo suo cylindrum et sphaeram ipsi inscriptam apponi rationemque, in qua inter se sunt illa solida eorumque superficies, adscribi voluerit.

quae in dimetiendis diuidendisque agris, atque vniuerse in dimensione rerum corporearum, quae sub aliquam formarum geometricarum cadunt, versatur, in arithmetices ad geometriam applicatione, quam etsi geometrae antiqui, vt geometriae natiuus suus color et pulchritudo constaret \*) in tradenda sua disciplina sedulo euitarent, tamen si quando peculiaris et quasi propria magnitudo alicuius rei inuestiganda incideret, huic fini adhibere non dubitarunt. Quo nomine Archimedes ipse allegandus est, qui in libro de circuli dimensione exemplum huius applicationis reliquit. Sed geometriae practicae, proprie sic dictae, pauca tantum ex antiquitate ad nos transmissa sunt monumenta, eo maioris facienda diligentiusque conquirenda, quominus subsidiorum ad penitus cognoscendum, quem ad finem in hoc campo scientia veterum excucurrerit, nobis suppetit. Possunt autem hae reliquiae perquam commodè in duo genera distribui, quorum vnum ea mensurandi praecepta, quae auctores in transitu atque aliud agendo, illustrandi solum gratia, protulerunt, complectitur, alteri subiectae sunt formulae dimetiendi a scriptoribus ex instituto et dedita opera traditae, totique adeo libri eiusmodi formulis referti. Ad prius genus referenda est quadrati, trianguli et rectanguli, et istius quidem a Platone \*\*), horum a Proclo \*\*\*) tradita dimensio, posteriore continentur formulae a Columella \*\*\*\*) ad aream varia-

---

\*) Cf. quae de exterminandis e geometria computationibus Hausenius in praefatione elementorum matheseos nec non in prooemio geometriae bene monuit.

\*\*) In Menon. p. 82. d.

\*\*\*) In Commentar. in primum Euclidis Elem. librum III. 8. IV. 11. et 18. p. 64. 105 et 109.

\*\*\*\*) Libr. de Re Rustica V. 2.

rum figurarum inveniendam expositae, et magna ex parte ab incerto scriptore rei agrimensoriae \*), sed negligenter admodum repetitae, nec non Heronis iunioris Geodaeia \*\*).

2. E formulis Columellae duae prae ceteris notari merentur, quarum altera trianguli aequilateri aream ex dato ipsius latere inuestigare, altera vero portionis circuli (arcus nomine a Columella insignitae) quae quidem semicirculo minor est, aream ex nota eius basi et altitudine \*\*\*) colligere docet. Sunt autem formulae ipsae generaliter conceptae hae:

Vt dimensio trianguli aequilateri fiat, ducatur latus in se ipsum, et producti sumatur pars tertia, itemque decima. Hae in unam summam collectae aream quaesitam exhibebunt \*\*\*\*).

Ad dimensionem portionis circuli, semicirculo minoris, conficiendam adiiciatur basi altitudo, et summa multiplicetur per altitudinem. Producti huius dimidio si addatur pars decima quarta quadrati a

\*) In Rei Agrariae auctoribus a Goefio edit. p. 311—315.

\*\*) De hoc libro eiusque auctore omnino consulenda est Pfleidereri Trigonometria plana (theodisce conscripta) §. 172—175.

\*\*\*). *Basin* segmenti circularis cum Hugenio, qui in hoc Archimedis exemplum secutus est (def. Prop. XVIIIae libri de quadratura Parabolae praemiss.) appellare licet rectam, qua una cum arcu segmentum comprehenditur, *altitudinem* vero maximum perpendiculum ab arcu in basin demissum.

\*\*\*\*) Goesianus mensor p. 312. regulam ab hac diversam, sed plane falsam inveniendae trigoni isopleuri areae praefcribit. Iubet enim unum latus in dimidium alterius ducere. In dimensione hexagoni aequilateri et aequianguli p. 315 tamen formam a Columella constitutam sequitur.

dimidia basi facti, quae prodit summa aream desideratam manifestabit \*).

Ex priore formula igitur area trianguli aequilateri dicto eius latere  $a$ , est  $\frac{1}{2} aa + \frac{1}{16} aa = \frac{9}{16} aa$ . Ex posteriore autem fit area segmenti circularis, semicirculo minoris, denotata basi eius per  $2b$ , altitudine vero per  $h$ ,  $= \frac{(2b+h)h}{2} + \frac{1}{16} bb = bh + \frac{1}{16} bb + \frac{1}{2} hh$ .

Has expressiones veris tantum proximas esse, comparatione ipsarum ad veras leuiter modo facta, primo intuitu fit manifestum. Etenim seruatis, quae antea positae sunt, denominationibus area trianguli aequilateri est  $= \frac{1}{2} aa \sqrt{3}$ , portionis circuli autem

$$\left(\frac{bb+hh}{2}\right)^2 \text{ Ang. tang } \frac{2bh}{bb-hh} - \frac{b(bb-hh)}{2h}.$$

3. Sed quoniam plenior intelligentia rationis et constitutionis formularum e Columella allatarum, et ab ipso sine dubio ex Graeco quodam auctore tractarum, ad meliorem rei arithmeticae et geometricae veterum, earumque consociationis, conducere videtur, formulis illis accuratius iam euoluendis atque amborum generum expressionibus, proxime videlicet et absolute veris, quibus vtriusque figurarum ante memo-

---

\*) In hac formula reddenda geodaeta apud Gesium p. 315 mire lapsus est. Neque enim vidit, in exemplo numerico, quo Columella ad regulam suam demonstrandam usus est, quaternarium, per quem summa baseos atque altitudinis collecta multiplicatur, altitudinem esse, sed pro numero nullius nominis et constantis factore habuit. Hinc in exemplo, quod ipse adfert, eundem retinet, quamquam altitudinem quinque pedum ponit. Sed quodammodo excusandus videtur, propterea quod Columella rationem quaternarii istius haud dilucide expediuit, satis habens dixisse: *Hoc duco quater*.

ratarum area ob oculos ponitur, paullo diligentius inter se conferendis operae pretium me facere spero.

Aequatis igitur duabus formulis, aream trigoni isopleuri sistentibus, fit

$$\begin{aligned} \frac{1}{4}\sqrt{3} &= \frac{1}{4}\frac{1}{2} \\ \text{hinc } \sqrt{3} &= \frac{1}{2} \end{aligned}$$

Omnino notatu dignum est, fracturam  $\frac{1}{2}$  e numero earum esse, quae e fractione continua radicem quadratam ternarii exhibente deriuantur, et ad verum valorem ipsius  $\sqrt{3}$  adeo appropinquant, ut ad eum fractura minoribus numeris expressa propius accedere non liceat. Est scilicet

$$\sqrt{3} = 1 + \frac{1}{1 + \frac{1}{2 + \frac{1}{1 + \frac{1}{2 + \frac{1}{2 + \text{etc.}}}}}}$$

unde nascuntur fracturae ad  $\sqrt{3}$  magis magisque appropinquantes  $\frac{2}{1}$ ,  $\frac{1}{2}$ ,  $\frac{7}{4}$ ,  $\frac{1}{7}$ ,  $\frac{26}{15}$ ,  $\frac{1}{26}$ ,  $\frac{97}{56}$  etc. Ex quo perspicitur, nullam aliam fractionem, cuius quidem numerator pariter ac denominator centenarium non excedat, ad quartam ipsius  $\sqrt{3}$  partem tam prope accedere, quam  $\frac{1}{26}$ , prorsus ut demirandum sit, Columellae formulam illi ipsi fractioni, tamquam fundamento, esse superstructam, et sponte sua oriatur quaestio, quamam via auctor formulae ad istum valorem ipsi  $\frac{1}{2}\sqrt{3}$  valde propinquum peruenerit.

4. Ad hanc quaestionem ut aliter quam coniecturali modo respondeatur, res ipsa pati non videtur. Quae igitur iam, ut quaestioni propositae satisfiat, prolaturus sum, maximam partem in coniectura posita sunt, quod eo praemonendum duxi, quo facilius et promptius, apud aequos harum rerum aestimatores, si quid errauerim, veniam impetrem.

Est autem ratio, qua fieri potuit, ut valor  $\frac{1}{2}\sqrt{3}$  in locum ipsius  $\frac{1}{4}\sqrt{3}$  substitutus erueretur, omnino du-

plex. Valor iste enim aut ex aliis, qui iam noti erant, valoribus, ab isto ipsius  $\frac{1}{2}\sqrt{3}$  valore haud notabiliter diversis, derivatus, aut sine horum ope per se inuentus est.

Primo indagandi modo in Archimedis libro de dimensione circuli et Hipparchi tabula, quantitatem rectarum circulo inscriptarum exhibente, adminicula parata erant, de quibus singulatim exponendum.

In Archimedis libro laudato deprehenditur ratio, quam altitudo trianguli aequilateri ad dimidiam basin habet, cuiusque denominator est ipsa radix quadrata ternarii, duabus rationibus, tanquam limitibus, circumscripta, altera earum veram rationem paullo excedente, altera ab eadem aliquantulum deficiente. Illa est  $1351 : 780$ , haec  $265 : 153$ . Ex posteriori ratio ipsi fere aequalis  $26 : 15$  hoc pacto deducitur. Quum circiter sit  $265 : 153 = 5 : 3$ , erit propemodum (Elem. V. 19. VII. 11)  $265 : 153 = 260 : 150 =$  (Elem. V. 15. VII. 17.)  $26 : 15$ . Ex ratione autem  $1351 : 780$  existit ratio ad ipsam appropinquans  $26 : 15$  isto modo. Quoniam sine errore notabili est  $1351 : 780 = 1352 : 780 = 26.52 : 15.52$ , erit vero proxime (Elem. I. postremum c.)  $1351 : 780 = 26 : 15$ . Vtrinque igitur efficitur, ut altitudo trianguli aequilateri ad dimidiam basin, adeoque spatium altitudine et dimidia basi contentum ad quadratum a dimidia basi factum i. e. area trianguli aequilateri ad quartam partem quadrati lateris propemodum sit  $= 26 : 15$ . Quamobrem area perquam prope est  $= \frac{26}{15}$  dictae quartae, siue  $\frac{26}{15} = \frac{1}{3}\frac{1}{2}$  quadrati a latere facti, quae est ipsa a Columella tradita formula.

Hipparchi tabula chordarum hodie quidem non extat, sed ipsi talem aliquam in promptu fuisse, ex eo colligere est, quod absque eiusmodi tabula ille vir computationes, quas in comperto est confecisse, neuti-

quam inire potuisset. Ab ipso autem subtenfarum canonem, qualem primus, quantum constat, condidit, in vulgus editum esse, ex Theonis testimonio conici potest, qui eum duodecim libris inuestigationem atque usum (πραγματεῖαν) rectarum in circulo tradidisse refert \*). Quamvis enim de canone diserte non meminit, attamen Hipparchus illum subiunxisse putandus est, quoniam praecepta ab ipso tradita sine canone infructuosiora fuissent. Sumto igitur hoc pro certo, Hipparchi tabulam subtenfarum olim in medio atque in manibus fuisse, ex ea ratio altitudinis trianguli aequilateri ad basin dimidiam numeris expressa depromi potuit. Est enim eadem ac ratio, quam subtensa 120 graduum ad subtenfam 60 graduum siue radium circuli habet \*\*). Haec autem per canonem subtenfarum Ptolemaei, quem quidem Hipparchi rationem in adornando atque disponendo canone suo tenuisse verisimillimum est, reperitur esse  $= 103 + \frac{4}{5} + \frac{2}{3} : 60$  i. e. proxime  $104 : 60 = 26 : 15$ , unde eadem, quae antea, simili plane modo inferuntur.


5. Differendum nunc est de modo fractionem  $\frac{26}{15}$ , vero radicis quadratae ternarii valori proximantem, sine subsidiis, de quibus praec. articul. expositum est, inueniendi. Haec autem disputatio eo recidit, ut explicetur, qua ratione Archimedes limites ab ipso radici quadratae ternarii constitutos, et Hipparchus quantitatem subtenfae 120 graduum, inuestigauerit. De priori etsi difficile sit solidum aliquid

\*) Εἰς τὸ τοῦ Πτολεμαίου βιβλίον α. ὑπόμνημα p. 39.

\*\*) In schemate propof. 12. Lib. XIII. Elem. edit. Barrovia. vel Baermannian. scilicet est, ob angulos ABE, AFB rectos, et angulum BAE communem, triangulum ABE triangulo ABF aequiangulum: quare (Elem. VI. 4)  $AF : FB = AB : AD (= BE)$ .



neque omnino Archimede indignum in medium adferre, sustinebimus tamen methodum proponere, qua Archimedes in eruendis limitibus istis forsitan vsus est. Quas quam bene cum aliis ab illo viro adhibitis inveniendi methodis congruat, doctis iudicandum relinquimus.



Esto igitur triangulum rectangulum ABC, angulum ACB habens rectum, BAC autem trimenti recti aequalem, erit BC basis dimidia trianguli aequilateri, cuius latus est AB, AC vero altitudo eiusdem, atque  $AB = 2 BC$ , hinc  $AC^2 = AB^2 -$

$BC^2 = 3 AB^2$ , et  $AC : BC = \sqrt{3} : 1$ . Descripto iam e centro A, intervallo AC, circulo rectam AB in D transeunte, eandemque productam in E secante, est  $AC = AD = AB - BD = 2 BC - BD$ , et quia BC circulum contingit, BE autem secant, (Elem. III. 36.)  $BC^2 = BD \times BE$ , hinc (Elem. VI. 17.)  $BD : BC = BC : BE$ . Iam quum sit  $BE = 2 AD + BD = 2 AC + BD$ ; trianguli autem ABC latus AC, utpote maiori angulo ABC ( $= \frac{2}{3}$  recti) subtensum,  $> BC$ : erit  $BE > 2 BC$ , siue  $BC < \frac{1}{2} BE$ , proinde et  $BD < \frac{1}{2} BC$ . Rursus est  $BE = AB + AE = 2 BC + 2 BC - BD = 4 BC - BD$ , ergo  $4 BC > BE$ , et  $BC > \frac{1}{4} BE$ , quare etiam  $BD > \frac{1}{4} BC$ . Quodsi nunc compendii causa AC dicatur  $z$ , BC  $p$ , et BD  $u$ , habet  $z = 2p - u$ , itaque (Elem. V. 7.)  $z : p = \sqrt{3} : 1 = 2p - u : p$ , praeterea  $u : p = p : 4p - u$ , ergo *inuerse* (Elem. V. 4. cor.)  $p : u = 4p - u : p$ ,  $u$  existente  $> \frac{1}{4} p$ , sed  $< \frac{1}{2} p$ . Quoniam igitur  $p : u = 4p - u : p$ , erit *alterne* (Elem.

V. 16)  $p : 4p - u = u : p$ , hinc (Elem. V. 15. 11)  $2p : 2(4p - u)$  i. e.  $2p : 8p - 2u = u : p$ , ergo (Elem. V. 19. 11)  $2p - u : 7p - 2u = u : p = p : 4p - u$ , *alterne* igitur  $2p - u : p = 7p - 2u : 4p - u$ . Quapropter est quoque  $z : p = 7p - 2u : 4p - u$ . Et quia  $p : 4p - u = u : p$ , erit (Elem. V. 15. 11)  $7p : 7(4p - u) = 2u : 2p$  siue  $7p : 28p - 7u = 2u : 2p$ , proinde (Elem. V. 19. 11)  $7p - 2u : 26p - 7u = 2u : 2p = u : p$ . Similiter est  $4p - u : 15p - 4u = u : p$ ; quare (Elem. V. 11)  $7p - 2u : 26p - 7u = 4p - u : 15p - 4u$ , ergo *alterne*  $7p - 2u : 4p - u = 26p - 7u : 15p - 4u$ . Quamobrem et  $z : p = 26p - 7u : 15p - 4u$ . Sed quoniam  $p : 4p - u = u : p$ , est (Elem. V. 15. 11)  $26p : 104p - 26u = 7u : 7p$ , ergo (Elem. V. 19. 11)  $26p - 7u : 97p - 26u = u : p$ . Pari modo est  $15p - 4u : 56p - 15u = u : p$ , quocirca  $26p - 7u : 97p - 26u = 15p - 4u : 56p - 15u$ , *alterne* igitur  $26p - 7u : 15p - 4u = 97p - 26u : 56p - 15u$ . Quare etiam  $z : p = 97p - 26u : 56p - 15u$ . Rationatione eodem tenore perpetuata, efficitur, ut fit pariter  $z : p = 362p - 97u : 209p - 56u = 1351p - 362u : 780p - 209u$  etc.

Iam quum sit  $z : p = 2p - u : p$ , ob  $2p$  autem  $\triangleright 2p - u$ , (Elem. V. 8)  $2p : p \triangleright 2p - u : p$ , erit (Elem. V. 13. cor. Simsoni)  $2p : p \triangleright z : p$ , siue  $z : p \triangleleft 2p : p$  i. e.,  $\triangleleft 2 : 1$ . Et quia (Elem. V. 15)  $2u : 2p = u : p$ , erit *alterne*  $2u : u = 2p : p$ , quare (Elem. V. 13)  $2u : u \triangleright z : p$ . Sed est  $z : p = 7p - 2u : 4p - u$ , ergo (Elem. V. 13 cor. Simsoni)  $2u : u \triangleright 7p - 2u : 4p - u$ , proinde \*)  $7p : 4p \triangleright 7p - 2u : 4p - u$ , ergo (Elem.

---

\*) Vid. Dissertat., quam Celebera Hauber sub titulo: *Propositionum de rationibus inter se diuersis*

l. c.)  $7p : 4p \triangleright z : p$  siue  $z : p \triangleleft 7p : 4p$ , h. o.,  
 $\triangleleft 7p : 4p$ . Eadem ratione ostenditur esse

$$z : p \triangleleft 26 : 15$$

$$\triangleleft 97 : 56$$

$$\triangleleft 362 : 209$$

$$\triangleleft 1351 : 780 \text{ etc.}$$

Porro quoniam  $p \triangleright u$ , fit  $p - u = v$ , erit  $v \triangleright \frac{1}{2}p$ ,  
 at  $\triangleleft \frac{1}{2}p$ . Et quia  $z : p = 2p - u : p = p + p - u : p$ ,  
 est quoque  $z : p = p + v : p$ . Deinde quum fit  $z : p$   
 $= 7p - 2u : 4p - u = 5p + 2p - 2u : 3p + p - u$ ,  
 $2p - 2u$  autem (Elem. V. 6)  $= 2(p - u) = 2v$ ,  
 erit etiam  $z : p = 5p + 2v : 3p + v$ . Adhibitis sic  
 deinceps rationibus, quibus ratio  $z : p$  antea aequa-  
 lis demonstrata est, simili modo comprobatur esse iti-  
 dem  $z : p = 19p + 7v : 11p + 4v = 71p + 26v :$   
 $41p + 15v = 265p + 97v : 153p + 56v =$   
 $989p + 362v : 571p + 209v \text{ etc.}$

Quia igitur  $z : p = p + v : p$ , sed ob  $p + v \triangleright p$ ,  
 (Elem. V. 8)  $p + v : p \triangleright p : p$ , erit (Elem. V. 13)  
 $z : p \triangleright p : p$ , i. e.  $\triangleright 1 : 1$ . Dein quum fit (Elem.  
 V. 15)  $2v : 2p = v : p$ , *alternae* igitur  $2v : v =$   
 $2p : p$ , posterior ratio autem  $\triangleright z : p$ , est (Elem. V.  
 13)  $2v : v \triangleright z : p$ , hinc (Elem. I. 1.)  $2v : v \triangleright 5p + 2v :$   
 $3p + v$ , quare \*)  $5p : 3p \triangleleft 5p + 2v : 3p + v$  siue  
 $5p + 2v : 3p + v \triangleright 5p : 3p$ , ergo etiam (Elem. I. c.)  
 $z : p \triangleright 5p : 3p$ , i. e.  $\triangleright 5 : 3$ . Haud absimili mo-  
 do demonstratur esse

$$z : p \triangleright 19 : 11$$

$$\triangleright 71 : 41$$

$$\triangleright 265 : 153$$

$$\triangleright 989 : 571$$

---

*demonstrationes ex solis libri V. Elem. definitionibus  
 ac propositionibus deductae*, Tubingae 1793 publicavit,  
 §. 45.

\*) Dissert. laud. §. 48.

Comparent hic duae rationum series, altera rationum ratione ipsius  $\pi$  ad  $\pi$  maiorum, altera rationum hac ipsa ratione minorum. In priore reperitur non modo ratio  $26 : 15$ , qua praeceptum Columellae de area trianguli aequilateri supputanda innititur, verum et illa  $1351 : 780$ , ex qua Archimedes rationem ratione, quam circuli diameter ad latus polygoni 96 laterum circulo inscripti habet, maiorem deduxit. In posteriore serie autem extat ratio  $265 : 153$ , qua idem ille usus est ad exhibendam rationem minorem ea, quae diametro cum latere polygoni 96 laterum circulum circumscribentis intercedit. Ceterum si cui forte methodus exposita artificiosior quam pro Archimedis scientia atque eruditione videatur \*), is, ut speciminis tantum causa demonstrationes, quibus Archimedes propof. 9. libr. II. de Aequiponderantibus, propof. 3 de Conoidibus et Sphaeroidibus, et propof. 10. 11que de Helicibus seu Spiralibus munivit, perlustret atque expendat, quaeso. Eo enim fiet, ut opinionem suam deponat, nihilque tam arduum et subtile esse intelligat, cui diuinum Archimedis ingenium par non fuerit.

6. Explicatis iis, quae super ratione, qua Archimedes et auctor regulae, aream trianguli aequilateri ex noto latere inueniendi, fractiones vero valori radicis quadratae ternarii appropinquantes indagauerint, cogitantibus nobis probabilia sunt. visa, agitan-

---

\*) Exemplum rationis duarum quantitatum incommensurabilium numeris proxime expressae extat iam in Aristarchi Samii, qui aetate prior est Archimede, libro *περὶ μεγεθῶν καὶ ἀποσημάτων Ἑλλένων καὶ Σαλίωνης*, prop. VII. p. 582. Vol. III. Operum Wallisii. Ponitur enim  $\sqrt{2} : 1 > 7 : 5$ , fractio  $\frac{7}{5}$  autem in iis est, quae e fractione continua radicem quadratam binarii sistente enoluantur.

dum nunc esset de modo, quo Hipparchus subtensum 120 graduum numeris expressam inuenerit. Sed quoniam haec inuestigatio sola extractione radicis quadratae ex  $3.60^2 = 10800$  absoluitur, lectorem ad Theonis εἰς τὸ τοῦ Πτολεμαίου βιβλίον α ὑπόμνημα remittere possumus, ubi pag. 44. docetur, quomodo numeri non quadrati, qualis est 10800, radicem proxime veram reperire liceat, quam quidem Theonis rationem etiam Clariss. Ideler in sua *de trigonometria veterum* dissertatione \*) tradidit. Nihil ergo amplius huic circa priorem Columellae formulam disquisitioni addimus, quam determinationem erroris, qui in usu formulae eius committitur. Apparet autem ex artic. praec., fractionem  $\frac{2}{3}$  paullo maiorem esse radice quadrata ternarii, quare et area trianguli aequilateri ad Columellae regulam computata veram paullulum excedet, excessu existente  $= \frac{1}{3}aa - \frac{1}{4}aa\sqrt{3}$ . Quo autem quantitas erroris melius innotescat, eam ad mensuram aliquam communem vulgoque notam reuocemus. Inuestigemus igitur, quot pedes latus trianguli habere debeat, ut in area uno pede quadrato aberretur. Quo constituto cogitur, ut fit

$$\frac{1}{3}aa - \frac{1}{4}aa\sqrt{3} = 1$$

$$\text{hinc } aa = \frac{60}{26 - 15\sqrt{3}} = 60(26 + 15\sqrt{3})$$

$$\text{proinde } a = \sqrt{60(26 + 15\sqrt{3})} = 9\sqrt{10 + 5\sqrt{30}} \\ = 55,8466268 = 55\frac{1}{3} \text{ proxime.}$$

Si ergo latus trianguli aequilateri contineat ped.  $55\frac{1}{3}$ , area ex praescripto Columellae inuenta veram vno pede quadrato excedit. Hinc erroris in aliis casibus facilis est taxatio. Accrescit enim in ratione duplicata laterum, ut, si numerus  $55\frac{1}{3}$  pedum in latere

\*) Monatl. Corresp. B. XXVI. S. 14.

infit, e. c., bis, error impleat summam 4 pedum quadratorum, et sic de ceteris. Errore autem unum pedem quadratum aequante, area ex Columellae praecepto computata est  $= \frac{1}{2} \cdot 60 (26 + 15\sqrt{3}) = 26(26 + 15\sqrt{3}) = 676 + 390\sqrt{3} = 1351, 4998$  siue proxime  $= 1351\frac{1}{2}$  ped. quadrat.; proinde error est duarum tantarum, quantas habet area, quam Columellae formula praebet, bis millesimas septingentimas tertias, quo cognito haud difficile est, formulae istius correctionem, si qua opus sit, adhibere.

7) Progredimur iam ad formam, quam Columella auctore et doctore sequi oportet, si area portio- nis circuli semicirculo haud maioris computanda veniat. Aequatis et hic formula exacta atque ea, quam e Columellae praecepto deduximus, fit

$$\left(\frac{bb+hh}{2h}\right)^2 \text{Ang. tang } \frac{2bh}{bb-hh} - \frac{(bb-hh)b}{2h} \\ = bh + \frac{1}{2}hh + \frac{1}{4}bb$$

$$\text{siue, quia Ang. tang } \frac{2bh}{bb-hh} = 2 \text{ Ang. tang } \frac{h}{b},$$

$$\left(\frac{bb+hh}{h}\right)^2 \text{Ang. tang } \frac{h}{b} - \frac{(bb-hh)b}{h} \\ = 2bh + hh + \frac{1}{4}bb.$$

Quum omnium segmentorum, semicirculum non excedentium et super eadem recta tamquam basi constitutorum, ultimum sit semicirculus ipse super illa recta descriptus, primum autem duae rectae sibi inuicem superincidentes, hinc duo constituuntur casus extremi, quibus respondent anguli ad centrum 180 et 0 graduum, et quos inter casus ille, ubi angulus ad centrum est 90 graduum, tanquam medius, interponitur. Age vero videamus, quid ex aequatione nostra in his casibus singularibus selectisque efficiatur. Primum qui-

dem manifestum est, euanescente segmenti altitudine fieri  $h=b:\infty$ , quare habemus

$$\frac{b^3}{h} - \frac{b^3}{h} = 0 = \frac{1}{7} bb$$

quod quum fit absurdum, aequatio hoc casu, nisi sit et  $b=0$ , nequam subsistit. Altero casu, quo angulus ad centrum est rectus, segmentumque quadrante circumductae et subtenſa ipsius continetur, est

$$\frac{h}{b} = \sqrt{2-1} = \tan \frac{1}{8} \pi, \text{ denotante } \pi \text{ dimidiam}$$

peripheriam circuli, cuius radius est  $=1$ , proinde

$$h=(\sqrt{2-1})b, \text{ et } \frac{b}{h} = \frac{1}{\sqrt{2-1}} = 1+\sqrt{2}, \text{ qui}$$

bus valoribus in aequationem nostram introductis fit

$$\pi bb - 2 bb = 1\frac{1}{7} bb.$$

hinc  $\pi=3\frac{1}{7}$ . Abeunte tandem segmento in semicirculum, qui casus est tertius, est  $b=h$ , et aequatio nostra hoc casu euadit

$$\pi bb = 3\frac{1}{7} bb$$

unde fit itidem  $\pi = 3\frac{1}{7}$ .

Numerus pro ipso  $\pi$  hic erutus est vnus ex limitibus ab Archimede denominatori rationis, quam ambitus circuli ad diametrum habet, assignatis, idemque fere solus veteribus expeditioris et commodioris vsus gratia in computationibus ad circulum pertinentibus vsurpatus \*), quamquam Eutocio refe-

\*) Vid. Plin. Hist. Nat. II, 23 (21 Harduin.) Macrob. in somn. Scip. I. 20. Formulae etiam, quas Columella ad mensurandam circuli et semicirculi aream habet, eidem illi numero accommodatae sunt. Hoc loco non alienum erit monuisse, pro numero CLX, quem nouissima Clariss. Schneidleri editio scriptorum rei rusticae in Columellae problemate de semicirculo exhibet, substituendum esse CXL, (rectius CXXXX) qui in

rente \*) Apollonius Pergaeus Philoque Gadarenfis rationem istam accuratius, verum numeris maioribus, definierant. Assumpto ergo hoc ipfius  $\pi$  valore duobus casibus posterioribus (nam eius, ubi  $b$  et  $h = 0$ , rationem habere nil attinet,) aequatio supra allata stat, ex quo sequitur, vt in his ipsis casibus Columellae formula a veritate non recedat,

8. Duos casus, quos modò indicauimus, solos esse, in quibus Columellae formula veram segmentorum aream praebat, non nisi ratione eius penitus perspecta planeque cognita apparere potest. Quam quidem intelligentiam vt consequamur, eius originem analysi investigemus perinde ac si formula de integro esset condenda.

Inscripto igitur in portionem circuli, semicirculo haud maiorem, triangulo maximo, portio in tres partes diuiditur, quarum vna illud ipsum triangulum maximum, binarum reliquarum autem vtravis est portio circuli super latere trianguli maximi constituta, et dimidio arcu portionis ab initio expositae comprehensa. Seruatis iam denominationibus artic. 2. area trianguli inscripti, quod cum portione eandem basin atque altitudinem habet, est  $bh$ . Segmentorum autem reliquorum duorum una sumtorum area fingatur ita a quantis  $b$  et  $h$  pendere, vt haec, ad quam per ipsam Columellae regulam deducimur, forma  $mhb + nhk$ , litteris  $m$  et  $n$  duos factores constantes designantibus,

---

Gesneriana prima (anne et in aliera, nescio) legitur, uniceque verus est. Si enim radius, quem Columella curuaturae latitudinem dixit, est ped. LXX, diametros a Columella nomine baseos semicirculi insignita CXL ped. contineat, necesse est. Mendum vnde ortum iraxit, facile est suspicatu.

\*) In Commentar. ad Archimedis de dimensione circuli librum; in Wallisi Opp. Tom. III. p. 157.



exprimatur. Area ergo portionis totius est =  $bh + mbb + nhh$ , in qua forma iam factores  $m$  et  $n$  determinari oportet. Quod quo expeditius fiat, statuamus radium circuli = 1, angulum ad centrum autem, qui dimidio arcui portionis insitit =  $\phi$ , eritque  $b = \sin \phi$ ,  $h = 1 - \cos \phi$ , hinc  $bh + mbb + nhh = \sin \phi - \frac{1}{2} \sin 2\phi + \frac{1}{2} m (1 - \cos 2\phi) + \frac{1}{2} n (3 - 4 \cos \phi + \cos 2\phi)$ . Sed area ex praeceptis geometriae inuenitur esse =  $\phi - \frac{1}{2} \sin 2\phi$ . Quodsi ergo illa hanc aequiparare debet, necesse est, ut sit  $\sin \phi - \frac{1}{2} \sin 2\phi + \frac{1}{2} m (1 - \cos 2\phi) + \frac{1}{2} n (3 - 4 \cos \phi + \cos 2\phi) = \phi - \frac{1}{2} \sin 2\phi$

proinde

$$m(1 - \cos 2\phi) + n(3 - 4 \cos \phi + \cos 2\phi) = 2\phi - 2 \sin \phi \text{ (O)}$$

Quum hic duo tantum coefficientes,  $m$  et  $n$ , sint determinandi, plures duobus ipsius  $\phi$  valoribus, ad hanc determinationem absoluendam, adhibere non licet. Quia igitur aequatio caractere solis (O) signata iam ad valorem  $\phi = 0$ , quo casu est  $b$  et  $h = 0$ , segmentumque evanescit, sponte quadrat, delignantur proposito adsequendo valores  $\phi = 45^\circ = \frac{1}{2} \pi$ , et  $\phi = 90^\circ = \frac{1}{2} \pi$  angulis ad centrum summam  $90$  et  $180$  gradum coefficientibus. His constitutis habetur

$$\text{I. } m + n(3 - 2\sqrt{2}) = \frac{1}{2} \pi - \sqrt{2}$$

$$\text{II. } 2m + 2n = \pi - 2.$$

Aequatione I in 2 ducta et, quae prodit, ab aequatione II ablata, relinquitur

$$4n(\sqrt{2} - 1) = 2\sqrt{2} - 2 = 2(\sqrt{2} - 1)$$

$$\text{hinc } n = \frac{2}{4} = \frac{1}{2}$$

Quo valore ipsius  $n$  in aequatione II. substituto, fit

$$2m + 1 = \pi - 2$$

$$\text{proinde } m = \frac{\pi - 3}{2}.$$

Determinatis sic ipsorum  $m$  et  $n$  valoribus formula ad exhibendam aream segmenti circularis paullo ante assumpta  $bh + mbb + nhh$  valorum istorum introductione

abit in hanc  $bh + \frac{1}{2}hh + \frac{\pi-3}{2}bb$ , in qua si statuamus  $\pi = \frac{2}{3}$ , in eam ipsam formulam, quae Columellae praescripto conuenit, incidimus. Quare dubium esse non potest, quin eius veram originem hoc pacto explorauerimus.

Quum itaque formula  $bh + mbb + nhh$  duobus tantum casibus exactae aequipollens facta sit, facile perspicitur, formulam, quae sic elicitur est,

$$bh + \frac{1}{2}hh + \frac{\pi-3}{2}bb, \text{ ita fore comparatam, vt duobus}$$

istis casibus solis iustam segmentorum mensuram reddat, in ceteris omnibus autem de veritate deflectat. Quod, quo extra omnem dubitationis aleam ponatur, peculiari insuper demonstratione corroborari expedit.

9. Substituantur igitur in aequatione (©) artic. praeced. pro ipsis  $m$  et  $n$  valores eorum modo reperti, quo facto erit

$$2\varphi - 2\sin\varphi + 2\cos\varphi - 2\cos 2\varphi = \frac{\pi}{2}(1 - \cos 2\varphi). (\text{D})$$

unde fit

$$\pi = \frac{4(\varphi - \sin\varphi + \cos\varphi - \cos 2\varphi)}{1 - \cos 2\varphi}$$

Ex hac formula, si ipsi  $\varphi$  valorem quemcumque tribuere licet, cogitur, vt  $\pi$  sit quantitas variabilis, qualis tamen non est, sed vel maxime constans. Quo ergo haec incongruentia tollatur, in aequatione (D) valor ipsius  $\pi$  indeterminatus permaneat, aequatioque subsistat, quicquid demum sit  $\pi$ , oportet. Quare quum tantummodo membrum  $2\varphi$  ex sua vi atque natura ad ipsum  $\frac{\pi}{2}$  referri, cumque eo comparari possit, necesse est, hasce duas aequationes,

$$2\varphi = \frac{\pi}{2}(1 - \cos 2\varphi) \text{ (I)}$$

$$2\cos\varphi - 2\sin\varphi - 2\cos 2\varphi = 0, \text{ (II)}$$

quarum additione aequatio (C) conflatur, pro se quamque subsistere. Ex aequatione (II) autem fit

$\cos \phi - \sin \phi = \cos 2\phi = \cos \phi^2 - \sin \phi^2$   
cuius aequationis quum utraque pars per  $\cos \phi - \sin \phi$  diuidi possit, habemus primum

$$\cos \phi - \sin \phi = 0$$

$$\text{siue } \cos \phi = \sin \phi$$

i. e., quoniam valores  $\phi$  ipso  $\pi$  maiores, aequae ac negatiui, excluduntur

$$\sin \left( \frac{1}{2} \pi - \phi \right) = \sin \phi$$

$$\text{hinc fit } \phi = \frac{1}{4} \pi.$$

Deinde vero diuisione aequationis  $\cos \phi - \sin \phi = \cos \phi^2 - \sin \phi^2$  re ipsa instituta peractaque est

$$1 = \cos \phi + \sin \phi$$


vnde non modo

$$\frac{1 - \cos \phi}{\sin \phi}, \text{ sed et } \frac{\cos \phi}{1 - \sin \phi} = 1 = \tan \frac{1}{4} \pi \text{ prodit}$$

$$\text{Quocirca, quum fit } \frac{1 - \cos \phi}{\sin \phi} = \tan \frac{1}{2} \phi, \frac{\cos \phi}{1 - \sin \phi} =$$

$\tan \left( \frac{1}{4} \pi + \frac{1}{2} \phi \right)$ , erit tam  $\frac{1}{2} \phi$ , quam  $\frac{1}{4} \pi + \frac{1}{2} \phi = \frac{1}{4} \pi$ , ergo  $\phi = \frac{1}{2} \pi$  et 0. Valoribus  $\phi = 0$ ,  $\phi = \frac{1}{4} \pi$ , et  $\phi = \frac{1}{2} \pi$  iam in aequationem I introductis ex ea existit  $0 = 0$ ;  $\frac{1}{2} \pi = \frac{1}{2} \pi$ ;  $\pi = \pi$ . Quare ambae aequationes I et II ipso  $\phi$  valores 0,  $\frac{1}{4} \pi$ ,  $\frac{1}{2} \pi$  obtinente valent, hique soli sunt, quibus id efficitur.

10. Inuestigata origine formulae a Columella ad mensurationem segmenti circularis praescriptae calculi litteralis subsidio, iam conabimur rationem adumbrare, quam illius formulae auctor geometriae solius auxilio adiutus in ea inuenienda fortasse secutus est.



Sit igitur ADB  
semicirculus, cu-  
ius centrum C,  
diameter AB,  
erectoque in C  
ad AB perpen-  
diculo CD, du-  
cantur AD, et  
DB, quo facto

fit (Elem. I. 4)  $AD = DB$ , et (Elem. I. 47)  $AD^2 = DB^2 = 2 AC^2$ . Demisso dein ex C ad AB per-  
pendiculo CE, productoque eo usque ad peripheriam  
F, iungantur AF, FD. Quia igitur recta CF per  
ntrum C transiens rectam AD ad angulos rectos fe-  
cit, est (Elem. III. 3)  $AE = ED$ , hinc (Elem. I. 8.)  
 $CE = ECD = \frac{1}{2}$  recti  $= DAC$ , proinde (Elem. I. 6.)  
 $E = EC = ED = \frac{1}{2} AD$ , ergo  $AE^2$  sine  $DE^2$   
 $= \frac{1}{4} AD^2 = \frac{1}{2} AC^2$ . Praeterea est (Elem. I. 4)  
 $F = FD$ , et  $\triangle AFC = \triangle CFD$ . Sumto iam, dia-  
etrum se habere ad peripheriam, vt 7 ad 22, erit  
i Prop. III libr. Archimedis de dimens. circ.) circuli  
s, cuius dimidium ADB,  $= \frac{1}{2} AB^2 = \frac{2}{7} AC^2$ ,  
hic semicirculus ADB  $= \frac{1}{7} AC^2 = AC^2 + \frac{1}{2} AC^2$   
 $\frac{1}{7} AC^2$  \*)  $= \triangle ADB + \frac{1}{2} CD^2 + \frac{1}{7} AC^2$ . Porro  
ium quadrans ACD sit  $= \frac{1}{4} AC^2$ ,  $\triangle ADC$  autem  
 $= 2 \triangle FDC - \triangle AFD = CF \times DE - \triangle AFD =$   
 $F \times CE - \triangle AFD$ , est segmentum AFD  $= \triangle AFD +$

\*) Veteres, nominatim Graeci, vti videre est apud  
rchimedes, Ptolemaeum, Geminum, Eutocium et  
heonem, ob incommodam praefertim, qua utebantur,  
umerorum notandorum rationem in designandis mpa-  
is hunc morem tenebant, vt, quotiescunque fieri pos-  
t, fractionem, numeratorem ab unitate diuersum ha-  
entem, semper in duas vel plures fractiones, quarum  
umeratores essent  $= 1$ , dirimerent, easque sic distri-  
tam efferrent. Haec discerptio hic in vsum tracta est.

$\frac{1}{4} AC^2 - CF \times CE$ . Sed in  $\triangle FDC$  est (Elem. II. 13)  
 $DF^2 + 2CF \times CE$ , siue  $DE^2 + EF^2 + 2CF \times CE =$   
 $CD^2 + CF^2$ , i. e.,  $= 2AC^2$ , ergo  $2CF \times CE =$   
 $2AC^2 - DE^2 - EF^2 = \frac{1}{2} AC^2 - EF^2$ , proinde  
 $CF \times CE = \frac{1}{4} AC^2 - \frac{1}{2} EF^2$ . Quamobrem erit seg-  
mentum  $AFD = \triangle AFD + \frac{1}{2} EF^2 + \frac{1}{4} AC^2 - \frac{1}{4} AC^2$   
 $= \triangle AFD + \frac{1}{2} EF^2 + \frac{1}{4} AC^2 = \triangle AFD + \frac{1}{2} EF^2$   
 $+ \frac{1}{4} AE^2$ .

Quum itaque semicirculus  $ADB$  ex triangulo  
sibi inscripto maximo  $ADB$ , et quadratis ab eius altitu-  
dine  $CD$  et dimidia basi  $AC$  factis, eodem plane modo  
componatur, ac segmentum  $AFD$  quadranti competens,  
ex triangulo maximo sibi inscripto  $AFD$ , et quadratis  
altitudinis  $EF$  et dimidiae basi  $AE$ , numeris, per quos  
spatia a lineis cognominibus descripta multiplicanda  
veniunt, in utroque casu iisdem existentibus, patet,  
quomodo, semicirculo pro segmento habito, formula inde  
deduci atque condi potuerit ad aream segmenti circu-  
laris cuiuslibet inueniendam, quae haud scio an ab  
auctore pro vniuersali putata fuerit, quum reuera  
duobus dumtaxat segmentis accommodata sit.

11. Restat, vt de errore videamus, cui formula  
Columellae obnoxia est. Cuius quidem ratio ac tenor  
expeditius iuxta planiusque explicari non posse nobis  
visa sunt, quam tabula hic subiecta, quae quantita-  
tem erroris istius pro valoribus denominatoris ratio-  
nis, quam altitudo segmenti ad dimidiam basiu ha-  
bet, intra nihilum et unitatem subsistentibus, et par-  
te decima unitatis a se inuicem differentibus, ob ocn-  
los ponit

$\frac{h}{b}$	$\frac{S}{bb}$	$\frac{\Sigma}{bb}$	$\frac{\Sigma - S}{bb}$	$\frac{\Sigma - S}{\Sigma}$
0, 0	0, 000000	0, 070796	0, 070796	1, 000000
0, 1	0, 133600	0, 175796	0, 042196	0, 240032
0, 2	0, 268788	0, 290796	0, 022008	0, 075683
0, 3	0, 407110	0, 415796	0, 008686	0, 020891
0, 4	0, 550029	0, 550796	0, 000767	0, 001392
			$\frac{S - \Sigma}{bb}$	$\frac{S - \Sigma}{\Sigma}$
0, 5	0, 698899	0, 695796	0, 003103	0, 004459
0, 6	0, 854944	0, 850796	0, 004148	0, 004875
0, 7	1, 019258	1, 015796	0, 003462	0, 003408
0, 8	1, 192799	1, 190796	0, 002003	0, 001682
0, 9	1, 376405	1, 375796	0, 000608	0, 000442
1, 0	1, 570796	1, 570796	0, 000000	0, 000000

Vt de vi ac potestate numerorum in hac tabula obuiorum penitus conflet, notari conuenit, signorum  $S$  et  $\Sigma$ , quae in ea praeter iam usurpata  $b$  et  $h$  occurrunt, prius aream veram, posterius autem aream ex Columellae formula computatam, cum eo tamen, vt pro ipsius  $\pi$  valore numerus 3,1415926 loco illius  $\frac{2}{7}$  adhibeatur, nobis designare.

Numerus igitur, qui ad finistram in ingressu laterali tabulae inuenitur, est denominator rationis, quam altitudo segmenti ad dimidiam basin ipsius habet. Qui huic sunt deinceps in eodem versu adiuncti numeri, eorum primus, quota pars quadrati a dimidia basi facti sit area vera, indicat, secundus hoc ipsum de area ad Columellae formulam computata manifestat, tertius differentiae, quae inter vtramque aream intercedit, ad quadratum dimidiaae baseos rationem ostendit, quartus denique errorem formulae Columellianae cum area ex ipsa supputata comparat, quotumque ex diuisione illius per hanc ortum exhibet.

Sed quo dispositio tabulae planissime intelligatur, haud  
inconsultum fuerit, usum eius exemplo illustrare, quod  
ex problemate ab ipso Columella prolato capiamus.  
Quaeritur autem in eo area portionis circuli, cuius  
basis 16, altitudo vero 4 pedes habet. Est igitur

$$b=8, h=4, \text{ proinde } \frac{h}{b} = \frac{4}{8} = 0,5; \text{ hinc } \frac{S}{bb} \\ = 0,698899; \frac{\Sigma}{bb} = 0,695796. \text{ Quare erit area ve-}$$

ra  $S = \frac{S}{bb} \cdot bb = 64 \cdot 0,698899 = 44,7295$  ped.  
quadr., area autem ad Columellae formulam ratio-  
cinata  $\Sigma = 64 \cdot 0,695796 = 44,5309$  ped. quadr.,  
pro quo numero Columella ob minutiarum neglectum  
44 tantum elicit. Excessus ergo areae verae super  
aream, quam Columellae forma praebet, est =  
 $0,1986$  ped. quadr. =  $64 \cdot 0,003103 = 1986,103$ .  
44,5309 siue circiter  $\frac{1}{50}$  areae proxime dictae.

Monstrat insuper tabula, Columellae formulam  
ipso  $\frac{h}{b}$  valores inde a 0, 0 ad 0, 3 vsque tenente

aream praebere plus a vera recedentem, quam vt er-  
rorem inde oriundum tuto negligere liceat. Consul-  
tius ergo videtur usum illius certis circumscribere limi-

tibus, eumque ad valores ipsius  $\frac{h}{b}$ , qui intra 0,4 et

unitatem consistunt, adstringere. Prior horum valo-  
rum paullulum modo distat ab uno eorum, pro qui-  
bus Columellae formulam exactae aequipollere supra  
vidimus, quique sunt  $1 + \sqrt{2}$  siue proxime  $\frac{7}{2}$  et  
1, posterior cum altero eorum prorsus conuenit. Li-  
mites igitur, extra quos usum formulae extendere non  
expedit, sic quoque constitui possunt, vt vnus eorum  
sit segmentum anguli, qui sesquialter est recti, capax,  
alter vero segmentum angulum capiens rectum siue

emicirculus. Intra hos limites, vti videre est in praecedenti tabula, area ex praescripto Columellae supputata semper iusto minor est, maximaque differentia ua a vera aberrat, obtinet ipso  $\frac{h}{b}$  valorem 0,6 circiter habente. Ad eam accuratius definiendam sumpta inter veram aream illamque, quam Columellae regula affert, differentia habetur

$$(S - \Sigma) = \left( \frac{bb + hh}{h} \right)^2 \text{Ang. tang } \frac{h}{b} - \frac{b^2}{h} - \frac{bh}{h} - (\pi - 3)bb.$$

facto iam  $\frac{h}{b} = q$ , forma praecedens transmutatur

$$\frac{(S - \Sigma)}{bb} = \left( \frac{1 + qq}{q} \right)^2 \text{Ang. tang } q - \frac{1}{q} - q - qq - (\pi - 3)$$

nde fit posito  $\frac{2(S - \Sigma)}{bb} = V$

$$\frac{V}{q} = \frac{2}{qq} - 2q - \frac{2(1 + qq)(1 - qq)}{q^3} \text{Ang. tang } q$$

hinc adaequato secundum maximorum et minimorum methodum exponente differentiali  $\frac{dV}{dq}$  cifrae aequatio determinando ipsius  $V$  adeoque  $S - \Sigma$  valori maximo est

$(1 + qq)(1 - qq) \text{Ang. tang } q = q(1 - q^3)$   
 ui quidem valoribus 0 et 1 ipsius  $q$  vltro satisfit. Verum quum pro illo differentiam  $\Sigma - S$  fieri maximam, pro hoc autem ad nihilum redigi ex antecedentibus constat, posthabitis istis valoribus alius valor ipsius  $q$ , idemque hic requisitus eruendus est ex aequatione

$$\text{Ang. tang } q = \frac{q(1 + q + qq)}{(1 + q)(1 + qq)}$$



$\frac{\Sigma}{bb} = 0,7868165$ ; proinde valor maximus ipsius  
 $\frac{S-\Sigma}{\Sigma} = \frac{1}{1,2831835} = 0,0050736$ , minor ergo quam  
 $\frac{1}{197} (= 0,0050761)$ .

Explorato valore maximo ipsius  $\frac{S-\Sigma}{\Sigma}$  habetur  
 quoque maximus valor ipsius  $\frac{S-\Sigma}{S}$ . Quid enim  
 $\frac{S-\Sigma}{\Sigma} = \frac{S}{\Sigma} - 1$ , erit in casu quoti  $\frac{S-\Sigma}{\Sigma}$  maximi  
 etiam quotus  $\frac{S}{\Sigma}$  maximus, proinde  $\frac{\Sigma}{S}$  minimus, ergo  
 $\frac{S-\Sigma}{S} = 1 - \frac{\Sigma}{S}$  maximus. Erit igitur maximus ipsius  
 $\frac{S-\Sigma}{S}$  valor  $= \frac{1}{198,31835} = 0,0050480$ , minor ita-  
 que quam  $\frac{1}{198} (= 0,0050505)$ .

Quibus ex omnibus sequitur, errorem formulae  
 a Columella ad inveniendam aream portionis circuli,  
 semicirculo minoris, praescriptae, si usus eius limiti-  
 bus ipsius  $\frac{h}{b}$  supra constitutis,  $\frac{1}{2}$  et 1, terminetur,  
 nunquam  $\frac{1}{197}$  areae ex ipsa computatae siue  $\frac{1}{198}$   
 areae verae excedere, planeque etiam a nobis adhiberi  
 posse istam formulam, vbi partem centesimam no-  
 nagesimam septimam areae secundum ipsam supputa-  
 tae nihili pendere licet.

12. Quae hactenus de formulis in dimensione  
 trianguli aequilateri et segmenti circularis auctore  
 Columella sequendis a nobis tradita sunt atque ex-  
 posita, lectores meliora de iis edocebunt, quam quae

Hambergerus a Gesnero \*) super his ipsis formulis interrogatus; in medium attulit. De priore recte quidem statuit, aream per ipsam non nisi veras proximam inueniri, sed quae ad alteram Gesneri de eadem formula interrogationem respondet; a proposito plane sunt aliena. Posterioris formulae autem, quae de inuenienda segmenti circuli magnitudine agit, rationem omnino non est assecutus, uti ex eo intelligi potest, quod illam in eo solo casu, ubi altitudo segmenti est tantarum partium 4, quantae insunt in basi 16,  $\frac{h}{b}$

ergo = 0,5, veram magnitudinem dare asserit, cuius quippe contrarium ex antecedentibus constat. Nec minus Kaestnerum vera eiusdem formulae indoles latuit, id quod ex ipsius de illa iudicio \*\*) colligitur. Ceterum formula Columellae ad mensurationem trianguli aequilateri spectans a recentioribus quoque geometriae practicae auctoribus iterata et tradita est, veluti Clauio \*\*\*), atque Adriano Metio \*\*\*\*).

13. Corollarii loco addemus huic commentationi formulas aliquot, quibus, absque canonis trigonometrici auxilio, dimensionem segmenti circularis, semicirculo minoris, vero quidem nonnisi proxime, satis ta-

---

\*) Temperare mihi non possum, quin confessionis Gesneri hac occasione de se ipso prolatae, quae se minus quam vellet in erudito illo puluere versatum esse, dicat, mentionem iniiciam. Elucet quippe ex ea summum ipsius circa disciplinas mathematicas studium a Kaestnero identidem praedicatum et collaudatum, qui illum hac in re cum Melanchthone, communi Germaniae praeceptore, comparat, quem Vossius (de Mathes. nat. et constit. cap. XXVI. §. 13.) refert dicere fuisse solitum, se grandi illa, qua tum esset, aetate Herlini fore auditorem, si Argentinae (ubi Herlinus mathematicam docebat) viveret.

\*\*) Elem. trigonometr. plan. propos. 18. XIII.

\*\*\*). Geometr. pract. Lib. IV. cap. II. §. 5.

\*\*\*\*) Geometr. pract. Part. II. cap. III. §. 5.

then accurately peragere datur, primumque eas exhibemus, quae aream  $S$  per altitudinem  $h$  atque dimidiam basin segmenti  $b$  expressam sistunt. Sunt autem istae:

$$\begin{aligned} S &= \frac{4}{3}bh \left( \frac{5bb}{5bb - hh} \right) - \frac{16}{175} \cdot \frac{h^5}{b^3} + \text{etc.} \\ &= \frac{4}{3}bh \left( \frac{35bb + 12hh}{35bb + 5hh} \right) + \frac{16}{2205} \cdot \frac{h^7}{b^5} - \text{etc.} \\ &= \frac{4}{3}bh \left( \frac{315b^4 + 133bbhh}{315b^4 + 70bbhh - 5h^4} \right) \\ &\quad - \frac{512}{218195} \cdot \frac{h^9}{b^7} + \text{etc.} \\ &= \frac{4}{3}bh \left( \frac{1155b^4 + 861bbhh + 128h^4}{1155b^4 + 630bbhh + 35h^4} \right) \\ &\quad + \frac{512}{1486485} \cdot \frac{h^{11}}{b^9} - \text{etc.} \end{aligned}$$

Derivatae sunt hae expressiones ex serie aream segmenti exhibente  $\frac{4}{3}bh + \frac{4}{1 \cdot 3 \cdot 5} \cdot \frac{h^3}{b} - \frac{4}{3 \cdot 5 \cdot 7} \frac{h^5}{b^3} + \frac{4}{5 \cdot 7 \cdot 9} \cdot \frac{h^7}{b^5} - \frac{4}{7 \cdot 9 \cdot 11} \cdot \frac{h^9}{b^7} + \text{etc.}$  atque sic

comparatae, ut earum quaecumque ulterior aream exactius, quam superiores, praebent. In ipsa areae computatione primum solummodo earum membrum adhibetur, altero dumtaxat inferuiente ad rationem gradus veritatis, quem per primum consequi liceat, subducendam.

Quodsi vero quotus  $\frac{h}{b}$  fit maior, quam ut vel postrema formularum praecedentium ad aream satis exacte computandam idonea sit, factis  $\frac{bb - hh}{2h}$

$= b'$  et  $\frac{(b - h)^2}{2h} = h'$ , supputetur area  $S'$  segmenti,

cuius dimidia basis  $= b'$ , altitudo vero  $= h'$ , atque erit

$$\begin{aligned} S &= \frac{1}{2} \pi (b + h')^2 - 2bb' - S' \\ &= \frac{1}{2} \pi (b' + h)^2 - 2bb' - S' \end{aligned}$$

Quo formularum allatarum vsus clarius pateat, haud incongruens fuerit, exemplum eius apponere. Sit igitur inuenienda area segmenti circularis, cuius basis est 7 pedum, altitudo unius pedis. Quia ergo est

$$\frac{h}{b} = \frac{1}{7}, \text{ erit } \frac{h^2}{b^2} = \frac{1}{49}, hh = \left(\frac{1}{7}\right)^2. \text{ Sed est } \frac{1}{7} > 0,28$$

$$\text{et } < 0,29, \text{ ergo } \left(\frac{1}{7}\right)^2 > 0,00172 \text{ et } < 0,00205^*),$$

quare  $\frac{h^2}{b^2} > 0,000012 \text{ et } < 0,000014$ ; pro-

inde area ex formula secunda computata in quatuor prioribus figuris decimalibus verae congruit. Quamobrem area quaesita est  $= \frac{1}{3} \cdot \frac{175}{3} = \frac{1}{3} (1 + \frac{2}{3})$   $= 4,6667 + 0,0753 = 4,7420 \text{ ped. quadrat.}$  — Exemplum propositum habetur in Clariss. Mayeri *Stereometr. pract. siue Geometr. pract. Part. V. §. 31. nro. VII*, vbi quaeritur soliditas portiois cylindri, quae pro basi vtraque habet segmentum modo mensuratum, altitudinem vero 12 ped. Soliditas requisita igitur est  $= 4,7420 \cdot 12 = 56,904 \text{ ped. cubic.}$

Dicta chorda dimidii arcus, quo segmentum finitur,  $c$ , rectaque, quae ab extremitate baseos ad punctum bisectionis sagittae seu altitudinis segmenti ducitur,  $h$ , erit etiam

$$S = \frac{1}{3} h \left( \frac{3b+2c}{5} \right) + \frac{1}{15} \cdot \frac{h^3}{c^3} - \text{etc.}$$

$$= \frac{1}{3} h \left( \frac{c+4b}{5} \right) + \frac{1}{15} \cdot \frac{h^3}{c^3} - \text{etc.}$$

---

\*) Depromti sunt hi numeri e tabula dignitatum partium unitatis centesimalium, quae extat inter eas, quas Lambertus sub titulo: *Zusätze zu den logarithmischen und trigonometrischen Tabellen*, Berol. 1770 publicauit. Recudi illam curauit Schulzius in collectionis tabularum logarithmicarum, trigonometricarum aliarumque a se editae Vol. II. p. 278–81. Sed tabula haud omnino mendis caret, quorum nonnulla vulgata sunt a Vega ad calcem praelect. mathem. Voll. II.

Duae hae formulae debentur Newtono. Vid. ipfius  
*Opusc. T. I.* p. 322 et Wallisii *Opp.* Vol. II. p. 388.  
 Ad fimilitudinem earum habetur quoque

$$S = \frac{1}{2} h \left( \frac{6c + 32k - 3b}{35} \right) - \frac{1}{1280} \cdot \frac{h^7}{c^5} + \text{etc.}$$

Ductae vero funt expreffiones modo prolatae ex  
 ferie aream segmenti exprimente  $\frac{1}{2} ch - \frac{1}{2} \cdot \frac{1}{2} \cdot \frac{h^3}{c}$   
 $\frac{h^3}{c} - \frac{1 \cdot 1}{2 \cdot 4} \cdot \frac{4}{7} \cdot \frac{h^5}{c^3} - \frac{1 \cdot 1 \cdot 3}{2 \cdot 4 \cdot 6} \cdot \frac{4}{9} \cdot \frac{h^7}{c^5} - \frac{1 \cdot 1 \cdot 3 \cdot 5}{2 \cdot 4 \cdot 6 \cdot 8} \cdot \frac{4}{11} \cdot \frac{h^9}{c^7} + \text{etc.}$

Agmen harum formularum ad aream veram  
 segmenti circularis appropinquantium claudant fequen-  
 tes duae

$$S = \frac{1}{2} h \left( \frac{3b + \sqrt{7(7bb + 4hh)}}{10} \right) + \frac{1}{2240} \cdot \frac{h^7}{b^5} - \text{etc.}$$


$$= \frac{1}{2} h \left( \frac{4c + 3\sqrt{7(cc - 5hh)}}{25} \right) - \frac{1}{1280} \cdot \frac{h^7}{c^5} + \text{etc.}$$

quarum posteriorem Huttonus in libro, quem in-  
 fcripfit: *Menfuration*, p. 107 tradidit.

De reliquo series  $\frac{1}{2} bh + \frac{1}{4} \frac{h^3}{b} - \frac{1}{1280} \frac{h^5}{b^5} + \text{etc.}$

evidenter monftrat, formam  $bh + mbh + nhh$ , minus  
 aptam effe ad aream segmenti circularis repraeſenten-  
 dam: haecque difconuenientia eff caufa magnae discre-  
 pantiae, quam pro valoribus  $\frac{h}{b}$  ad 0 accedentibus in-  
 ter aream veram et illam, quam Columellae formula  
 praebet, intercedere fupra animaduertimus.

AD CLARISSIMVM  
IO. GOTTL. SCHNEIDERVM  
SAXONEM  
PROFESSOREM VRATISLAVIENSEM  
EPISTOLA  
SVPER  
EPAPHRODITI ET VITRVVII RVEI  
EXCERPTIS GEOMETRICIS.



Numquam animum induxissem, Vir doctissime plurimumque suspiciendē, his Te appellare litteris, nisi praeuidissem animo, Te, qua es humanitate, benigne accepturum esse, quae voluntati Tuae, quam iussi loco habeo, non magis, quam desiderio, quo iamdiu tenebar, studium erga Te meum et obseruantiam publice testandi, obtemperaturus hoc pacto ad Te delata volui. Quaesieras ex me pro amicitia, qua me dignaris, in litteris ad me humanissime datis, num quae olim in commentatione Societati Regiae Goettingensi oblata de duabus Columellae formulis mensurandi conscripseram, alicubi iam extarent typis expressa, quo quidem Tuam eorum propius inspicendorum voluntatem haud obscure significare mihi videbaris. Illa igitur iam ad Te vna cum hac epistola perueniunt, utcumque reficta atque elimata, quo Tua, si fieri posset, expectatione digniora redderem. Porro autem de euulgatis in Bredouii Tui epistolis Parisiensibus Epaphroditi et Vitruuii Rufi excerptis geometricis certior me faciendo haud parum me Tibi obligaueras. Huic tantae benevolentiae Tuae ut aliquo modo responderem, simulque nutui Tuo, quem in epist. Parisiens. p. 234. deprehendere mihi visus sum, me accommodarem, constitui, quae mihi excerpta illa perlustranti in mentem venire, et adnotatu digna visa sunt, Tecum hic communicare. Sequar autem in annotatiunculis meis ordinem propositionum, quem Schotti exemplar seruat, quippe quod non solum maximam partem praeceptorum ab Hasio in lucem prolatorum, verum praeterea et alia complectatur, quae Hsio nondum publicauit. Liceat autem com-



pendii causa paragraphos in Schotti exemplari extantes notis numeralibus Romanis designare, quo ab articulis, in quos Hasius excerpta a se euulgata dispersitus est, quosque cum ipso characteribus numerorum vulgaribus notabo, distinguantur. His praefatis ad rem venio.

§. I. = art. 8. 9. (2). 10. (1). 11. praemissis appellationibus laterum trianguli rectanguli ex datis duobus quibusvis eorum reliquum inuenire docet. Idem edocemur a Boëthio in Geom. lib. II. rubrica altera de trigono orthogonio p. 1524. \*), et a Ger-

---

\*) Vfus sum editione operum Boëthii, quae cura Henrici Glareani Basileae ex officina Henricpetrina 1570 prodiiit. Ad manus praeterea fuit Venetiana: operum Boëthii editio anno 1491 publicata. Vtraque duos libros geometriae Boëthii exhibet, figuris sat nitidis illustratos, quod ideo monendum duxi, quia Kaestnerus (*Gesch. der Math. B. I. S. 282.*) vnus dumtaxat libri, primi scilicet, quem solum videre ipsi contigit, recensum dedit. Editus est liber iste separatim sine figuris vna cum textu de Sphaera Joan. de Sacrobosco, commentariis Jacobi Fabri Stapulensis illustrato, primumque prelo Henrici Stephani (aut) excusus. Hanc eius editionem collustrare mihi licuit. Extat in volumine Bibliothecae Paulinae Lipsiensis, quod maximam partem opera Jacobi complectitur; et inprimis ob id notabile est, quod in eo, si non primus omnium, at certe vnus ex primis libris, qui typis Henrici Stephani impressi sunt, deprehenditur. Continentur hoc libro: Jacobi Fabri introductio in arithmeticam Boëthii, et Caroli Bouilli Veromandii opuscula quaedam geometrica, (quae inter est liber de quadratura circuli, in quo Wallisius cycloidem inuenisse frustra sibi persuasit. Opp. Tom. III. p. 676.) perspectiua introductio et insuper Astronomicon eiusdem auctoris. In vltima pagina, quae est auersa fol. CXL legitur: *Id opus impresserunt Volphgangus hopilius et Henricus stephanus ea in arte socii in Almo Parisiorum studio Anno Christi Celorum totiusque na-*

berto Geometr. \*) cap. XLIX. Theorema Pythagoricum, quo formulae traditae nituntur, ab auctore excerptorum minus absone quidem, quam a Gerberto, attamen nec satis accurate enunciatur.

§. II. et III. = art. 16. et 17. montis superficiem metiri monstrant. Formulae solutionis, quas etiam habes apud Boëthium p. 1535., posteriorem quoque apud Gerbertum c. LXXXI. sed imperfectam, ad similitudinem eius, ad quam dimensio superficiei coni detruncati instituitur, quaque Boëthius p. 1534. et Gerbertus c. LXIV. in simili problemate utuntur, compositae appropinquationem tantum ad veritatem permittunt. Ceterum omnino eo modo exprimi debent, quo Hafsius eas edendas curavit, in cuius art. 17. post: *fit DCCC* verba omissa: *facio et ascensus ambos in unum, id est, DCCCL et DCCL, sumpta adaeque dimidia, fit DCCC*, inferenda sunt.

§. IV. = art. 18. 19. enumerantur species trianguli, inter quas monstrum trianguli, trigonus *parallelogrammus*, pro quo trigonus *amblygonius* substitui debet, occurrit, ostenditurque, quomodo ex data basi et latere trianguli isoscelis altitudo, et haec inuenta, area inuestigari queat. — Eadem habentur apud Boëthium p. 1521. et 1522., atque apud Gerbertum, qui species trianguli copiosius ac diligentius persecutus est, c. VII. et L. Praeterea Boëthius p. 1521. et Gerbertus c. XLIX. de area trianguli aequi-

---

*turae conditoris 1503. Die vicesima septima Junii.* Ceterum liber secundus geometriae Boëthii in Glareant editione perperam ex Euclide translatus dicitur, quum in toto Elementorum opere ne vlla quidem earum praecceptionum, quibus iste liber refertus est, inueniatur.

\*) Editi a Pezio in *Thesouro Anecdotorum novissimo*. Cf. de ea Kaestneri *Geometr. Abh.* I. 1., Montucla *Hist. des mathem.* Tom. I. p. 500.

lateri ex dato ipsius latere inuenienda praecipiunt, vbi notandum venit, rationem altitudinis trianguli aequilateri ad dimidiam basin statui ab illis  $= 26 : 15$ , eandem nimirum, quae in Columellae formula mensurandi trianguli aequilateri assumpta est. \*)

§. V.  $=$  art. 20. praeceptum est parallelogrammi rectanguli diagonalem datis eius lateribus inueniendi. Eadem regula, quae nonnisi repetitio primae in §. I. propositae est, datur a Boëthio p. 1530., a Gerberto c. XCII.

§. VI.  $=$  art. 21. traditur ratio, trianguli altitudinem ex datis tribus lateribus, adeoque aream in eo casu inueniendi, quo anguli ad basin sunt acuti, et perpendicularum e vertice trianguli in basin demissum intra trianguli spatium cadit. Boëthius idem problema p. 1523., Gerbertus c. LL soluit. Solutionis fundamentum est prop. 13. libr. II. Elem. a recentioribus etiam huic problemati soluendo adhibita \*\*), per quam alterutrum segmentorum bases a perpendicularo factorum quaeritur, quo inuento perpendicularum ipsum per theorema Pythagoricum eruitur. — Excerpta Hafii art. 23. idem problema alio exemplo illustratum exhibent, quod etiam a Boëthio p. 1527. et Gerberto c. XLIV. et LVI. prolatum est, atque eo potissimum notari meretur, quod numeri 13, 14, 15

---

\*) Gerbertus, in epistola ad Adelboldum Geometriae annexa, subtiliore discussione se illam rationem  $= 12 : 7$  inuenisse adfirmat, qua in discussione tamen falsus fuit. Nam ratio  $12 : 7$  multo minus accurata est, quam  $26 : 15$ , vti vtramque duplicando intelligitur. Existit autem fractio  $\frac{1}{2}$  et ipsa ex fractione continua,  $\sqrt{3}$  exhibente, non immediate quidem, sed interpolando seriem fractionum ipso  $\sqrt{3}$  minorum,  $\frac{1}{2}$ ,  $\frac{1}{3}$ ,  $\frac{1}{4}$ ,  $\frac{1}{5}$  etc. vbi altero loco prouenit.

\*\*) Cf. Tacqueti Scholium ad hanc propos. in Elem. geometr.

rationem laterum trianguli seruantes sic sunt electi, vt altitudo, hinc et area rationalis fiat. In exemplo §. VI. idem quidem obtinet, sed triangulum ibi expositum est rectangulum, cuius latera numeris illis notis 3, 4, 5 sunt proportionalia; quocirca non modo area, quae ducendo vnum cathetum in dimidium alterius efficitur, sed et perpendicularum in hypotenusam, quod producto cathetorum per hypotenusam diuiso existit, rationale fiat, necesse est. — Gerbertus in super c. XLI. problematis initio expositi alterum quoque casum, quo vnus angulorum ad basin obtusus est, et perpendicularum extra triangulum cadit, respiciens solutionem quidem legitimam, Elem. II. 12. superstructam, tradidit, verum magnitudinem laterum trianguli numeris inconsiderate atque infelicitur definit. Namque basi dat 8, cruri maiori 18, minori vero 10 pedes, ponit ergo crus maius aequale cruri minori ac basi simul sumtis, quod quam fit absurdum, non est, quod moneam.

§. VII. = art. 22. regulam offert a Proclo ad Elem. I. 47. (IV. c. 21.) Platoni, a Boëthio autem p. 1533. Archytae attributam, triangulum rectangulum in numeris, i. e., tres numeros (integros) inueniendi sic comparatos, vt quod a maiore fit quadratum, aequale sit quadratis duorum minorum in vnam summam collectis. Problema hoc, quod indeterminatum est, Boëthius et Gerbertus, qui id c. LXXX. habet, nec non excerptorum auctor ineptum in modum, perinde puta ac si determinatum sit, protulerunt. — In excerptis ab Hasio proditis habetur quoque art. 3. formula, quam Proclo perhibente Pythagoras isti problemati soluendo constituit, quamque etiam Boëthius p. 1524. et Gerbertus c. XLVII., ille quidem strictius, hic autem paullo fufius exposuerunt. Posterior ad hoc a c. X. inde vsque ad c. XIII. multis quidem verbis, nihilo secius tamen ieiune ac tenuiter, de

triangulis Pythagoricis, quo nomine veniunt numeri conditioni problematis modo propositi satisfaciētes, differuit. Vtramque autem et Pythagorae et Platonis formulam demonstratam dedit Kaestnerus in *Elem. Analys. finitor.* §. 187., vbi simul plura circa triangula Pythagorica affert notata digna, illo tamen, quod utique iucundum est cognitu, praetermisso, problema de inueniendis duobus numeris quadratis, quorum summa itidem sit numerus quadratus, ab Euclide iam in *Elem. lib. X. prop. 29. Lemm. I.* multo generalius, quam a Pythagora ac Platone praescriptum erat, solutum esse. Huius vero solutionis ope in promptu est, quotcumque libet triangula scalena, quorum vt altitudo ita et area rationalis sit, in numeris inuenire. Sumto v. c. numero 144, qui quatuor modis ex duobus numeris planis similibus iisdemque paribus componitur, quum sit  $144 = 8 \cdot 18 = 6 \cdot 24 = 4 \cdot 36 = 2 \cdot 72$ , reperiri possunt, quatuor triangula Pythagorica, quorum vnum circa angulum rectum latus est  $12 = \sqrt{144}$ . Reliqua scilicet triangulorum istorum latera sunt, vnius  $\frac{18+8}{2} = 13$ ,  $\frac{18-8}{2} = 5$ , alterius  $\frac{24+6}{2} = 15$ ,  $\frac{24-6}{2} = 9$ , tertii  $\frac{36+4}{2} = 20$ ,  $\frac{36-4}{2} = 16$ , quarti denique  $\frac{72+2}{2} = 37$ ,  $\frac{72-2}{2} = 35$ . Hinc coniungatis iam binis quibusvis horum triangulorum ita, vt latus vnius numero 12 notatum lateri alterius, quod eodem numero insignitum est, applicetur ac superincidat, existunt duodecim triangula scalena, quorum latera rationes, in tabella sequenti expositas, seruant.

		I	II	III	IV	V	VI	VII	VIII	IX	X	XI	XII
Basis	=	14	21	25	40	44	51	4	7	11	19	26	30
Crus maius	=	15	20	20	37	37	37	15	20	20	37	37	37
Crus minus	=	13	13	15	13	15	20	13	15	13	20	15	13
Altitudo	=	12	12	12	12	12	12	12	12	12	12	12	12

Omisso triangulo III., quod, vti antea vidimus, rectangulum est, reliquorum duo priora sunt acutangula, novem posteriora autem obtusangula. Primum triangulum, quo Boëthius p. 1527. et Gerbertus c. XIV. vñ sunt, id habet insigne, quod numeri altitudinem et latera exprimentes, 12, 13, 14, 15 naturali ordine se inuicem excipiunt, quo nomine triangulum hoc aequè solitarium est, ac triangulum illud rectangulum laterum 3, 4, 5. Reperire quidem licet innumera triangula scalena, quorum latera numeris naturali serie sibi succedentibus repraesententur, at tunc altitudo eorum huic legi non subiicitur, vti videre est ex tabula hic subiecta, quae aliquot eiusmodi triangula ob oculos ponit.

Basis	=	52	194	724	2702	10084*) etc.
Crus maius	=	53	195	725	2703	10085
Crus minus	=	51	193	723	2701	10083
Altitudo	=	45	168	627	2340	8733

Quoduis horum triangulorum propius ad triangulum aequilaterum accedere, quam proxime praecedens, facile perspicitur.

Huius exemplar art. 5. 6. amplius solutum ficit problema, quo ex datis basibus atque altitudine trapezii rectanguli, area et latus reliquum, quod hypotenu-

---

\*) Bases exhibitorum hic triangulorum aequè vt altitudines constituant seriem recurrentem scalae relationis — 1 : 4. Primum membrum prioris seriei est 14, alterius 12, basis quippe et altitudo trianguli I. tabulae praecedentis.

lae nomine insignire auctori excerptorum placuit, quaeritur. Formula art. 5. iusta est, eademque a Boëthio p. 1530. traditur. Gerbertus c. XLVIII. rationem paullo aliter, sed non minus recte iniit. At art. 6. formula, vt in membranis se habet, prorsus falsa ac praepostera est. Videtur excerptorum auctor hic duce, quem sequeretur, destitutus suum ipsius Martem experiri voluisse, quod ipsi infelicititer cessit. Hafius quidem errorem eius sustulit, formulamque legitimam in erroneae locum substituit, verum nulla, vt opinor, probabili ratione. Quum enim codicis numeri verbis omnino respondeant, optimeque inter se conspirent, causam idoneam textus sic immutandi, vt plane nouus effingatur, adesse non video. Porro haud scio an vocabulum *choraufstes* vel *chorufstes*, quod in membranis legitur, ab Hafio autem in *coryphe* mutatum est\*), auctori excerptorum restituendum sit, propterea quod vox *coraufstus*, idem prorsus atque istud sonans communemque originem prodens, apud Gerbertum pluries, videlicet c. X. et iam adducto c. XLVIII., vbi ipsum problema art. 5. tractatur, occurrit. Neutrius tamen vocabuli deriuationem me vlla probabili coniectura adsequi potuisse, libenter fateor.

Quae super haec Hafii exemplar art. 14. et 15. exhibet problemata duo, quibus longitudine ac latitudine agri formae rectangulae datis numerus seminum

---

\*) Strictè neque parallelogrammo neque trapezio basium parallelarum vertex s. coryphe, sed soli triangulo conuenit. Non sine ratione itaque Clarissim. Pflsiederer Euclidi definitionem IV. libri VI. (cf. eius Schol. in hunc libr. Part. I. §. 1. 2.) abiudicat, haud genuinam pronuncians. Comprobatur haec sententia eo, quod in Heronis *ὀνόμασ. γεωμετρ.* p. 41. vnius trianguli altitudinis extat definitio, quae sic se habet: *Τριγώνου ὕψος καλεῖται ἡ ἀπὸ τῆς κορυφῆς ἐπὶ τὴν βάσιν κείμενη ἀγόμενη.*

in eo disponendorum vel arborum in eo collocatarum ex noto ordinum intervallo tum per longitudinem tum per latitudinem, et vicissim ex illo numero longitudine aut latitudine data alterutra quaeritur, proprie ad geodaesiam non pertinent, sed auctor excerptorum ea ad exemplum Columellae, qui prius problema lib. V. cap. 3. per multos casus deduxit, adiecisse videtur. De cetero problemata ista facilem solutionem habent, ut mirum videri queat, Gerbertum, qui eadem c. LIII. proposuit, in iis soluendis a vero deflexisse.

Praecepta §. VIII—XVI. contenta non aream figurarum regularium, sed numeros polygonales et pyramidales qui dicuntur, nec non latera numerorum polygoniorum, inuenire docent. Talia etiam a Boëthio p. 1530—1533. pro iis traduntur, quibus aream figurarum regularium seu spatium lateribus earum terminatum mensurare liceat, quod eo magis demirandum est, quia Boëthius in Arithm. lib. II. c. 6. et seqq. accurate de numeris figuratis egit, generatione earum dilucide explicata, ut adeo numerum punctorum in formam polygoni dispositorum a multitudine pedum quadratorum in eodem contentorum utique discernere debuisset. Quid, quod regula p. 1531. de hexagono tradita, quam auctor excerptorum §. X. ruminatus est, prorsus falsa est, numeros plane diuersos ab iis, de quibus Boëthius l. l. c. XVI. exponit, sistens, uti cuiuslibet numerum hexagonum lateris 6, qui est 66, ad formulam a Boëthio p. 1531, et excerptore nostro §. X., constitutam computanti constabit. Pro illo enim numero 78 inueniet.

Quae modo protuli, suspensionem mouent, extremam partem libri primi geometriae Boëthii inde a verbis p. 1516: *His etiam compendiosis . . . usque ad finem*, totumque librum secundum non a Boëthio, sed ab alio nescio quo auctore profecta esse. Confirmatur haec suspicio eo, quod Boëthius in prooemio



libri primi, se ea, quae ab Euclide obscure prolata essent, exponenda et lucidiore aditu expolienda suscepisse profitetur. Atqui extrema pars libri primi et integer liber secundus ab hoc instituto procul absunt, quum eiusmodi complectantur res, quarum nullam apud Euclidem, ut iam monui, repereris, praeter definitiones aliquot circa finem libri primi, quae eadem iam in principio libri extant. Accedit, quod harum definitionum alterae prioribus concinnitate atque accurate longè sunt inferiores, quod quomodo euenire potuerit, si eundem auctorem Boëthium habeant, parum intelligo. Praeterea hae ipsae definitiones, quae in extrema libri primi parte p. 1516—1517. leguntur, inueniuntur quoque maximam partem iisdem, quibus apud Boëthium, verbis expressae in Frontini expositione formarum, quae adnotante Goëzio in MStis partim M. Iunio Nypso, partim Gerberto adscribitur. Et sic plura libri secundi capita passim in scriptoribus rei agrariae aliis auctoribus attributa offendes. Rubricae autem de abaci ratione et de diuisionibus, quae in fine libri primi p. 1517—19. habentur, alieno plane loco positae sunt, utpote ad arithmetica potius quam ad geometriam referendae. Nescio an et illud, quod antiquissima geometriae Boëthii editio, cuius supra mentionem feci, extremam partem libri primi ac totum librum secundum non continet, sed opus verbis libri primi: *quod oportebat facere*, quae in summa pagina 1516 leguntur, finit, pro argumento, illam partem istumque librum Boëthii non esse, habendum sit.

Sed missa hac de geometria Boëthii disputatione, quam tamen Tibi, eruditissime ac summopere colende Schneidere, non displicituram confido, ad propositam reuertor. Gerbertus igitur, qui formulas §. VIII—XVI cap. LV., LX. et LXV. habet, errorem, quem

Boëthius: \*) atque excerptorum auctor in hexagono commiserunt, cum iis non participat, formula legitima tradita. Neque diuersitas areae s. embadi figurae regularis a summo punctorum per eam dispositorum illum omnino praeteriit, sicut ex ipsius epistola ea de re ad Adelboldum scripta, cuius antea mentionem feci, apparet. Ceterum quoniam Schotti exemplar tuendis non solum scripturae sed interpunctionis etiam praeter modum scatet, haud ab re fuerit, formulas quas in inueniendis numeris polygoniis ex lateribus et vicissim his ex illis, nec non numeris pyramidalibus sequi oportet, hic apponere. Harum scilicet formularum subsidio quilibet leuiter tantum in arithmetica versatus menda ista absque negotio tollet, si modo animaduenerit, §. VIII. et XIII. tantum numeros polygonios ex latere, §. IX. solum latus numeri trigonalis, §. X. numerum hexagonum ex latere vicissimque hoc ex illo, sed formula inuersa §. XI., XII., XIV., XV. et XVI. non modo numeros polygonales ex lateribus haecque ex istis, verum et numeros pyramidales inuestigari. Formulae ipsae \*\*) sic se habent.

---

\*) Breuitatis causa hunc et in posterum nominabo, etiam si totius operis geometriae nomen ipsius prae se ferentis auctor non sit.

\*\*) Bachetus duas priores regulas in commentario suo ad prop. IX. libri Diophanti de numeris multangulis, tertiam autem in appendice ad hunc librum tradidit. Fluunt hae regulae ex formulis a Kluegelio in Lexic. mathem. artt. *Polygonalzahlen* et *Pyramidalzahlen* Tom. III. p. 822. et 930. expositis. Regula prima et altera mera sunt translatio formularum expositarum, signis algebraicis in verba conuersis; tertiae constituendae formula p. 930.  $\frac{1}{2}[(m-2)r-m+5](r+1)$  sic exprimi debet:  $\frac{1}{2}[(m-2)rr-(m-4)r+r](r+1)$ , ubi  $(m-2)rr-(m-4)r$  est duplum numeri polygonalis. Conferri quoque expediet, quae Kaeßnerus l. a. l. de regulis particularibus Gerberti disseruit.

I) Vt numerus polygonalis lateris dati inueniatur, ducatur quadratum lateris in numerum angulorum binario diminutum et a producto auferatur latus toties sumtum, quot anguli quatuor demtis restant, reliqui dimidium erit numerus quaesitus.

II) Ad inueniendum latus numeri polygonii dati multiplicetur hic per octuplum numeri angulorum binario mulctati, producto addatur quadratum numeri angulorum quaternario diminuti, et summae quaeratur radix quadrata. Cui inuentae si adiciatur numerus angulorum quaternario mulctatus, summaeque per duplum numeri angulorum binario diminuti diuidatur, quotus latus, quod quaeritur, manifestabit.

III) Numerum pyramidalem formaturus quaerat primo numerum polygonalem cognominem, huius dein duplo adiciat latus ipsum, et summam ducat in latus vnitatis auctum, producti partem sextam sumat, et numerum requisitum habebit.

Si formula I et II trigono applicetur, notandum est, numerum angulorum quaternario multatum fieri negatiuum, scilicet  $= -1$ , quare in applicatione formulae I latus semel sumtum non subtrahi, sed addi debet. Numeri vero negatiui quadratum quum positium sit, in accommodatione formulae II. quadratum vnitatis omnino adiciendum, postea autem a radice quadrata inuenta vnitatis deducenda est.

Vfus formularum prolatarum quo expeditior reddatur, exemplum eius praebuisse conueniet. Quae-ramus igitur numerum heptagonum lateris 10. Ex

$$\begin{aligned} \text{formula I. hic est } &= \frac{(7-2) \cdot 10^2 - (7-4) \cdot 10}{2} \\ &= \frac{5 \cdot 100 - 3 \cdot 10}{2} = \frac{500 - 30}{2} = \frac{470}{2} = 235. \end{aligned}$$

Si vicissim latus quaerendum sit, ad formulam II. est

$$\frac{3 + \sqrt{(8(7-2) \cdot 235 + 3^2)}}{2(7-2)} = \frac{3 + \sqrt{(40 \cdot 235 + 9)}}{10}$$

$$= \frac{3 + \sqrt{9409}}{10} = \frac{3 + 97}{10} = \frac{100}{10} = 10.$$

Quodsi de-

fideretur numerus pyramidalis heptagonus lateris 10, erit is per formulam III.  $\frac{(2 \cdot 235 + 10)(10 + 1)}{6}$

$$= \frac{480 \cdot 11}{6} = \frac{5280}{6} = 880.$$

Ex hoc exemplo perspicitur, principium §. XI. sic constitui debere. Omn. hept. aequis hab. later., cuius latus vnum in se multip. et postea quinquies duco; ipsam aream (sic inepte vocatur latus et a Gerberto) ter deduco, dimidiam partem sumo, heptagonum dico. Atque eadem ratione reliqua pars huius §. facile restituetur.

§. XVII. de colligenda sphaerae superficie (*incuruatura*) ex diametro praecipit. Praeceptum fundatur in prop. 137. libri I. Archimedis de sphaera et cylindro, a quo auctore etiam adhibita ratio diametri ad peripheriam, quae = 7:22 statuitur, arcessita est. Inscriptio c. LVIII. apud Gerbertum simile quidem praeeptum annunciat, verum formula ibi tradita non integram sphaerae superficiem, (*aream*) sed tantummodo quartam eius partem, aream puta circuli sphaerae maximi, praebet. At formula c. LXXXVI. contra titulum, qui est de inuenienda circuli incuruatura, superficiem sphaerae exhibet. Ceterum in fine §. verbis: *ac decima sexta expunctis*, inferendum est: *fit 616*.

§. XVIII. aream circuli ex diametro sola, §. XIX. autem eam ipsam ex diametro et ambitu inuestigare docet. Fundamen praescriptorum est prop. III.

in Archimedis libr. de dimensione circuli. Gerbertus eadem praecepta habet c. LVI. et LXXVII., posterius et Boëthius p. 1533. In numerorum vero §. XVIII. locum ex ordine subrogandi sunt hi 196, 2156, 154.

§. XX. est praeceptum a Columella libr. V. c. II. art. 8. traditum aream semicirculi ex basi eius i. e. diametro et latitudine curvaturae i. e. semidiametro inueniendi, sed aliquatenus deformatum ac deprauatum. Rectius idem Boëthius p. 1534. proposuit, et Gerbertus c. LVII. nec non LXXIX. repetiuit, nisi quod priore loco semidiameter circuli inapte diametrum semicirculi appellatur.

§. XXI. monstrat circuli (maximi) triangulo rectangulo inscripti diametrum ex lateribus inuenire. Formula ad hoc tradita, quam etiam Boëthius p. 1526. et Gerbertus c. LIX. praescribunt, recte se habet. Namque ex demonstratione propos. 6. libr. IV. Elem., qua circulum dato triangulo inscribere docemur, apparet, in schemate ibi appposito esse  $BE = BF$ , nec non  $CF = CG$ . Quodsi iam ducta intelligatur  $AD$ , ob  $AD^2 = AE^2 + DE^2 = AG^2 + DG^2$ , et quia  $DE^2 = DG^2$ , erit etiam  $AE^2 = AG^2$ , hinc  $AE = AG$ . Posito autem  $ABC$  angulo recto,  $\angle DBE$  est  $= \frac{1}{2}$  recti  $= \angle BDE$ , proinde (Elem. I. 6.)  $DE = BE$ . Porro quum sit  $AB + BC = 2BE + AE + CF = 2DE + AG + GC = 2DE + AC$ , habetur  $AB + BC - AC = 2DE$ . Sed est  $DE$  radius, ergo  $2DE$  diameter circuli inscripti, ideoque excessui, quo cathetorum summa hypotenusam superat, aequalia.

§. XXII. praeceptum est, altitudinem, ad quam accessus patet, sine ullo calculo metiendi. Ratio illius in eo posita est, ut rectae ex oculo in cacumen eductae inclinatio ad planum horizontale per oculum de-

ductum dimidio recto aequalis fit. Verum id quomodo methode in excerptis exposita obtineatur, dici vix potest. Tradunt quidem nonnulli geodaeiae scriptores modum altitudinem accessibilem absque calculo metiendi, quem hominibus illiteratis, veluti tignariis, in usu esse dicunt; at is modus non sine instrumento procedit, sed baculo, staturam mensuris longitudine paulum excedente, opus habet. Huius quippe in terram ad corporis altitudinem infixi summitate mensor, qui supinus humi iacet, pro puncto utitur, per quod visum in cacumen dirigat, cuius vicem quodnam aliud punctum in excerptoris methode expleat, id ipsum est, quod in quaestione versatur.

§. XVIII. problema arithmeticum est de inveniendi iugerorum numero, qui in producto decem millium passuum per 10000 (passuum) multiplicatorum continetur. Pro fundamento ponitur, mille passuum per mille conficere iugera 868, quod nonnisi vero proximum est. Diviso enim numero  $1000 \times 1000$  siue 1000000 pass. quadr. per 1152 pass. quadr., quot iugero insunt, efficitur quotus  $868\frac{1}{8}$  iuger. Solutio autem, quae in Schotti exemplari mendoso

perplexior est, ita procedit. Quoniam est  $\frac{10000}{1000}$

$= 10$ , ergo  $\frac{10000 \times 10000}{1000 \times 1000} = 10 \times 10$ , erunt

$10000 \times 10000$  pass. quadr.  $= 10 \times 10 \times 1000 \times 1000$  pass. quadr.  $= 10 \times 10 \times 868$  iug.  $= 86800$  iug., neglecto numero 5 iugerorum, qui ex multiplicatione partis decimae octavae iugeri per 100 provenit.

Ex iis, quae hactenus de argumento excerptorum disputaui, perspicuum esse puto, eorum auctorem geometriae non admodum gnarum fuisse, qui praecepta a se temere collecta saepenumero male intelligeret,

saepius etiam sine ordine et confuse proponeret. Praeterea manifestum esse credo, auctorem nostrum ex iisdem fontibus, vnde Boëthius et Gerbertus suas metiendi formulas sumserunt, hausisse. Etenim eiusmodi formulas in promptu fuisse, si non per se verisimillimum esset, testimonio Gerberti certum atque indubitatum fieret, qui c. IV. se ex regulis, quae ad aream figurarum inveniendam passim dispersae ferrentur, vtiliores digessisse, plane ac diserte profitetur.

Haec sunt, quas super excerptis Epaphroditi et Vitruvii Rufi, per se quidem parui faciendis, at in historia geodæsiæ non omnino contemnendis, in medium afferre habui. Reliquum est, vt Te, Schneidere doctissime et maximopere suspiciende, orem, vt adnotationes has qualescumque nomine Tuo celeberrimo inscriptas aequi bonique facias, mihiq; et in posterum faueas.

## ADDENDA ET CORRIGENDA.

p. 22. lin. 22. pro *ex iis* legas *ob ea*.

p. 24. lin. 31. deleatur comma post *incola* et post-  
ponatur verbo *Piscis*.

p. 38. Differentia inter *ἐντρίχων* et *ἐγγράφων* melius  
et accuratius definitur dicendo, illud adhiberi de figu-  
ra iam extante atque constructa, hoc de adhuc futura  
construendaque. Hinc sponte fit, ut figura intendatur  
in circulum, *tota* atque *insimul* e loco quasi remo-  
ta, circuloque superimposita, inscribatur autem in  
circulo describendo eam *per partes* ac *pedetentim*.  
*Intenditur*, si fieri potest, datum triangulum in datum  
circulum, at *inscribitur* triangulum in dato circulo  
aequiangulum triangulo dato. Vid. Euclides toto libro  
IV: et Proclus l. infra laud. (II. 8.)

p. 39. Mirum forsitan videri queat, quod Plato ver-  
bo *παρὰβάλλειν*, quod Proclo teste Pythagoraei iam de  
constructione figurae deficientis vel excedentis usurpa-  
runt, non usus fuerit. Verum notari debet, figuram defi-  
cientem vel excedentem, quae ad datam rectam *παρὰ-  
βάλλεσθαι* dicitur, semper cogitari parallelogrammam  
(*χωρίον*); quare Platoni, quum de construendo triangulo



deficiente verba faceret, necesse fuit, aliud verbum quam παραβάλλειν adhibere.

p. 47. lin. 5. pro BC κα leg. BC<sup>9</sup> κα

p. 56. lin. 8. pro τήν legas τήν.

p. 60. Verbum, quo simplicissime transmutatio figurae in aliam formam indicatur, est μεταμορφόειν.

p. 64. Schleiermacherus non de triangulo rectangulo generatim, sed de triangulo rectangulo aequicruro agi coniecit, idque ex occasione schematis, quod Socrates duplicationis quadrati demonstrandae causa descripsit et editores Berolinens. p. 39. delineandum curarunt. Ista vero coniectura quum longe absit a Platonis mente, vera utique dici nequit.

pag. ead. Exscripta iam erant typis omnia, quum ab amico litterato admonitus fui, in diarii dicti: *Schlesische Provinzialblätter* fasciculo octauo anni 1812, extare etiam loci a me tractati explicationem, cuius aliqua expositio quum merito desiderari atque expectari possit, summam eius breuiter hic enarrabo. Auctor Ferdinandus Niekelius illa luculentum omnino eruditionis suae mathematicae specimen edidit, sicut ex iis, quae iam afferentur, patebit.

Ante omnia inculcat, haud facile euenturum esse, ut triangulum aliquod propositum dato circulo sic includatur, ut latera trianguli fiant subtensae circuli terminae, quum triangulum quodcumque vno tantum circumscribi possit circulo, probabilitas ergo inclusionem in casu aliquo proposito perficiendi ad probabilitatem contrariam sit, ut o ad 1 h. e. omnino nulla. Quare utique esse licitum, ad quaestionem propositam: datumne triangulum dato circulo includi queat, ut audacter, nequire, respondeatur. Neque opus esse hypothesi,

qua diiudicetur possibilitas, impossibilitate certa ferme atque explorata. Negat porro Niekelius, hypothefi quidquam aliud postulari posse, quam vt vel duobus trianguli lateribus quibuscumque bifariam diuisis in bisectionum punctis erigantur perpendiculares ad concurrsum vsque producendae, huiusque distantia a verticibus angulorum trianguli cum semidiametro circuli dati conferatur, ad cognoscendum, vtrum aequales sint nec ne, quippe quod aequalitas ad includendum dato circulo triangulum propositum necessaria sit; vel constitutis super duobus trianguli lateribus quibusuis triangulis isoscelibus, quorum crura sint radio circuli dati aequalia, videatur, num vertices eorum in eodem puncto coincident, vtpote quod ad perficiendum intentum requiratur; vel etiam designata quantitate laterum trianguli per  $a, b, c$ , semidiametri circuli vero per  $r$ , inquiretur, aequatio relationem quantorum istorum exhibens

$$r = \frac{abc}{\sqrt{(a+b+c)(a+b-c)(a+c-b)(b+c-a)}}$$

valeatne nec ne. Ex qua quidem aequatione rursus effici ait, vix ac ne vix quidem futurum esse, vt lateribus trianguli et semidiametro circuli ad libitum assumtis inclusio desiderata fieri possit. Praeterea neque vllam hypothefium modo enumeratarum ex Platonis verbis elici posse, nec requiri, quum res multo breuius coaptandis deinceps lateribus trianguli in circulo conficiatur.

Reiectis dein eruditorum, qui in nouissima editione Berolinensi laudantur, explicationibus, antequam ad exponendam suam ipsius sententiam progrediatur Niekelius, monet, etiam si impossibile quasi sit, vt circulo cuilibet proposito quoduis inscribatur triangulum datum, attamen ex aequatione supra allata colligi, tendendo vel extendendo triangulum illud, perimetro

eius spectata tamquam linea extensibili \*) siue immutando latera ipsius, summa eorum seruata tamen, fieri omnino posse, vt in infinitis numero circulis aptetur. Nam si modo posita laterum summa  $a + b + c = m$ , quantitates  $a$ ,  $b$ ,  $c$  sic assumtae fuerint, vt duo latera quomodocumque sumta reliquo sint maiora, alios subinde atque alios repertum iri valores ipsius  $r$ . Hoc autem non ob stare, quominus innumeri supersint circuli, in quibus triangulum aptare non liceat, omnes veluti, quorum ambitus sit minor perimetro trianguli. Ac licet in innumeris casibus impossibilitas inclusionis statim in oculos incurrat, innumeros tamen casus restare, in confinio quippe possibilitatis atque impossibilitatis sitos, in quibus ad spectus solus ad iudicium ferendum non sufficiat. Atque id ipsum esse in causa, cur hypothesei opus sit ad diiudicandum, vtrum inclusio succedat nec ne.

His praemissis effert Niekelius quaestionem, quam Plato proponit, a quo quidem non temere nec sine ratione verbum *ἐντρίχυν* positum esse arbitratur, hunc in modum: *Potestne triangulum datum in dato circulo sic extendi, vt latera eius iam existentia fiant subtensae circuli.* Tum verba difficilia: *εἰ μὲν ἐστὶ . . .* enucleare adgreditur, quod quo perficiat *γραμμὴν περιμετρον* trianguli significare sumit, et pro *παρὰ* legit *παραπλάως*, quod ipsi valet *aequaliter*; *παρὰ τὸν* autem ipsi est: *ducere subtensam in circulo, εἴαν ἂν* reddit: *fieri potest* \*\*), atque *ἐλλείπειν* per *deficere*. Quibus

\*) Cohibui manum a correctione, qua hic opus est. Auctor pro extensibili voluit dicere flexibili. Posita enim perimetro extensibili fieri non potest, vt summa laterum eadem maneat.

\*\*) Causam huius interpretationis sumit ex eo, quod Plato τοιοῦτῃ κατὰ dixit, quoniam putat, illum scripturum

declaratis hypothesin, verbis *εἰ μὲν δὲ* . . . . expressam, sic enunciat: *Si triangulum fuerit eiusmodi, ut perimetro eius aequaliter in circulo extensa* (quod secundum Nielelium sit accommodando in circulo tres rectas, aequales singulas trienti perimetri, ita ut media extremas tangat) *fieri possit, ut triangulo hac ratione extenso desit aliquid ad conclusionem perfectionemque; aliud quid casurum est, rursusque aliud, si illud fieri nequeat.* \*) Nimirum si perimenter trianguli maior non fuerit perimetro trianguli aequilateri in dato circulo inscribendi, utpote omnium maxima, adeo ut arcus, qui a tribus rectis in circulo accommodatis subtenduntur, simul sumti integram non excedant peripheriam, triangulum datum sic licet tendere vel extendere, ut in dato circulo queat aptari: sin aliter fuerit, intentum non perficietur.

Haec explicatio magno quamvis eruditionis mathematicae apparatu, qui ei speciem aliquam roboris ac probabilitatis inducit, proposita et suffulta, multa tamen habet aut prae constituta aut male exposita, quorum illud grauissimum est, quod triangulum, de quo exponit hypothesis, non est triangulum ab initio

---

fuisse τοιοῦτον χωρίον, si per οἶον ἂν tantum quantum exprimeret voluisset. Ignoravit itaque Nielelius usum verbi ἐλλείπειν, qui apud Graecos geometras obtinet.

\*) Verba ipsa Nielii sunt: *Wenn das Dreyeck von der Art ist, dass wenn man seinen Umfang gleichmässig in den Kreis ausspannt, (nämlich in ein gleichseitiges Dreyeck, welches leicht geschehen kann, wenn man den dritten Theil des Umfanges als Sehne im Kreise herumträgt) und es geschehen kann, dass dem so ausgespannten Dreyeck (τὸ παρατεταμένον) etwas zum Schlusse fehlt (ἐλλείπει τοιοῦτο χωρίον) so wird, dünkt mich etwas anders seyn, und hinwiederum etwas anders, wenn dies nicht geschehen kann.*

datum, circa quod versatur quaestio, sed plane aliud, et triangulo proposito nonnisi isoperimetrum. Talis vero suppositio vel permutatio in ludo quidem ac ioco, at non in disputatione seria ferenda est. Fortasse hic Niekelius, ad ea prouocauerit, quae principio commentationis suae de probabilitate triangulum datum in dato circulo aptandi disputauit, exiguam probabilitatem quaestioni satisfaciendi suae eius inuersioni praetextens, sed frustra. Nam etiam si sit vero minus simile, aptationem desideratam in casu aliquo proposito effici posse, quam non posse, attamen geometrae certa atque explorata, non vero probabilia tantum, sectantis est, determinare, qua sub conditione aptatio locum habeat, qua non. Neque opponere licet, verbo *ἐντείναν* adstrui et comprobari aliquatenus istam, quam Niekelius in reddenda quaestione atque exponenda hypothesi secutus est, rationem, quum aliud sit *ἐντείναν χωρίον εἰς κύκλον*, aliud *ἐντείναν* vel, sicut Euclides loquitur, *ἐναρμόζειν περιμέτρῳ χωρίου εἰς κύκλον*, quorum neutrum pro altero accipi, neque in oratione accurata, qualis quidem a Platone expectatur, alteri substitui potest. Praeterea haud immerito dubitauerit quis, num Platoni illa trianguli aequilateri proprietates, qua inter omnia triangula eidem circulo inscripta maxima praeditum est perimetro \*), cuiusque cognitio ad condendam hypothesin Platoni a Niekelio attributam, requiritur, nota fuerit, quum veteres disquisitiones suas circa maxima minimeue in figuris tam planis quam solidis existentis

---

\*) Demonstratio proprietatis trianguli aequilateri hic memoratae pendet ex eo, quod rectarum, quae in portione circuli inflectuntur, ut Serenus libr. II. de Sectione Coni, prop. 44. ostendit, maxima est, quae ad punctum medium arcus inflectitur, quod idem facile ex demonstrat. prop. 94. Dator. colligitur.

tantum non ad solas figuras isoperimetas direxisse ex monumentis eorum a Theone et Pappo servatis \*) appareat.


Quae hactenus de Niekelii explicatione disserui, ad res pertinent, ac monstrant satis, ni fallor eius inconcinnitatem atque inconuenientiam, quae multo etiam magis patefunt, si ad verba attendatur, in quibus interpretandis Niekelius identidem hallucinatus est. Vt enim de audentiore ipsius praepositionis *παρὰ* in adverbium *παρίσω* mutatione nihil dicam, significatio vocabulo *γραμμῆς* assignata plane inaudita et inusitata est. Nec minus peruerse verbum *κατατείνειν* redditur: *subtensam ducere in circulo*, utpote quod potius verbo *ἐντείνειν* vel *ἐγγράφειν* exprimatur, et quidem cum additamento *εἰς κύκλον*, cuius ellipsin nullo exemplo comprobata tacite statuit Niekelius, qui simul male verbum *ὑποτείνειν* allegat, eique falso hanc vim tribuit, ut sit: *hypotenusam ducere*. \*\*) Quin contra id ipsum verbum ad significandam subtensam circuli adhibetur, verum sic, ut ea dicatur *ὑποτείνειν τῇ περιφερείᾳ* (arcum subtendere). Porro si *οἶον ἂν ᾗ* perinde accipiat, ut vult Niekelius, oratio sit nimis abundans eoque languida ac paene puerilis. Quis enim nisi dicendi plane rudis ad hunc modum loquatur: Si triang. hoc fuer. eiusm. ut perim. ei. aequal. in circ. extens., *fieri*

\*) *Εἰς τὸ τοῦ Πτολεμαίου βιβλίον ᾧ ὑπόμν. p. 11—17. et Collect. mathem. libr. V. — Theon se tractatum Zenodori de figuris isoperimetris in usum suum vertisse profitetur, rem tamen quam Pappus ampliore tractatione complexus est, breuiter tantum pertractauit. Theonis non meminit L'Huilier in introductione ad librum: De relatione mutua capacitatis et terminorum figurarum, quamquam de Pappi libro copiose refert.*

\*\*) Cf. quae de hoc verbo dicta sunt p. 56.

*possit, ut desit* . . . . , quum idem brénius et concinnius sic possit enunciari: Si . . . . . fuer. eiusm., vt perim. . . . . extenf. *desit* . . . . , vt taceam, admissa Niekelií interpretatione verbum substantiuum, quod alias proximum post *οὐδὲν* occupat locum, nimis remotum haberi, atque omnino verborum ordinem interturbari. Deinde quum ratione interpretationis praecedentis incisi habita τὸ παρατεταμένον sit perimeta trianguli, non ipsum triangulum, quamquam Niekelius sibi non constans de eo exponit, verba *ἡλλείπειν τοιαύτῳ χωρίῳ* si ad τὸ παρατεταμένον, quod sit a Niekelio, referantur; in hoc absurdi inciditur, vt linea cum spatio conferatur. Denique moneo, in Niekelií expositione αὐτὸ abundare atque otiosum esse.

p. 70. lin. 30. loco *pedum* leg. *perticorum*.













Widener Library

006120520



3 2044 085 254 068